

Дагъусттаннал агабият

16+

ISSN 0235-0165

Цлубарз

ЛИТЕРАТУРНО-ХУДОЖЕСТВЕННЫЙ ВА ОБЩЕСТВЕННО-ПОЛИТИЧЕСКИЙ ЖУРНАЛ

Гъарун САИДОВ
125 шин



4/2019
июль - август



Вицქრავსა გარუნ Саидовлул гьайкал

ЦІубарз

КІива зуруй цал буккайссар

4/2019

Периодичность - раз в 2 месяца

Учредитель:
Министерство информатизации,
связи и массовых коммуникаций
Республики Дагестан

КАЯЛУВЧИ - ХЪУНАМА РЕДАКТОР

**Мурад МахІаммадович
АхІмадов**

Аь. Исмяилов - хъунама
редакторнал хъиривчу

РЕДКОЛЛЕГИЯ:

С. АхІмадов

Э. Аьбдуллаев

Р. Башаев

М. Давыдов

Х. Илиясов (*редактор*)

К. Мазаев

Сс. Увайсов

С. ХІажиева

И. МахІаммадов

С. Къасумов

4/2019

июль - август

Государственное
бюджетное учреждение
Республики Дагестан
“Редакция республиканских лите-
ратурных журналов “Соколенок”
и “Литературный Дагестан”

Электронный адрес редакции:
litdag@mail.ru

ПОЭЗИЯ	
Гьарун Саидовлун 125 шин шаврийн хас буну.....	3
В. Амиров. Тутган тартсса арив.....	13
Б. Гьазиева. Буттал шяравалу.....	15
С. Алимов. Нураттиннул бусала.....	18
М. Давыдов. Лакрал аьщарал дазуй.....	20
К. Мазаев. Вайнна зунма хаварду.....	24
Д. Магьдиев. Нехгу дури тиккура.....	25
ЦИУССА ЦАРДУ	
Д. Давыдов. Бивкгу бакъасса шаэр.....	29
БУККУЛТРАЛ НАЗМУРДАВА	
П. Мирзаева. Даниял Магьдиевлун.....	30
ТАРЖУМА БУВМИННУВА	
Т. Саидов. Нузручи	32
М. Ахмадов. Загир Аруховлун альпалун.....	34
ПРОЗА	
К. Къажлаева. Хиулаймат. Хавар.....	36
С. Хажиева. Хьярчлийсса хаварду.....	42
ТАРЖУМА БУВМИННУВА	
З. Даганов. Къучагъсса Зураб. Хавар.....	52
ПУБЛИЦИСТИКА	
Х. Илиясов. Ю. Губуловлушалсса ихтилат.....	59
Д. Тумалаевлушалсса ихтилат.....	61
Аь. Айгуновлушалсса ихтилат.....	64
ХI. Хиусайновлушалсса ихтилат.....	67
ДРАМАТУРГИЯ	
Сс. Увайсов. Алло, ина цура?.....	73
КРИТИКА ВА БИБЛИОГРАФИЯ	
Аь. Магьдиев. Ккурккуллал Щаза.....	76
Х. Илиясов. С. Къасумовлун шеърирдаясса ца-Кива махь.....	94

Регистрационный номер: серия ПИ №ТУ05-00410
выдан Управлением Роскомнадзора по Республике Дагестан от 22.04. 2019 г.

Новолуние №4

июль - август

На лакском языке

Выход в свет 29.07. 2019 г.

Тираж 363 экз

Печать офсетная. Бумага офсетная

Формат 70x108 1/16

Усл.печ. л. 8,4. Усл. изд. л. 8,7

Заказ № 419

Цена свободная.

Типография: ООО «Издательство «Феникс - пресс»

Адрес типографии: 367018, РД, г. Махачкала, пр-т Петра I, 61

Редакция и издатель: Государственное бюджетное учреждение Республики Дагестан

“Редакция республиканских литературных журналов

“Соколенок” и “Литературный Дагестан”.

Адрес редакции и издателя: 367000, РД, г. Махачкала, ул. Даниялова, д. 55.

Поэзия

Гъарун САЭДОВ
125 шин



Революционер, драматург, шаэр, публицист, редактор, Дивир Саэдудул арс Гъарун увссар 1894-ку шинал май зурул 8-нний Гъази-Гъумучиял округрайсса Ваччиял шяраву, паччахІнал канцелярданул чиновникнал кулпатраву.

1902-кусса шинал Гъази-Гъумук кІива классгу къртал бувну, увхссар Шурагьял реальный училищалувун. Му къртал бувну махъ, 1912-кусса шинал дуклай ивкІссар хІаписартал шайсса юнкертурал школалий.

1915-кусса шинал увхссар Москвауллал Коммерциялул институтравун. Миву дуклай унува, увхссар большевиктурал партиялувун.

1917-кусса шинал, Дагъусттаннайн увкІун, Шурагъ Гъаруннул тІивтІуйссар «Дагъусттаннал просветительно-агитационного бюро».

Мура шинал мунал итабакълан ивкІссар лакку мазрайсса «Илчи» кказит.

1914-кусса шинал Гъаруннул чивчуссар Дагъусттаннай цалчинсса драма «Къалайтъад».

1919-кусса шинал, август зурул ацІния шамулку къини, ЦІахъардал Къуманиву Деникиннул аьскарнал аьщун ивзссар Гъарун.

20 шинаву – чивчуну бур драма «Къалайтчал».

22 шинаву – зий ивкІун ур «Илчи» кказитрал цалчинсса редакторну.

25 шинаву – аьщун ивзун ур ЦІахъардал къуманиву.

ГЪАРУН САЭДОВЛУХА ЧИРЧУССА НАЗМУРДАВА

Курди ЗАКУЕВ

ГЪАРУН АЬЩУН ИВЗШИВУ БАВУКУН

*Ина хъунна, Гъарун, хІакъсса виричу,
Инкъилабрал ххуллий жан пида дурсса,
Зулму-зулматраицал жигъадрай увккун,
Шагъид хъунна ина, ургъил къабувну.*

*Ина ххуй дурунни Дагъусттаннал цІа,
Виричуну ацІлай истибдадрал хъхъичІ,
Ина ккаккан бунни Лаккуй бушиву
ХІуриятрал ххуллий жан дулай вирттал.*

*Зулмукартал вия иман хъунугу,
Вил цІа личІантІиссар абадлий Лаккуй.
Мустибадтал утти ххари хъунугу,
ТІутІайх бичинтІиссар вил ххуйсса пикри.*

*Жун вин гъайкал данну ссурулун щусса
Ина шагъид хъусса Цахъардал дазуй.
Жу вил гъаттал ялув къуппа буванну,
Ялувгу чирчуну варакърай вил цІа.*

*Тти дикІувча рутІлай обълуркъусса макъ
Хъювсулну, къуману Къуйсу аьтарттул,
Тти дикІийча лакрал мюрицисса нехру
Къумасса ратІавух экъинай, аьтІий.*

Январь 1920 ш.

Аьлихан ЦІУЙШИЯЛ

САЭДХЪАЛ ГЪАРУННУХА

*Обручай ариул кІили,
Чал бакІрай мусил хъхъури,
КІиллуву ина чинар –
Лавхъ парандарал чирахъ.*

*Вила исвагъий лялук
Ина мухІлу дархІукун,
Ссавнийсса хІурулгъэнтал
ХІайран хъуну личІайва.*

*Вил уттасса хъачІунттай
ЯтІул башлихърал хъару
Бюхттул зунттал лахънийсса
Барзул хъаттирдан лацай.*

*Уручрав ина бувку
КІива-шанма хъалул ххункІ
ЧІутІул ккуллардунияр
ДакІнийн къувтІуну бикІай.*

*Щарав, урттул марцалу
Ина шанай унува,
Лавмартсса душман увккун,
Ххяптул лавсун лавгунна.*

*Оьккисса макру бувну,
Мазру кІикъартта бувну,
Душмантурал къатІухъхъун
Ина ириян унна.*

Нураттин ЮСУПОВ



ГЪАРУН

Парча

*Аврхилий ачирча
Къатлува инсан,
Ганахъ ххуллухъин чин
БухкIуллийн уккай
Къатлувусса циняв
Мачча-гъаннава
Яла хIурмат бума,
Яла дакI марцIма.
Вай лакрал бюхттулсса
Зунттал бухкIуллий
АвцIуну ур Гъарун
Хъхъугу, къинигу.
Лаккуя нанинахъ
Ур ххуллухъин тIий,
Аврав тIий ур Лаккуйн
Наниманахъгу.*

*Зунттава, ххялава
МарцI щарацивгу
Хъун нех хъуну най бур
Хъунма хъхъиринмай,
Дакъар хъис чул бансса
ЧIун Гъаруннулгу,
БучIайми, лагайми
Ялун ххи хъанай.
Цала ччаннацI тIутIив
Къадиширчагу,
Ххуллуссаннай ганал
Бювкъу-аьй къадай.
Гикку бургъил тIинтту
Лап кIирисса дур –
Га авцIусса чарий
ТIутIив цирда шай.*

**МахIаммад-Загъид
АМИНОВ**



ЛАКРАЛ ДАЙДИХЪУ

*Лакрал улча байбишайссар
КIира ххяллул дянива,
Шикку мудан угъ личайссар
Лаккучунал дакIнива:*

*Угъ личайссар, ялавай най,
Ва ламуйн уккайхтугу,
Угъ личайссар, зана хъанай,
Зунттавуна ургайхтугу...*

Кликунмайну ххуллуцI буссар
Цуппалу ца кIялабарз,
КIяламиннал бивтун увтссар
КIикку лакрал цIасса арс:
Бивтун увтссар мискиннахлу
Махъ бусайма хъуну тIий,
Бивтун увтссар, циняв агьлу
ЦачIун бан чай уну тIий...

«Муна мукун!» – учин бюхъай
Ттигу ца-ца душманнал,
Амма Гъарун дакIниин утай
Гъаттал чIарах увкманал.

Утта дурркун, танал адав
Дуккай гъарцаннал хъунийн:
Ванахъ – «увхрав», танахъ – «аврав»,
Ягу «ххуллухъин» учин.

Ччарча ххяпри, ччарча льякъри
Яла ларгссар ччиссаксса,
Так цаманай аьтIимари
Дуаьлувух ишайсса.

Муна мукун, Лакрал улча
Байбишайссар ххяллая,
Агьлу тIурча, хиял тIурча –
Гъаруннул хияллая.

1991 ш.



Сугъури У ВАЙСОВ

ГЪАРУННУЛ ГЪАЙКАЛЛАНУЧIА

На авцIун ура вил гъайкалданучIа –
Оьрмуллул ца ттула арсуксса вичIа,
БакIрайсса къяпагу канил бувгьуну,
КIяла хъусса бакIгу хъхъичIун дуртуну.

МахIатталишиврул дур ва ттул дакI дуцIлай,
Вил чувшиврул гъайват ттула хъхъичI дацIлай,
Вил ччаннацI къюлтIну бур чIумул тарихгу,
Тарихравун лавг вил чувшиврул ирсгу.

Ттул хъхъичIух дур зизлай ларг чIумул дасру –
Инкылабрал дирхъу хIусутсса дарсру,
Жагьилсса инагу ура хъхъичI ацIлай,
КIирисса къюкIлива цIарал махъ хъхъицIлай.

Миллатгу хIурматрай вичIилий бур вих –
ТIайласса вил мукъул гай буллай бур вих,
Вих къахъун шайссарив, аьлттуни хIакъмур?
КъюлтI буван шайссарив миллатран лайкъмур?

ЧIохлай бур уттигу та чIумул чIурду,
ЧIалай дур халкъуннал дакIнил къювурду,

*Тай кьовурдал ририцу ярэ цѳупар куна,
Парх куну лавгунна, камета куна.*

*Вил яхI ва кьирият дур ттигу сагьну,
Ялунсса никиран ярэсса эбратну,
Ина инавагу жагьилишиверувух
Жух ура уруглай ларг шиннардивух.*

*Ура ина жул хьхьичI кьанкьану авцѳун,
Мармар чарияту хлурматрай цѳавцѳун,
Чувишврл кьирият никиран дуллай,
КIай лакрал зунттавун чани гьан буллай.*


*Ина хIакьинугу уссара талай
Кьадарминнацал ва яхIбакьултрацал,
Ина хIакьинугу уссара занай
Тайлашиврул цѳаний наниминнацал.*

*Буссар вийн уттигу битлатиссагу,
Цѳахьардал-Кьуманив утлатиссагу,
Вил чувишврл бивкIу бакьашив кIулну,
ХIакьинугу вия хIучI тIутIиссагу.*

*Чан бакьассар амма вил кьюкьлувуми,
Тайлашиврул цѳаний ттигу талайми,
Ина хIакьинугу жул хьхьичI уссара –
Вил чушив сагьссаксса, ина сагьссара!*

*На авцѳуну ура гьайкалданучIа –
Оьрмулцѳа ца ттула арсуксса вичIа,
БакIрайсса кьяпагу канил бувгьуну,
КIяла хьусса бакIгу хьхьичIун дуртуну.*

Мирза ДАВЫДОВ
Дагьустганнал халкьуннал шаэр



ЛАКРАЛ АЬРЦАРАЛ ДАЗУЙ

*Цѳахьардал кьуманиву,
Лакрал аьрцарал дазуй
Ина ура авцѳуну
Лакку чарийнегу увккун,*

*ЧIарах эькинанисса
Хьуннеххал ххурххулува
Баллайнма бур вийн бивтсса
ЧIутIул ккуллал чIукIа.*

Дарардавух, зунттавух
Лехлайнма бур та ххурхху,
Духъунссар вил леххаву
Чявхълул ттуруллал гургу.
Лакрал зунттуя дурцсса
Хяллул лахлуни куна,
Ина цяв левкъсса члумал,
Агъи увкуна лухччал.

Гъумучири душничлан –
Вин буцай душ Аьччичлан,
Га угълил члу леххайхту,
Бивттуна хъапул хлаллу.
Бивлулул сакаратрал
Ктири пицл бивчу члумал,
Зумув щинал клунтл бутан
Чарав хъурдай къаучав?

Щархъая щархъайн – угъру,
Щархъал бакIрах – мяурду,
Цими зунттал щаращи
Къавкъунавав га хъхъуну?

Чутлул ккулла вийн бивтсса
Цала дакIницлун цуну,
Цими ниттил дакIницла
Багъунававли парча?
Уттигу жагъилнува
КIа Лакрал къапулуцIа
Ина авцлуну ура
Миллатрал яхI буручлай.
Цукссава анаварсса
Аьрххилийн най унугу,
Лаккучу чIарах къагъай,
ВичIа аглан къавхъуну.

Къурагъсса гъинттулгума
Чарийн увкъсса вил лагма,
Вил дакIнил хиял кунма,
Кавс уртту-тIутIан бакъай.
Вил оьттул клунтIаяту
Хъунававли гай тIутIив,
Лаккуй инт хъя учайхту
Хъя учайхха ятIулну.

* * *

ЧАРИЛ КЪАТРИ

(Поэма)

КъаличIаннав наслу бакъа
ЦучIав ва дуняллий,
КъаличIаннав буттал къатта
Бакъа чIиви оьрчIал ссичI.

1

ЛухIисса ттуруллив ссавнийх дур ккуруй,
Бургъил тIинттал хъхъичIух сситтулну гъузууй,
Гъалак хъуннин хъхъичIесса хъхъирил къан кунна
Ссав дур оьлуркъуну пурх чин хIадурну.

Зунттал вив ляркIусса мюрици щархъава
Цаннив лехлай бакъар балайлул чIурду,
Хъювхъу тIисса хханессар кIуларгсса ттурлу
Лухччинийн зивзунни мукъал мюриш клунтIру.

Щарнил зуманивсса чарил пукълуву
Цана бакъанугу мяу бивхъуну,

*Гивусса ялгъузсса къарил иттавгу
Къакъаркъхъунссар тачIав аьсивсса макъгу.*

*Вана тти чIивисса цIансса къатлуву,
Цурдалусса пакъир дур къашай хъуну,
КIяла чарин дурксса симандаливу
ЧIалай дур аьсивсса ца паиманишиву.*

*Дуссия ганилгу чIунну тяхъасса,
Пиш увкуну бакъа махъ къаучайсса,
ЧIун архIал хъанниву къурув бавчукун
ХIайран байссия халкъ ганил ххуйшиврул.*

*Уссия аьнтIикIал азнаварсса лас,
Мурадиран увсса хъихъи лавъсса арс,
Буссия ичIува бихъу-барачат
Мяш къашайва булун мискинишиннан ччатI.*

*Хар-хавар бакъанма гъаргъун уттусса,
Щала магъи вирдай лекъайсса кунна
Га къатлул ялунгу бивуна бала:
Мурадран увсса арс хъуна буттацIа.*

*Гуркку буллай чурхгу, лагъну зума тIий
ОърчIал кIанттух даин дикIайва аьтIий,
Гъан дайва мукъаву лахъисса хъхъурду
ОърчIал тIаннул кIанттуй бакIгу дирхъуну.*

*ЧIун ларгссаксса лаяй гъаттал аьрцигу,
Къянкъа ларгхъунссия пакъирнал дакIгу,
Так дягъуллул гъухъа чурххайва буна
Авурсса симангу силул ччурччуна.*

*Цанма хъу тIутIими чIявусса буна,
Щар хъун ганил дакIнил къамул къабувна,
ЗахIматсса шиннардий мискинну буна,
Аваданнахъ кумаг чIа къаувкуна.*

*Параннарал къяртта ччурччунни куну,
Ччувччуну къалагай мурхъирал оьрму,
Къалевицуна чирахъ ганил къатлуву,
Хъуна хъанай ия арс – ниттил умуд.*

*Шинну анаварну ларгуна ккуру
Чумартсса чув хъуна арснятугу.*

Ганан буцай душний Киссагу лавххун
Хадур хъанай дия хъатIи бан нину.

Цакуну ттуруллал чявхъа бивчуну,
КIачIа байсса кунма бивсса чIаллал къур,
Германнал бивчусса чIутIул чявхъалул
Гъагъан дурна ниттил ххарисса дакIгу.

Арс тIайла уккайни аьрайн ккурчIату
ХIасратрай къюлтI куну къумашивугу,
ИлтIасса каругу хъачIунттайх дуртун
Ниттил лагъсса чIуний увкуна укун:

Лахъанни вирттаврайн къини дуккайсса,
Нартналли муния хIучI къаучайсса,
ХIарачат бува, арс, талан личIлулну,
ЛухIи душмантурай рахIму къабувну.

КъадуцIиннав оьттул вил щюлли чухъа,
Къахъуннав щавари вил кIяла гъухъа,
Насу, янил чаний, ххуллухъин баннав,
Душмангу ххит увну зана икIаннав...»

Арс жагьилтурацал аьрайн лавгуна,
Махъунай зана хъун нясив къавхъуна,
Хъул къаличIлай ххуллийн ялугълай дуна
Аскарнал ниттия тти къари хъуна.

2

Чянива гъав лавгсса чарил къатлуву
Къари дур цурдалу къашавай хъуну,
Шайкун жиг-жиг дартIсса симандаливу
ЧIалай дур къюлтI хъуну ца паиманишиву.

Ганил бювкъун лавгсса меж бивкIсса яру
Буруглай бур хъулийн щихрив ялугълай,
Нузал чIу хъутари ххарину дургай,
Гужерай кIараллия гъаз дурну бакIгу.

Цурда духъурчангу гъаз хъун къабюхълай,
Цила ялун увхнах пиш куну дургай,
Бакъари пакъирнан ца чаран хъанай,
Махъва махъсса гъантри захIматну бур най...

ЧIарах вялч чин дурну заэвсса кару,
Шякъ бивтунни къатлул ца мурицIув яру,

*Утти га дакъари нузах дуруглай,
Лагма лавгсса ч!аххул х!исав къахъанай.*

*Къюк!лил ришлашаву дур хъхъара хъуну,
Пакъир, дачлан най дур ахиратравун,
Васижат ча банссар, маз бур бувх!уну,
Бив!улул мугъру бур мурччай бивиуну.*

*К!уч! дуванссар къари гъунтий гъаттаву,
Ссувайну лич!анссар чарил къаттагу,
Тит!инма къавхъуну ларкъусса нузру
Ахиргу лич!айвав эялу хъуну...*

*Нузал ч!у хъутари чярхний дуруглай,
Щих диявавли га даин ялугълай?
Ч!аврдайх мукъал к!унт!ру ккуруй бияхха
Чи дард диявавли аьч дан къашайсса?*

*Ягу диявавли мискин хъювсулну,
Дуньяллия цурда нанисса к!улну,
Дакъаяхха ганил хъус чийх дуккансса,
Яла ссалла-ссалгъа дард дик!ант!исса?*

3

*Дурччуна къаригу ласнал гъаттаву,
Бак!рац! бац!ан бувна ч!ивисса чару,
Бив!улул аьдатру цанма чирилун
Дуруна ч!аххурал дуллай дак! дирмур.*

*Жаназалул лувсса шану гъаз байни,
Хъювусул бувккуна лагмасса хъами,
К!араллилу дия жагъилнал сурат,
Ттангъаригу дурсса къурч!исса мукъал.*

*Цила аькълулуву дуссаксса к!улиши,
Иттав чаннал к!алай лекъарицуссаксса,
Нузал ч!у хъутари хъулийн буруглай
Ниттил яру арснах бивк!ун бур луглай.*

*Умудрал, хъулданул цир лахъишиву?
Инсаннал оьрмулун цир кут!ашиву?
Я Аллагъ, ц!имилул Заллу акъарав?
Вай ниттихъал дак!ру мадара гъагъан!*

4

*Акъар утти цучIав къарил къатраву,
ЛухIи къункъула дур нузай дирхъуну,
КIура-кIура баллай бярчIувух пуркIу,
Ливчуну най бакъар тти буллай тIуркIу.*

*Цинявннал къатраву лавхъун бур чани,
Цаннавун дюркъун дур так царай къатри,
Гай къатрал хъулухух хъхъугу, къинигу
Язухъну мяв-мяв тIий занай бур ччиту.*

5

*Лагмава бавцIусса барзунттал дянив,
Ца зунттул махълийсса царнил зуманив,
ЧIалай бур ссувайсса чарил къатта ттун,
БачIи бахълавгусса гьалхъа урттувун.*

*ГаничIан нанисса жегъир ххуллул ца
Лякъин бюхълай бакъар цIанакул ттуца,
На ура авцIуну зиярат буллай,
ДакIгу дур къювордал лап къуцIу дуллай.*

*Гъуркку буллай чурхгу мурцIув ляркIуну,
Къари дур цIанакул ттул хъхъичI дарцIуну.
Агъ, бюхълай бакъари дард дакъа ацIан,
Чанна дуклай дакъар дакIнивусса цIан.*


*Чявхъа микIру бичлай, мюри гъарал лачIлай,
Замана цимилгу баххана хъунни.
Так паранну цусса мурхъирал мархри
Лайсал гъаралуннил цIу хъун къабунни.*

*ИвкIссания къарил арс сагъну цIана
КъаличIантIиссия га къатта бачIва.
Арснал оърчIру лагма лавгун бивкIния
Ажалуннил шагу хIурхIа хъунссия...*

*Къатрая хъурчангу леркъун эялу,
ЧIярусса шиннардий циминналагу,
Аьпа баннав куну чинтIиссар къарин
Даин ххалхъутари ссувайсса къатри.*

Декабрь, 1959-ку шин.

Валерий АМИРОВ
(80 шин)



*Тутан тартсса арев вил гъайбат чЛалай,
Щугълурдал ххуттардих вил цЛа клицл лаглай,
Барча ина бувсса кьинилул байран,
БацЛаннав тлий ура оьрмулий давран.*

*Тутлив дулувияв чЛарав уния,
Чани буквавияв цЛансса хъхъунива.
ДаК марцЛсса мукъурттил цавицуну яха,
Балайтли бавияв даКЛнийсса виха.*

*Интнил ссурулкуртта ссайгъатран ласи,
Ссавнил няК пирузи лицЛан да иттав,
Цурттал жанграй царшисса авур жинжила,
Чюлушиврун дуги хъазамрайх вила.*

* * *

*Чясса чичрурдаву ххилтлу тлий уна,
Хавар бакъа бугъав вил чагъар кЛунттил,
Аьжаивсса хъхъувхъхъу бувххун чурххавун,
Та караматсса чЛун ттул хъхъичЛ дарицуна.*

*Бюрунттул ярунних на авлий уна,
Чатуяв инагу бувксса ттул хъхъичЛун?
Хаварсизсса ккулла вийн тЛайла къахъун,
Асардай дюь дихълай, мугъаят хъура.*

*Байгъин къабюхъайхха кугълансса щатлив,
Хъхъури лаххан къашай гъалаксса неххай.
Ттул даКгу ттюнгъаса хъаттирдай лехлай,
КЛунклу тлий ляркъуна лавмартнал хъирив.*

*Вил гъайбатрив кЛучЛну диркЛун дур ттуву,
Ттуцал къума лаглай, ттуцал щугълурдай,
Бюхъай чЛун чЛарах най хъамава итлай,
КъадикЛан ттул симан вин даКЛнийрагу.*

*Амма чӱмүл бара – чӱвисса чагъар,
Ттул кӱнттил бувгъусса вин чӱалай бакъар,
Цӱунилгу цӱурхъхъу тӱн ттул дакӱ диркӱнни,
Цӱунилгу вих дуглай яру лавгунни.*

** * **

*Чантӱчин кӱадулланна хъхъичӱара хъхъурду,
Лешлай, лахълахъисса талихӱрал цӱурду.
Хъунабавкӱний кусса дакӱнил кувкурду,
Дакӱнийрив битанна уссаксса сагъну.*

*Вилгу талихӱ хъунни – ххариссара на,
Буцай оърчӱ увккунни ххирасса ина,
Бартларгсса хъурча вил дакӱнил мурад тти,
Ттунгу бусравссарча, дакӱнийн улутти.*

** * **

*Жавгъардал парливу хъуланул такъва,
Янусса пишливу зунчал марцӱшиву.
Дахӱалай, зунттал душ, ччинал хъхъичӱ цӱлакъра,
Ччима дакӱмяш ансса вил авуришиву.*

*Вил хъуву бакъинссар някӱцӱуртттал яха,
Вил бакӱрай лайкъ хъунссар бургъи-зурул таж.
Язи махъру бивчун балай тӱий виха,
Уккан лайкъссар цува заманалул шагъ.*

*Ттеркӱюкӱал мурччая балай зизайни,
Бюрунттул буцилий ина нанини,
Уккувча, цумари хӱайран кӱахъунма,
Хӱазирдал дунгӱяллий мурчӱину ччима!*

КЪУКЪУ БУЛЛАЛИССА БАРХЪАРА ДУШНИХА

*Душил симандалиий исвагъий пишгу,
Янил бургавриву цирив кӱюлтӱссагу.
Дакӱнил гъавасрачӱа, каруннил пагъму,
Жуллагърая ливккун вана кӱукъугу.*

*Ваниву утти цин балай тӱунтӱссар,
Ламарахъсса дакӱгу дӱхлул дантӱссар,
Сеурухӱийсса душнил кӱдуресса дакӱгу
Савсӱсса кӱиришиврий дассан дантӱссар.*

*Тӱахӱунттив дувултрал цӱа машгъур дуллай,
Чӱамуй пӱрун-чӱуллил сийлий аргъ дуллай,
Гӱоргу тӱий личӱувча гӱонгутӱул чӱурдай,
Аърцарая щависса аърцарал балай!*

* * *

*Хлакьину вил кьини, кьунниялай ссят,
Мурчусса машлучла, кьюкисса хлаз-неъмат.
Хумар кай-кай хьусса пикрирдал клутлий,
Дарцусса дакъарив вил дакгу цалий.*

*Бити хъяерин хьуну щиллив шугьлурду,
Щиллив кьюклий лицлай оьттул туннурду.
Гай хлазирдал хьхьурдайн ттиликл дуртуну,
Ххуллухьин баннав вин, цибанну туну.*

*Паиманишуву лирксса чун вила хьурча,
Яругу лавкъуну на хьхьичл ацлан а.
Зурул чаннай бурттий, чларав ликканна,
Рахлат буккансса ка бакрайх дукканна.*

* * *

*Исвагыну хьхьичл авцун,
Ишан дуллайсса щийнни?
Ишан тлайла авчинал
На цакьнива бувтунна.*

*Бувтунна бищун бовну
Эшкьилул чатIаракIрал.
Ттюнгану вие лавсунна
Ччаверил ххаллал кьирттарал.*

*Кьирттарай кай-кай бовну,
Тавханттувун бовцунна.
Хьулданул кьувулл шаний
Куклуну щябивтунна.*

*Щябивтунна, бовцунни
Шадлугь шараврал кьуру.
Шунгу бовну хлавчунни
Ттуцал архIал нацуну.*

*Нацуну байбивхьуссар
ТалихI тIивтIусса оьрму.
Ссапар ххуйнийн бавхIуссар
Ххуллухьин баннав куну.*

*Исвагыну хьхьичл авцун,
Ишан дуллайсса щийнни?
Ишан тлайла авчинал
Оьрмулуд дусну бура!*

Бахтгун ГЪАЗИЕВА



БУТТАЛ ШЯРАВАЛУ

*Буттал шяравалуь –
Ттул ЧукIуннал щар,
Бура на бавцуну
Вил бярнил ккурккай.*

*Буруглайгу бура
Бярув гьузуйсса
Чил шярава бовкIсса
Мьорщи оьрчIарах.*

Бярув гъузун бувчІун,
Ккурккаингу бувккун,
Чурхру ччуччин буван
Утту бивхъусса.

Бура хІисав ласлай
Лавгсса оърмулун,
ЦучІав къаливчІуну
Щар духларгусса.

Ссуссаврил бювчІуну
Цай-цай тІутІисса
Бура цябивчІуну
Буттахъал ккурчІай.

Бура на буруглай
Хъун мизитрахгу,
Магъигу вив дагъну
Чартту бухлавгсса.

Лекъа-пІякъу шаврил
Буттахъал къатри
Бухханми бухлавгун
АътІисса хханссар.

Дизан дурну ларгсса
Щархъай ци аьйри,
Уттавану диркІми
Духра ларгукун.

Бивсса найрду кунма,
Тяхъасса чІурдал
БувчІуну бикІайсса
ЧукІуннал ккурчІа.

Чулданий цуппалу
ЛивчІесса мурхъ кунма,
Заллу-зал акъана
ЛивчІун буникул.

ЩябивчІун бура на
Ттунма навалу
Бярнил лагма бивхъу
Ссувссусса чарттай.

Тай оърчІаран кІанай
БикІайссияхха
Шяраваллил оърчІру
Щинавун бучІлай.

КІяла хъусса бакІгу
ХъхъичІун къус диртун,
Бура хІисав дуллай
Лавгсса оърмулун.

РухІ дурксса хханссархха
Чари-чарива.
Циняв бухлавгссарвав
ЧукІуннал агълу.

ОЪРМУГУ ОЪРМУРИВ!

Лавгунни оърмугу бувкІесса кІулхъуннин,
Къума ратІух найсса щинал жарт кунма,
КутІасса ва цІансса гъинтнил хъхъу кунна,
Левицунни ттул дакІгу зунзул чаннацал.

Оърмулуву дуркІесса цинярда дардру
Ччаврил кумаграйну духІайссияхха,
ХІалалсса захІматрай цачІу яхъуну
Бувтссия оърмугу махънан бусравну.

ЛирчІунни дакІниву ттул вихсса ччаву,
ЦІарал къувтІи кунна пперхха тІий лавхъсса.
Оърмугу оърмури в ца къаливххукун,
Ччавасса оърмулий ханну ливчІукун.

ЛАККУ ДУШ

*Ца лакку душ ххал хьуна,
Базаллувун най уна,
КЮла магьилул хЛави
Хханссия му душнил чурх.*

*Гъар чЛарах увккумагу
Махъунай уругайва,
Хъюлчу-кЮтЮгу хъанай
ХЛави чЛарах бувккукун.*

*Аьрщаран кЮ къахъунну,
Куклуну ша ласайва.*

*Урувгма хЛайран ансса
Пар тЛисса яру бия.*

*Хъурдай нава жагьилну
Та душнил хъирив ачин,
Танил ликказан дурний
Нарагу ликказан дан.*

*Хъурдай оьрмулун шинну
Махъуннай зана дуван,
Ина ттула увкуну
Хъазамравун чЮен бан.*

ЛАККУ КЛАНУ

*Ллахъ зунттавун лавгуний,
Къа арду дакЛнин дагъай,
Ардаха ва зунттаха
Лакку душнил балай чай.*

*Къасса ардайн бувчЮкун,
Яру зунттаву личЛай.*

*Зунттавух сайр буллайсса
Заманагу хъхъичЛ бацЛай.*


*Я арния личЛи хъун,
Я зунттув хъамабитан,
Лакку клануй, ттул улчай,
Ттул дакЛницца къабюхъай.*

ЦИМИ БАКЪУ

*Я зунчал, я дякъл хЛахЛ цун къабивтун,
На вихъ дарчЛуссия ва ттула ччаву.
Ина сан къадурну, къудур шаврилъяв,
Ккуччу къютЮ дурну аски дуруна.*

*Я рахЛму, я цими цирив къакЛлуну,
Иттавн ялугълайнма на къабивтунав.
Вих буруглагисса кьиргъулул яру
Гъаз буван къавхъуну экьи лавгуна.*

*Ттул дакЛницЛух цЛарал лама лавхъуна,
Вийн я тЛайла къахъун хъхъичЛун бурувгра.
БакЛраву яругу кЛунтЛатЛи бувну
ХЛаллицЛух махъунмай на ша лавсъссия.*



СалихІ АЪЛИМОВ

НУРАТТИННУЛ БУСАЛА

Уттигъанну ца хъатІий,
Ил-аьлан бавтІсса кланттай,
Заруттин-тямаданал,
Зумату ттиркьюкьив зизлай,
Бувна ххуйсса ихтилат.
Нураттиннул бувсусса,
ОьрчІан тарбия дусса,
Цинявннангу аьркинсса,
Цуппа хъусса учала.
Хавар-мяъналул куртІсса
Буну тІий чІалай ттунма,
Нагу зухъ буслай ура.
КкурчІав бавтІун бивкІун бур
Ца шяраваллил чиваркІ.
КІул-кІулмур ахтар буллай,
Къужрал хаварду буслай,
Жагьилталгу бивкІун бур,
Гайннах жап тІааьн бизлай.
Гай хавардал дяниву
Ца манзил лавгсса чІумал,
Ур къужлучІан гъан хъуну
Синхрал хъусса ца жагьил.
Лагмами пахъ багъну бур,
ОьрчІал суал буллун бур:
«Багъишлагу итича,
Нураттин буттауссу,
БяличІан бувну тІий на
Буллайсса ихтилат зул.
ОьрчІал дянив бяст бурча,
КІири бичлай гай бурча,
НацІумур ва къурчІумур
ЛичІи дуван къахъанай.

Къалмакъал шавай дурча
Жун ца зат бувчІин бува,
ТІайламур тасттикъ бува.
Цаннал качар учавай,
Гаманал мамаш чавай,
Цири ва дунияллий
НацІумур ва къурчІумур?»

Ивзун лавай Нураттин,
Ссирссилттайхгу ках куну,
Чансса къуцугу бувну:
«Барчаллагъри цІуххаврий.
ЦІувххума къааьйкъайссар.
Бурги, жагьилтал, шиккун,
Муяв зул дянивсса бяст?
ДурчІирча зунна мяъна,
Хъинну бувчІин буванна.
Бугъарами гъарзархха,
Нажагъ гъалатІ личирча,
ТІайла ацІан анссара.

КъурчІумур дунияллий
Лялиян бан къашайсса
Лавмартнал кусса махъри,
Мискинишивур, къартшивур,
Лахъан къашайсса буржри,
Чаххурал аьнакІигу
Къазну чІалачІавури,
Мачча-гъан хъамабивтун
Оьрму бутлатавури,
Мискиннан садакъа бан,
Каши дакъа личІавур,

Ниттих къулагъас дакъа
Харанну ччатI букавур,
Чувнай бухтан бишаву –
Яла къурчIмур затри.
Лажинлякъу ухъурча,
Му къюкъаласса затри.
Тама аваданну занай,
Цува мискинну чIалай,
Аъзаврай оърму бутлай,
Къуману ливчIумари.

НацIумур дуняллий –
Цуллушиву дулавур,
Цаманан кумаг буван
Каши дуну личIавур,
Чил канилун къаагъну
Оърму сагъну бутавур,
Хъхъурдай тIий бувсса оърчIру,
Гай ччаннай бацIан бансса
Цуллушиву дулавур.
Миннуяргу нацIусса
Щялмахъ бакъасса махъри,
Винма хъуну къаччимур
Цаманан чIа къачавур,
Хъунамнан хIурматгу,
Чивинах аякъагу
Гъич хъама къаритавур,
Зивурдай къатри къачча,
Ттун бумургу гъари кун,
Миски-гъаривнан бувсса
Садакъари нацIумур.
Инсанишиву дуруччин

Бигъасса зат бакъассар,
Бусраврай жяматраву
Къуциу буллай ухъурча.
Мунияр дуняллий
НацIусса зат дакъассар.

Ялагу ялув бишин
Ца уттигу бусанна:
Жула дянив багъайсса
Жура-журасса бястру
Ца мукъуйн бучIан шайссар,
Анавар къабувккуну
МаслихIатрайн бучIайссар.
Аътара хъун найсса щин –
Гай хъхъирийн къадияйссар».

Къуртал хъувкун ихтилат,
Чаравнайгу гъан хъуну,
Жагъилнал бур увкуну:
«Ина жун лахъхъин бувсса
Му аькълурхха аьркинсса.
Барчаллагъ вин хъунмасса.
Цуллушиву дулуннав,
Ттурира шинай итаннав,
Муний диресса шадлугърай,
Нагу къавтIун изаннав!»

Наслудун, махъа найсса,
Лохъхъин бара бюхъарча –
Нураттиннул бусала
Тти хъуну бур учала.

2008 ш.



Мирза ДАВЫДОВ,
Дагъусттаннал халкъуннал шаэр

ИНА ТТУЛ ДУСРА

(Поэма)

Хас бувссар НицIавкIратусса ХIасан Оьмаровлун

*ДакIру чапалминнан хас акъанугу,
Цала иттав къала хъуну унугу,
Аллагънайн хъарашав ина ттул дусра,
Дусшиву дуруччин хъа бувссар жува.*

*ЛивцIсса щаращувун чару бутарча,
Ччяни оьлувкъуну, ччяни личIайссар,
Щарацияв ина, ххуллуцI хъякусса,
Бувхсса ххуллулссаннал мякъ лиххан бувсса.*

*Щил бунугу ттунма бувсса хъинбала
БивкIхъурчангумали ца мискъалуксса,
ДакIния буккансса лахIза бучIарча,
Ттула чувнал яхIри ччанналун бувтсса.*

*Тай ккашил шиннардий вил ниттил ттунма
Буллусса кIюлаччатI хъхъичI бур бавацIунма.
Заэвсса каругу, вив бювкъ яругу
Хъама къадитанссар рухIирачIагу.*

*БакIру кIяла хъуну жула бунугу,
Лавгмур арх буцансса чIунну ларгнугу,
КъуртIусри кунна дур къюкIлийн къуртIуну
ХIасратирттал мукъай шюришусса шинну.*

*БачIва ччаннахъ ларгсса жула оьрчIшиву
ХъхъичIух занайнна дур дакIнил къювуну,
ДуркIсса хавар хъуннин жагъилишивугу
Ххируну ларгуна лелуххи хъуну.*

*Аьнабиву ниттил чIявуну чайва:
«Ккашилну унугу, мякъну унугу,*

*Арс, вила яхIирай ттангъа мадара,
Дуручча дусииву чурххал базуну».*

*Вил ниттилгу виву дирхъуну дия:
Кисаран урттуйхсса хъхъемал марцIииву,
Буттая ирсирай дирсса чувшииву
Ядурунни ина янил жавгъарну.*

*Ларгунни нинухъру ахиратравун,
Къабивтун цала яхI жунма аьпалун,
Баххана къабунну чIумулгу жува,
ДухIарду яхIирай захIматшиивуртту.*

*Пухъруннал къяпригу къюкьин къабарду,
Оьбала бувнангу хъинбала барду,
Так къириятрахлу буссияв талай,
Чувииву цIараву ччукъачайнутIий.*

*Аьрай бакъаякъай аьрал къатI шайсса,
Дяъви бакъанугу чачаннал чуллай,
Жагъ ккашил, жагъ бургъил цIуцIаву чIуллай
Дяъвилий кунма халкъ бияхха литIлай.*

*Кулунгиртта, чIатIрах, куртIну къувтIусса
Тиканналул къатIри мархлуцIа буклай,
Хансса аьрцарая хъарас къарицусса
Хъами-оьрчI буссия хъуру хъун дуллай.*

*ЗахIматрал биявав мюрицину буна
Сасан бувсса аьнтсса оьрмулугу,
СсацIачIав къавхъуссар лахIан бан жува,
Хъуннасса кIушииву ларсун найнугу.*

2

*Чивинал, хъунанал вил хIурмат буллай,
«Пирсидатель XIасан» вийн учайссия.
Шяравусса гъара ххаришиивурттай
Мажлисрал бакIчину циятайссия.*

*Гъай-гъай, бусравссияв чIявучин,
Цала къатри къалмул буцIин бувайни.*

*Утти ссанна ина миннан аьркинсса,
Ина цачIун дурмур хъап-шап дуннихха.*

*ДакIнива дакIнивун бивхьу ламурду
ЦIусса заманалул лекъан бувайхту,
Мунихва ялугълай бивкIсса чакъалтгу
КъатIувпнай бувккунни аслантал хьуну.*

*Ппухьруннал дяъвирдай къадиртсса жанну,
ЛитIуннин ниттихъал бувсса захIматру,
Яру къабуччайсса арцуйн тамахIну
ЦIинцIавух гъан бунни гъарачитурал.*

*Зунттал къакъарттавух нанисса цинну
Экъиларгунни тай язисса шинну,
Цимурца, цимурца даххана хьунни
Жуламур дусшиву яргна лирчIунни.*

*Интнил щюлли бувсса зунтурду, къурду
Хъахъи лаган бувай ссутнил ках куну,
КIачIа шай мурхьругу къатIа тIий чIапIив,
ХхялтIа хьусса кунна вай жула чIантIив.*

*Ккаши-мякъ бухIарду оьрчIруну буна,
Чурххайсса янна-ус цIу къадурнура,
Дяъвирдай бакъанма дяъвилул оьрчIру,
Оькъинирдал бия жуява бувну.*

*Кулунграл кIюйлуксса жува бакъанма
Тиканнал вацIрацIа марцI буллай авлахъ,
Чин нясив бувансса майдансса хьуру
БивкIун буру дуллай гьухъай шюришуну.*

*Дяъвиллий бакъанма дяъвилул оьрчIру
ЗахIматрал дяъвирдай жагъилтал хьуру,
Ниттихъал дакIурдий хьусса щавурду
Дакъая чIумуца хьин дуван хьуну.*

*Вин ва ттун ккавккунни шанма замана,
Ца оьттуй шювшусса, кIива хIасратсса,
Шамуниллуннагу хъачIру царчуну,
Чаннаннил ттарцIруну бивкIру бавцIуну.*

*БакI лавай ххярка тIий кьукьу каруннай,
ЯхIлил зава ласлай, гьаз хьуру зунттайн.
Хьирив наниначIан кару тIиртIуну
Цала мурадрачIан бுவарду кIункIу.*

*Аьтарттул ялттусса ламул ттарцIруну
Буссияв жагьилний жува бавиIуну,
Утти кIюла дурккукун ттарцIру ссурессуну,
Чан хьанай бакьари дуванми ссугру.*

*Аьрицарай бур шатри личIи-личIисса:
Цавай паракьатсса, бур кьацIа тIисса,
Цумур шатлул жуйнма кьацI учирчангу,
Дусшиву цIакьсса кьалахIанссару.*

*БикIича ав-ав тIий ккашилсса барцIру,
КьатIралун лявкIуну бикIича хьацIру.
Жуламур дусшиву цин кьаччарчангу,
ЛичIантIиссар абад дусшиверул дарснуну.*


*ЯхI буну, яхI бакьа хьунасса заннал
Ляхьан увайхьунссар аьрицарайн инсан,
ЯхI бакьаминнаву яхI чантI чин буллай,
Циван ура вила жан ссуссин дуллай?*

*КIулнан кIулссар ина захIматчи ияв,
Дигьалагрулугу луглай акьаяв,
Тти аьжу-мяжужтал бур чIяву хьуну,
Азаруннил дурмур цалалуш дурну.*

*Цимурца нач дакьа миннал дарцунни,
Так жула дусшиву дацин кьархьунни,
Личин бан кьашайхха бурандалуца
Чарттаву цIакь хьусса мурхьирал мархри.*

*Аллагьнал ххуллувух нанисса жува
Байча цуну чувчIав кьабагьанссару,
Бунагьирттал гьиву бурхIай дунува
Агьну лявкьумагу жува гьаз анну!*

Май, 2010 ш.



МАЗЯЙХЪАЛ Казбек

ВАЙННА ЗУНМА ХАВАРДУ

Телекрал хавардах
Дихъларча вичИ;
Дагъну личИанссара
УрчИамур вичИ!

Ца ректор увгъуссар
Москавлив вузрал –
Лурттурасри ласлай,
МантИурду дуллай.

Арулва миллион(!)
Арцул ганачИа!

Щях пакъир ивицуссар,
Валлагъ, гацИана!..

Бунуккар замана
Тти бандитътурал...
УчИмагау яла
Бат увай вайннал!

Укунсса хавардал
Лап чИявушиврул –
Хханссар хИакъру багъсса
Тти муруллалун!

АКЪАССАРХХА ВАВ-ШАВ ТТИ

ДацИан дара накъара,
Дитира зюннав-дачИу!
Борис Березовский
ХИакъину хъуссар накълу!

Баххана бакI къабувну
Лайкъма хъунакъай Борис!
Олигарх га хъуссия
Арцуи хИайп къачайва хъис!

Тпабиаът паччахИлугърал
Лап хъунни тИулхаравсса!
Бакъа сан тти мискинтал
Бур тИий хъускартал хъира!

Мискинтурал паччахИлугъ
Тти хъунни хъускартурал.
Жулва мирхъ ва къютИилу
Дурицунни тти къяркъарал!

Барачат ия бусса
Та Березовский жула.
Аьнжлилив учИайссия
Лачакру дахлай цалла.

Дахлай уна лачакру –
КИул хъуна ттуцал Боря.
ХИатта ттучИа хъамалу
Хъуссия га ттул шава.

ХИан ххирасса, явара,
Ттул дус Боря акъая!
Амма ххарил га къини
Ттуцал хИаннив хИарчуна.

Аьдат акъасса Боря
Хъинну лавсуна хИанттил.
Байчара, хИал чан хъуну,
Агъуна диванналийн.

Олигарх Березовский
Ия бусса аьмаллу.
Президент Ельцингу
Ганал ия дус хьуну.

Даврия гьайхту Ельцин,
Хьуна Борял иш кьуркьа.
Ганайн кьариши буккаймий
Хьуна хьиннува гьарза.

Ганан бивзуна баган
Архнугу Лондон-шагьру.
Лондоннайгу ххаллилсса
Чалгьаьлул хьуна заллу!

Вав-шав, Боря льякьуссар
Ивкуну чалгьаьрдаву!
Бюхъайссархха, тлий бур вай,
ИкИан Боря бугь увну.

Хаварду ланкIу-чIакIул
Жунма бакьар тти аьркин.
Боря хьинну ххаллилсса
Бур бювхьуну акьа ан!

Утти вай арцу, валлагь,
Дур дуллайнна цIуцIаву!
Хьусса хханссар дунял
Щаллара тти цIараву!

2013

Даниял МАГЪДИЕВ



НЕХГУ ДУРИ ТИККУРА

Нехгу дури тиккура
Жюр-жюр тлий эьки найнна.
Мурхьру бури бунийва
Щицаллив цурицу тлийнма.

Дакьари жагьилишиву
Неххал чIарав мурацIирацI,
ЛирчIун дур кьумашиву
ЗурчIай тIисса кьартраву.

Чун лирхьра жагьилишивуй,
Зана кьашай ххуйшивуй,
Ттунгу хавар бакьанма
ЧIара неххацал ларграв?

Ци дувра, ххаришивуй,
Ххаллишиврул дайдихьуй?
Мурхьрайсса чIанIацал
Инагу мурчал ларсрав?

Балай уча, чIара нех,
Ттул дакIивун бюхханну,
Эькилагу хьазамрайх,
Ччаврил ччучлачи увну.

Макьан дуцара зугу,
Мурхьирал кIюла кьартрий,
Ххари ара цIунилгу,
Жагьил заманнай куна.

ЛИЧИАНТИССАР

*КЮрххил лирцІу ттурлу ахъая кунна,
Ларгунни ца шингу ккарксса макІ кунна,
Ссутнил ахирданий зунттавух кунма,
Бивцунни чурххавух дюхлулул марчгу.*

*Мариян бакъасса жуцала цачІу
Тти чІалан бивкІунни гъарца давриву,
Аъркинну диркІшиву «Дараччи» жунна
МурчІину ивкІнангу ккавккунни утти.*

*Миллатрал цІания давуртту дайний
Лакку душ жуцала буссари тІунну
Дагъустан ца шиврул байран дувайний
Марияннул шакил лахъну гъаз данну.*

*Мариян тІутІаву Лакрая тІавур,
Буттахъал чувшиврун кьимат бищавур,
Мариян гъаз баву миллат хъун бавур
Зунттал душ дакІнийхту бюхттул бувавур.*

*Интнил кьини куна дакІ чанна лахъай,
Лакку душ Мариян дакІнин багътарив
Ссутнил багъ кунма дакІгу пашман шай,
Мариян бакъасса чІалан бивкІукун.*

*Магъравунма багъсса Гъухъаллал кьурух
Буссаксса Гъумукун ххуллу бивхъуну
ЛичІантІиссар чІумул лиххан къадурну
Лакку душнил цІагу Мариян тІисса.*

ИВКІССАНИЯ НАВА

*ИвкІссания нава ссихІирчи гужсса,
Гъайкал дувавияв Ниттин бюхттулсса.
Щяту дайдирхъуну ссурулун цусса
Дуняллул циняв бутІрай чІалансса.*

*ЦитІ диркІун ялугъий нину ккарккукун,
Хъунхъувияв ахир дяъвирдан гъарний,
Пахъ дагъну вичІилий нину ххал хъувкун,
ЧантІ учин хъувияв инсаншив жула.*

Ниттил къаувссагу уссарув цучIав,
Ссаятуру жува ваксса жиндралсса.
Гъарзат хъамадиртун, жанаварт кунма,
Циванну куннайн кув эц бикIлакIисса.

КIялама, лухIима гъарцагу инсан
Инсанну ляхъайссар ва дунияллий.
Цуксса учин ттунма му захIматнугу,
Инсанталну циняв шия къагъайссар.

ИвкIссания нава ссихIирчи гужсса,
Гъайкал дувавияв Ниттин бюхттулсса.
Гъайкалданийн жула я щусса чIумал,
Гъарца каснан чIалан цува инсансса.

Дакъанугу гъайкал ссурулун щусса,
Дунияллул циняв бутIрай чIалансса.
Халкъ! Ттул зухъ миннатри, цIитI бивкIун бурги,
Гъарца ниттил увма ниттин гъайкалли.

ДУСНАЛ КЪИМАТ ТТУНМА БИВЩУССА

Вана-танал кусса ттурушва пишлияр
Ца дуснал ккиш ччива дакIнихтунусса.
Вана-танал дурсса ттурушра цIанияр
Дуснал къимат ччива ттунма бивщусса.

Дусная лаикIлай ларгсса къинигу
Оьнма лавгсса гъантлун ккалли дувара.
Дусвагу къаувну дуртсса шиннугу
БачIвасса оьрмуну чIалан икIара.

Дустал цаппарасса ттуя арх хъунни,
Цаппарассаннава ттул дакI дурккунни.
Щукру тIий икIара бусса уттигу
Ттуя тачIав чувчIав личIи къашайсса.

ЧIатIий цIуллушиву ттула дустуран,
Гъаз буллай ура на цал ттигу къуру.
ЦIунилгу дустурайн оьвтIийгу ура
Хъамалу бачи тIий ттучIанма циняв.

ЦА ХАВАР БУВСУННИ

*Ца хавар бувсунни дакІний личІансса,
Ттухь чІава жагьилнал ккурчІав цяйивкІсса.
Ца хьамитайпалун цанма кьакІулсса
ХІурмат бувсса цала дакІнихтунусса.*

*Гьинтнил ахирданий кІирисса кьини
Хьамитайпа бия бакІ кІяла хьусса
Хьуннасса ххалал кьар бурхІай дирхьуну,
Гьухьалгу кІунтІай тІий ша бизлай кІуну.*

*ЦІухху-бусу бакъа чІарав гьан хьуну,
Ласав ганичІату кьар хьап увкуну.
– Цура, ци дуллайра? – цІухлай га дуна,
Авчура куклуну кІусса кьаруцал.*

*Зукьлай ттуха ва ттул гьанминнаха,
Хьамитайпа бия хьит тІий хьирив най.
Нагу ххаришиврул кумаг бан хьусса,
Куклуну най ияв ххалацал кІусса.*

*Шяравун уххайхту кьар дишав лахьний.
«Вил кьатта чур, бавай?» – куну, суал бав.
Куклуну гьаз дурну цІунил ххалал кьар,
ЧІаркІнил чІарав дишав, тти лавгра куну.*

*Цила арс шагьрулий ушиву буслай,
Хьамитайпа бия ттул хьирив зукулай.
Увхния хьамалу ина, арс, ттучІан,
ТІий дия рязину хьирив ялугьлай.*

*ЧІаважагьилнал тІул хьинну ххуй дирзун,
Нагу ххару чичав ттуцава шайкун.
Зугу вай бувккунал бицара кьимат
Виричувсса арснал ниттил хІурматран.*



Џусса ɔ ɔарду

Даниял ДАВЫДОВ
студент, 16 шин



БИВКИУ БАКЪАССА ШАЭР

Хас бувсар
Дагъусттаннал халкъуннал шаэр
Юсуп ХАППАЛАЕВЛУН

1

Ттаттаицал хъамалу
Ина увкIукун,
КIанттуву аьтIисса
ТтучIангу увкIун,
Барачатсса кагу
БакIрай дирхъуну,
Ттул мазрай ттIонгъану
Ххира-ххуй увкун,
Мюрицисса каругу
ТтуркIутIи дурну,
На пиш увкуна тIар,
Вихгу урувгун.

Гагу бивкIун бур ттул
ХъхъичIва-хъхъичIсса пиш,
Малаикнахъ кунма
На увкусса вихъ.
Инагу малаик
КъаивкIессания,
Ттул аьтIаву пишлийн
Къадукканссия.
Мюрици кару вичIан
КъатIитIинссия.

Таний ина ттуха
Дурсса та санна,
Ттул дакIнийн дур дутлай
ХIакъину бава.
ЧIаважагъил хъусса
Ттул дакIнивунгу
Гъарца махъ бур бюхлай
НицIал кIунтIруну:

«Чиви кIанттувусса
Чев-чевтIи читIуй,
Хъуна хъу, хъаттирдай
Къувват бишивуй,
Ххари бува вила
Нину-ппу, гъанмий,
Цаннай чани лахъи
Буттал бухкIуллий...

Хъуна хъу цIуллу-сагъсса
СсалчIав хъхъичI къалахIайсса:
Хъхъириву къаоькъайсса,
ЦIараву ччукъаччайсса.
Хъуна хъу виричувсса,
Адав ва аькълу бусса,
Ттабиаьтрал ххуйшиву
ЯхIливу цачIун дурсса,
Миннуцала ядува
Вила дакIнил хъиншиву,
Оькъини дуснайн ттиликI
Дутан къаст мадувара.
Нажагълий аьркин хъурчан
Вила миллатрал цIаний,
Мяш машара харж дуван
Вила оь-ттаркI чувшиврий.

Мангъул-гъарачитурал
Аьрал дардагъил бувсса
Виричувсса ПатIимал
Турлиясса цIупар хъу.
Къудурсса Надир-шагънал
Аьрал ххит буккан бувсса,

Аслан – Муртазааблил
Каниву кьуват хьу.

Гитлердул астуравун
Дукъаккайсса нигь дуртсса
Ссавнил паччахI – АхIмадхан
Лякъиннав хьуну вия...

Жул тавханттул чIирай
Татталмунича
Лархьун дур вил сурат
Лагма шалк бувсса.
Гьалхьасса ссирссилтту
Ариул нар бусса,
Циунсса иттацIантту,
Лахьсса ненттабакI.
Сагьсса куна ура
Урувгнан чIалай.

Цумур чулухату
Уругарчангу,
ХIисав ласлай ура
Уруглай ттухьва,
Уравав цIуххин ччай:
– Да, чIивижагьил,
Та ттул санна цилчIав
Къадурттив дакIнин?

Акълудул, шавкъирал
БувцIусса мяъдан,

Чивисса кIанттувусса
Жул хьуннасса дуниял,
Лакьи шанул кIу бувсса
ЛухIи хьюрурал яру.
Вана вил ччаннацI шанай
Чивисса ччитул оврчIгу»...

2

ЛичIанссара ина
Жюржжу тIий мудан.
Я клири бургьшица,
Ягу дякъшица
Къахьунссар къакъан бан
Вил дакIнил жюржжу...

КъакIулла, хьуссарав
Ина тIикунсса,
Лайкъ хьусса, къавхьусса
Та вил санналун,
Хьурдай, ивкIсса таний
Нава хьуннасса,
ХьхьичIун увкIун дугьан
Вил дугьрисса ка...

РухI думур, дакъамур
Духлагай, дирчIай.
Аьрицарай – шаэртал,
Ссавруннай – Аллагь
Абадул абадлий
Аргьирай личIай.

25.11.2018 ш.

БУККУЛТРАЛ НАЗМУРДАВА

Мирзаева ПАТИМАТ,
ЦIуссалакрал район,
ш..ТтурчIи

Даниял Магьдиевлун

ЦIусса лакрал шярава виин ссалам чичлай бура,
Щалла щарнил жамятрал вихь барчаллагь тIий буру.
Элмурдал бакI щарацай кIулишверул аьнтсса гьануй,
Вил элмулун ххуттардий ахир ххуйнин дуккивул.

Школданул директор, пасихІсса мазрал заллуй,
ВичІа дуклаки оърчІру хъуннав виха лавхъхъусса.
Даниял, жул чІаххувчу, буру вийн барчаллагърай,
Жул ПатІимат бивкІуну гъарнахъ жижара бувсса.

Барчаллагъ вийн Даниял, жул зунтту, арду кІулсса,
Щарацаха, тІутІаха назмурду чичлачисса.
Щин хІачлан бивхъу къукъу кыматирай ябувсса,
Жухарасса аякъа муниха дуллай ивкІсса.

Барчаллагъ вин, Даниял, жул ПатІимат ххирасса,
Буттал кІанттухсса ччаву ваниву диркІсса кІулсса.
Жул Аслан ххирасса вин цукунсса хІурмат бави?
Нану ва ЦІуссалаккуйн хІурматрай къамул анну.

Ина бувсса хІурматрал вил цІа жун бюхттул хъунни.
Уссуйн ссин оърчІ ххирассар, арсра уссура мудан.
Учительтурал хъунма школданулгу вирдакІ,
Хъунишиврийна личІивуй вила бусса оърмулий.

Виха лавхъхъусса махъру ттуца чичин къахъунссар,
Къамул бува барчаллагъ винма на къакІулнагу,
ПатІиматлугу ссура, Асланнул ниттирессура,
Жугу буру вин оьвтІий, вин хІурмат буванишврл.

На бура ЦІусса Лаккуй мина дакъа аьрцарай
Щарния гъалгъа байнахъ мудан барчаллагърай.
Лажиннича, Даниял, жул щарних аякъа да,
Ттигу мина дакъасса жун ци шайрив ккакканнин.

Ва жул щаргу ххирасса жяматрай ччаву дусса,
Ччаву хъиннура цІакъ дан ташувагу бувния.
Арс акъаяв щар дуцин, душ бакъаяв жун булун,
ЧІалнагу хІала ухху къамул анну бусраврай.

Ва барчаллагърал чагъар чивчуссия ччянива.
ИлчилучІан къабивну, ттучІава ливчІун бия.
Лакку кказитрай бувккун вихъ барчаллагъ, зунттал арс,
ТтурчІиял жямат мудан буссару вил хІурматрай.

Паржума Бувминнува

Тавсултан САИДОВ
(70 шин)



НУЗРУЧИИ

Нузручи ккавккуна
Буричин цал макIра,
Чант чайхту левчуна
ЦулкIлухъ макI бусан.

ЦулчIагу бия ккашил
ХIал лавсун чулий багъну.
Ххари хъуна буричия,
ЦичIар ларсун бувкIсса ххай.

БачIва бувкIсса кIулишайхту,
Къулагъасгу къадурну,
Лечаврил паца тIисса
Буричухъ куна хIиллалий:

«Ваксса хъунмасса хIаллай
Чунма чун бувххун бивкIра?
Вияту ххуй бакъасса
Хаварду бувккун бурхха.

Ав бувсса чIумал ина
Ттуяту лап арх шара,
ДикIул ца ччухIувагу
ТачIав ттун къабулара.

Винма бувсса хъинбала
Ччяни хъамабивтунни,
Ттул кумаграйхчил ина
Циксса ятту къатI бував?

КъакIуллив инава ттун
Буржиралу бушиву?

Хавар бур бивкIушиву
Ина малланал ттукку.

КъакIуллив ганал утти
Му вил къацI бахIиншиву?

ТIайлассар бивкIуссия
На та малланал ттукку,
Та бия хъунмавшаврил
Зананмагу къахъанай.

Ттукку бия мурчIисса,
КIирагу вичIах къюкIсса,
Танал къянкъасса дикIул
ЦIуци дунни ттул ккарччив.

– Яр туну щала ттукку
Ца инавалу букав?
Алагънал вин бантIиссар
ТанмихI хъинну хъунмасса.

– БувчIлай бур ттул гъарца ша
Бунагъралсса бушиву,
Хъунмав хъуну махъ циняв
Бунагъру лиххан банна...

Буслай байбивхъуна барци
Цила дардирдаяту,
Дуаъ дуклан бивкIуна
ХIиллакар чIюнгу лавсун.

Буричил макъ дацIан дурна,
ЦулкIулл иттав бурувгун.
Ганиннин къаккавкссия
Га гаксса цIими хъунну.

Цила куциуй хIиллалий
Га буричухъ бурувгуна.

*Дуснахъ кунма пиш куна,
Ца я чансса тIивтIуну.*

*– Ав винмалу букарчан,
Му хъунмасса бунагъри.
Аллагънангу ссибивзун
Вийх къисас лахъантIиссар.*

*Уттивагу на тIимур
Буварча винма хъинни:
Мяш машара заэвнан
Мудан цадакъа буван.*

*БурицIил хъунисса ххяпри
Цила бакIрай дирхъуна,
Къаччай буна тIайламур
ЦулкIлух бусан багъуна:*

*– Шялмахъ буслай бухъурчан
Ккаччал на птив буваннав,
Та ттуккул дикIул дачIи
Дуллуссия чакъалтран.*

*– Чакъалтран дулав учав?
Яр тай ятин оърчIруяв?
ВацIлул гъарца мурхъирах
Тайннун буссархха мажлис.*

*– Ури магъ, вичIи диша,
Тти ттувун дард дагъунни,
Утти вичIан бучIайни
Ссайгъатрацал бучIанна.*

*Къунну макIра ккавкунни
Ца нузручIи буч-бучсса,
Ина бурахха бувчIу
Га ттун нясив хъунсарив?*

*– БарцI, буси ттухъ тIайламур,
Га чIи бияв кIяласса?
Вай мукъурттицал бурицIил
Мурччайх маз ччех бивтуна.*

*– Цу марххаланияргу
Валлагъ кIяласса бия,*

*Яр вин цукун бувчIунни
Га кIяласса бивкIшиву?*

*– Мунилса мабарача,
Ина фермалийн лечу.
Ккаччив шанай бунува
КIяла чIи лавсун бухъхъу.*

*БарцI фермалийн левчуна,
Чилуцал зана хъуна,
Микку кIивагу ххарил
КъавтIун бизлан бивкIуна.*

*КъавтIий бунува цулкIлул
Балай итабавкъуна.
Магъгу ссултIутIи дурну,
БурицIийх ках-шах увкуна.*

*– Бакъахъунссар вацIлуву
Гъич вияр къучагъсса барцI,
Яраптий вил бакIрачIан
Бала къабучIаннавча.*

*Так та ттурзанналу
БивкIсса чIи лухIиссагу,
Ца хъинну хъунссияча
БучIарчан тагу лавсун.*

*Шавкъиравунгу багъну
БурицIил лахъну ав куна,
Цан-чани хъамадиртун
ФермалучIан левчуна.*

*Цадакъалун ливчIсса чIи
Канай, кайп-шайпрай цулчIа.
Хухчалтрал бивтун бувтсса
БарцI аъзаврай жан дуллай.*

*ЧIявучил мудан учай,
Учаймургу тIайла шай:
«Ччаннал бакъарча цулчIав,
Магъралли ябувайсса».*

*Дарги мазрая.
Таржума - Мирза Давыдовлул*





Мурад АХИМАДОВ

ЗАГИР АРУХВЛУЛ АЪПАЛУН

*Загир Аруховлул аъпалун
Ва макIривав, кIихъривав
Ва ци лухIи хаварди,
Чани буссия лахъхъу,
ХIакъинусса ци цIанни.*

*Ва ци лухIи ттурлури,
Ххуй-ххуймий лаглай бурхха,
Ва ци оъттул ттуранни
Уруччин къавхъуннихха.*

*Хъул-умудгу левицунни,
Дуаърду дайлиртIунни,
Арухов – зунттал игит
Жуява личIи хъунни.*



*Ва макI дакъар
ЧIихъ дури
Валлагъ,
Дяъви най бури!*

20 май 2005 шин

* * *

**РАСУЛ КЪУРБАНОВЛУЛ ВА ЦИНЯВ БУНАГЪ
БАКЪА ЛИВТИНАЛ АЪПАЛУН**

*Буру уссурвал бучлай,
БакIругу хъхъичIун дирчун,
ХIатталливппай буру най,
Пашмансса чарван дурну.*

*Къуману дури дакIру,
КIуну дур гъаз дан бакIру,
Ва ци балари ливксса,
Цир ттигу ккаккан ливчIсса?*

*Сир-магылул кIяла чурх,
ЛухIи гъаттав бихълайни,*



*Дуаъ дуллай бурухха:
«Алжан нясив баннав», - тIий.*

*ХIавтIлил гъунтту ххалишайрив,
Жува кунна дард ккухIлай,*

*Миннуллхха бакъарив –
Жулва яхI гъагъан буллай.*

*Къисас, цIими тIурчагу
Жуйнма бур яржа биллай,
РахIму бакъасса сичча
Жуйнна дур ишан ласлай.*

*Оърму ва ажал булун-
Му дур Аллагънал къудрат,
Щица бюхъайссар ласун
Цалва бакIрайн му захIмат.*

*Бучлайнма буру, бучлай...
Махъанарда чулийнай!
Чил къюву виλλα хъун да-
Нину дур арснал гъаттай!*

ТТАТТА АХИМАДЛУЛ АЪПАЛУН 10 ШИННИ ГА ЖУЯ БАТИЛУ ХЪУНУ

*ХIухчил ххуллийх най ур абзизсса ттатта
Нагу ганал хъирив ттурзанналуцал,
Ганал иман цIакъри, махъру абкъилли,
Ссалам бур ттул ттаттал ххяххя бургъицал!*

*Жапасса бур зунттай ттул ттаттал ххулу,
Лагмава муруллив ва цIансса нухру,
Ххяллай дирхъуну дур нухру ва чичру
Буттахъая жунна лирчIсса накъичру.*

*ХIухчил ттуришах ттатта ур къадар чичлай,
Мурччив дур ципI-ципI тIий, дуаьрду ккалай,
Шаттирай ша бизлай, ганал хъирив най,
Ура нагу шайсса хIарачат буллай.*

*Оьнмасса оьрмулул цири бувайсса,
Бюхттулсса ххулу бур ттуйн лавай оьвтIий,
Адав-намус буну ххулу битансса
Каши дула Аллагъ, ура на хъул тIий.*

*Тгун ччива оьрмулул кIюрх хъуна дакъин,
Ччаву ва вихшала цицал ахIалну,
Ттаттал ттархъгу ччива ххулу бякъакъин
Баларду бат бувну, лахъазан ритан.*

20 октябрь 2016 шин.



Проза



Курзи КАЖЛАЕВА
(95 шин)

ХІУЛАЙМАТ

*«Агъ» – учара, лахъ шара,
Зунтуксса бюхттул шара.
«Угъ» – увкуну лагъ шара
Щях иццавай лагара.*

Муркъилинахъал Юсуп

Цархъхъу кІюрххицІун цила ларзулусса тІаннул тахлия кІуну гъаз хъуна ХІулаймат. Бисмиллагъ, куну урчІа ччан щявсса синттул къаллу ккалушравун бувкІуна, РахІмани рагъим, куну куя ччан къаллу синттул уссувун бувкІуна. Гиккувасса гунгуми лавсун тІясравун чаклин дирессуна. Ларзнил ттурцІая дучІан дуруна авлулсса. Дуртуна щявсса хъаттирайн. Чаклилунссаннуй бия ччаннал, лавай бакІрал, тиха ва шиха – каруннал хъунасса заннайн цурда суждалийн дагълагъаврил чІара къатІ хъусса куцру багъну. ДарцІуна чаклий. Дургъуна заннайн леххаву дутлай, кару ларай. ХІайпну бакІравух бувккуну къурандалул мазрай цурда жапрайн дагъан, мурад чІа учин къабюхълахъаву.

Жагъилний дин, чак баву оьккишивуну чІалачІи дуллай бия. КъакІула царагу дваь. ХІулайматлул чаклил дваьртту ляличІину, щилчІав дакъачІинсса цила ниттил мазрай дуллай танира дайдирахъуна:

«Хъунасса Аллагъ! Дуниялгу, лухччи-ссавгу ляхъан дурма! РахІму ва цими биша жул шяравату душман лихълахъи ан дяъвилул ардай талатисса жул гай виртталсса жагъилтурай! Гайннавух янилун багъи Аллагъ ттул зунттул хъачІсса КІятаилав, ттул рахІму-цимилул увкусса Закарижа, ттул аькъилсса Юсуп! Дахъаяхха гай ликрайвагу бавцІусса! МааьтІи дара ниттихъул! МававшавтІи бара миннал хъами, ссурвал, уссурсу!

Хъунасса Аллагъ! Буручча ттул арсру цІараща, дякъища, щинаща, бурандалуша, муххаша, чарища! Аллагъ, буручча ттул арсру залимнал зулмулуша, пакъирнал макрулуша! Буручча зал, ттул КІятаилав, ттул Юсуп, ттул Закарижа оьсса чувнал мукъуша, цимибакъул зулмулуша!»

Гъаз хъуна суждалия. Ларай дурургун, ялагу кару заннайн тІиртІуна:

«Хъунасса Аллагъ! Вил каши хъуннихха! Ва хъунасса дуняллийсса чІанма чІивисса га чарийсса битІикъукъулувугу рухІ дирхъусса кашилул заллуй! Ябува ттул арсру! Мабаракъай ттул арсру яруннил чаннацІа, вичІив – чІу баяврицІа, бакІру – аькълурдацІа, дакІру – цІимирдацІа, чурхру – жаннацІа!

Ххирасса Аллагъ, караматрал заллуй! Битикъай ттул арсру инсантуравух инсанталну! Кашилул заллуй, хъунасса Аллагъ! МадутІлатІи даракъай ниттихъул оьттул макъру! Буручча, зал, ина жул арсру! Вил каши хъуннихха, ккаккан нясив бувакъай ниттихъан цІуллу-сагъну цала арсру».

Ссука заннайн леххаврий дургъусса кару яларай дагъуна. Ялагу суждалий кьарчІ диркІуна. Ялагу хъунасса заннахъ цирив-цирив тІийгу диркІун тивталну ларай гъаз хъуна.

Гъаз хъуна дакІ рахІат хъуну. Цила урчІвагу базулувату гукунсса гужсса асардаву нанисса леххавуртту хъунасса занначІан дияврингу хъинну мукІруну.

Ца кьини кІюрххицІун дирзун ХІулайматлул арсенал щарнихъ Жариятлук куна:

– Гъанна та балаллул военкоматрайн арсурваврая хавар кІул бан!

Къунну Вяркъу Аьйшал буллусса чагъар кьютІ бувуна. Къума кІичІираву хъунадаркъусса хъинирву ПатІихъвагу цичІав зумух къалавсуна.

Гара кьунниялай Сари лерчуна душния бавмур бусан цила ниттичІан. Хъювун оьвкуну. ВичІилухун щуршу бувна. Хъумур бувсуна. Дакъаяхха чару-тІаннул АьжитІу. «Вав-шав», – куну никирттайхъ хъапа бивщуну. БакІрай лачак дутансса мугълат бакъа лерчуна ссурахъу ПатІичІан. Дард-бала цилалу ПатІишагу бухІан къабювхъуна. Цалсса вивува кІучІ ба куну, агу аьтІий нани ххуллий фермалийн цила душнихъ бусан нанисса Пахайщал ПатІил къумашиву дарчІуна. Пахайяту бавсса МарзичІа оь хавар кьияма аглан хъуна. РукъижатлучІа га оь хаварданул фермалий кару-ччанну ххярххуна. Аспил щинавун бувтун, цалсса шюшу-къюту бувна. Ферма акул-ххинуххавух буккан бувну, гъунттинин паракъат бувна. Гъунтти ци баяй ккаккан куну, хавар шяравух ппив хъуна.

Щарнил вичІив кІюла дурна ХІулайматхъаннин. ХІулайматхъал щаллара шяраваллил бакІрачІан арулла зунттуха бучІанмур кІа хъунасса заннан бакъа щинчІав къакІула.

Цалсса ссавур данну!

Арс увсса кьини Жариятлун бавуна жуламиннал Ленинград тархъан баврия. Ленинград мурахас бувкун жула дазуйн биян хъунма хІал ливчІун бакъая. Туно, Юсупгу шавай учІавай ия. Мунияту оьрчІан цІа дизан цала бутгал каравну аьркина. Лавгуна барзру ялагу цІа дакъа. Ххира ххуй ан цал ниттил, яла бавал ганайн цІа дакъуй тІун бивкІуна. Юсуп учІаврихъ щаллара щар ялугълай дия, оьрчІ ккаккайхту, «Цадакъуй» учингу сикъаслай бикІайва. Ца кьини (га дия оьрчІ шинайн ивсса чІун) ХІулаймат бавал каравгу увцуну цила хъазамравун лячІин увну, шайкун кІюласса чІуний, тихуннай ва шихуннай хъюлчугу хъанай санна дайдирхъуна:

**Чаргу дагуй, даргудай!
Ттул ялун бивт гъели баргъ!
Чаргу дагуй, даргудай,
Къуватрал къаландарай,
Чаргу дагуй, даргудай,
Чумартлув багдадурай!
Чаргу дагуй, даргудай,
На ина хъун уванна.
Чаргу дагуй, даргудай.
Хъунассагу уванна!**

**Хъунаманал хИурмат ба!
Чаванай аякъа да!
Зяивнай цИми бува!
Мискиннан кумаг бува!
Лахъу хъун зунттул мицИлийн,
Ттуруллаву авцИуну,
Леххаву уча мяммайн,
Буси дада ялугълайсса.
Инагу жул ххирасса арс,
АхИмадихъал Рамазан!**

ХИулаймат-бавал дакИнил къамул къабувуна цила назмул ахирданий ххирасса арснал арс ЦИадакъуну итан. АхИмадихъал хъихъи арс куну, къадагъуна. Тания махъ тИайласса цИа дизан манзил хъуна. Ахиргу ца интнил гъантрай уссурсу, жямат бавтИун Рамазан тИисса цИа дирзуна. Аърая увкИманал цИа баяйхту, сагъсса, къавкъсса лякъирча цила бансса нудрурдугу дакИнин бичлай, архри, кИир, гъир къакуну, хъхъуних, къинилух дурукъаргун, лерчунна тИисакссагу гъайва кИа шяравун. КИура даяйва гъаргъсса дакИнишал, хъювсулну.

Гъумукунсса аърххи ХИулайматлул гъарза хъуна. Лагма шархъая гиккун базаллувун цала-цала дахху-ласулийн батИайва. ХИажилихъул бия цила ласнахъаяссава хъамал. Тайннал гъартасса хИаятравун шархъаясса хъамал ликкайва, дучри бахИайва. Шамма къаттагу педучилищелул душварахъ бия.

Ца къини Уруватусса Пирдавслуя ХИулайматлун бавуна цала шяраваллил ялтту чулух ШЦайх Вали-Аъвдуллагълул зиярат бушиву. КИикку хИайван биххан нудру бувну, шархъа-шархъава бучИайшиву. КИа нудру тИайла бацИай тИун бикИайшивугу бувсуна.

Арх-я. Му гъич! ХИайван тиккун биян бантИисса цукунни? Чай? Шярава циняв дучри фронтрайн бувцуна. БикИанмагу ца хъунмавхъу чу ливчИуна. Гагу колхозрал угъара хъусса председателнак Ильяслул аъркин байва.

Архшиврулгу, яттил хИайвандалушалсса арулва зунттулгу нину ХИулаймат дацИан къадуруна. Арсру шаппай кИура баяврихлу хханххираву дикИул дакИ дулунгу хИадурну дия.

Най дия шардай. Нудрулул хИайвандалуягу кумаг къавхъуна. Ялугълай тания махъ барзру лавгуна. Занай дия ХИулаймат Лакку билаятрайцири нудрурду буллай бувчИултрацИух. Умудрашал зана шайва шардай къияма рахИат дурсса дакИнишал. «Вила дуаълувух биша ттул арсругу», – учайва шардай нанийни. Яржа бивхъуну, нюжмар къини оьл бакъанан накИ, нис диян дурну, «Арсурваврая цадакъа хъуча», учайва.

Арсру аърая бувкИукун, жяматран урцИи дизан махъун щун дуллали чуллайн гунуги багъуна. ДукърахИанттин бивчу зини цух куну, зия хъуну лявкъуна.

Дируна Къукнивсса мубаракнал зияратрайнгу. Мубаракнал гъаттай арулва чакгу бувну, цадакъагу бавчИуна. Махъунмай ххуллийн дагъаннин кИава зияратрал чарий икрамрай бакИгу дирхъуну, арсру цИуллуну зана хъурчан арулва яттин ххари бансса нудру бувуна.

Най бия гъантри. Най бия барзру. Шин. КИира. Бакъая ятИа-тИар арсурваврая. Вана утти Урувату Вали-Аъвдуллагълул зияратрай ттагу бивххун, дикИгу жяматрайх дарчИуну ччясса кИюрххил дарчуссия ХИулаймат шардай махъ-

уннай. Бивтуна цимигу зунтту-бакIурдугу, жегъир ххуллурдугу. Лархъуна цимигу ратI, хъартуна ччаннайсса бурчул усругу, микIлавчIун бявкъусса уссаусса ччаннахгу ургъил буллай дакъая. ХъицIа-хъицIарисса жунаврал хъахъи диршусса ттархъ ХIулайматлул цIансса бугъарасса закканттуву, цурда духлахиссаксса хъхъичI анаварну най дия. Аъркина цIан дагъаннин шардай диянгу. Чара бакъа диян военкоматрайн.

Муриу яла захIматмур бия. Ци баяйвав? Ци увкуну, гъюжу дуккан дайвав? Бурчул уссау ччанну щинавух щютI-щютI тIий бия. Къюллу цайми бишин хъина. ДакIнин багъуна хIухчалтрал зунттув ччанну гъилину бикIаншиврул бурчул уссаун цал кIирисса лах бивчуну, яла ялун къюллу бишайссар тIий. Лякъинссар банмур хъамалушар Рукъижатлул. Танил душ Курзияхха циннива тани Юнуслуя бувкIсса оьчагъарданул барану хъусса.

Амма биян аъркина цал Гъумукун, муриу гъанну бакъая. Ци кIула мискин Гъумук кIяла ларзулусса военкоматраву цихва ялугълагъимур.

Агъ! Нинуй! Вил умуд! КъакIула ХIулайматлун мурцIнихсса лухIи бала!

ШАРТIРУ ЛИРУНА

Дия хIалтIухантал шаппа-шаппай зана хъусса гъинтнил аргълийсса чIун. Шяравалу дия жагъи-жугъултрал дурцIуну. КкурчIа-чIирахалу, къакъур ахт-тая махъ, чIюлурдугу хъуну, гъавалийн бувкминнал оьрчIи-кIури бувну бия.

Уртту-тIутIи дюрхъуну дия. Щюллу ларххун дия лагмара ябияйнийх: зунттал бакIайх, хъуруннайх, багъирдайх, ардайх.

Я гъаварал ххуйшиву, я уртту-тIутIи дюхъаву, я къакъурувх гайзлийми МахIаммадлун хIисав къахъанахъисса хханссия. Ва ия анаварну.

УвцIу-увцIусса чурххал, лакку къяпушалсса бакIгу бюхттулну дургъуну куя кания хъаралух посылкалул къуршигу бувгъуну, урчIамур канил портфельгу бувгъуну, дири шаттирдай паччахI ххуллийх ялавай нанисса МахIаммад ца-куну махъа оьтIисса чIунил ацIан увуна:

– Усуу! МахIаммад! Цими шинни къаккавккун? Яр, жува кIиссаксса ччатIгума кIибачIлай, ца оьнтIуллувату щин хIачIлай, общежитиелуву бив-кIссарухха!

МахIаммадлун цачIана лахъи шаттирдай нанисса Аьвдуллагъ ххал хъуна. АвцIуна. Хъаралух бувгъусса къурши щяв бивхъуна. КIирагу кагу тIиртIуну дусначIан ххявххуна. Хъямала багъуна.

– Дус, ина та увкIра? – сурагъ бувна Аьвдуллагълул.

– Нюжмар хъухъунссар. Ина багъишла ува, Аьвдуллагъ уссай, виятува на ххуй бакъасса пикрилий икIаврий. Къуллугърал лахъхъуну тIий, куклу ади-мина куна, ххаллил хъурвав тIий ивкIссара ттухъва аврав чин къаувкIунтIий.

– Тава чIумал кунасса тIайланма уку! Яла дакIгу, мазгу марцIма. Дуснал ххуллий жангу дулун махъунай акъасса МахIаммад! – къянк бивкI майрала чIалачIисса мюрщи ссирсилттайхгу чIалачIи кIисса шурущи буллай, къума яругу ххаришиврул пишливу хъиннува мюрщи битлай, дуснал лагма шуруй ия Аьвдуллагъ.

Чивисса чурххал, увцIу-увцIуну цуркъа куна ккуркки лавгсса МахIаммад, хIави куна лавай кIюла-лахъи увксса Аьвдуллагълул цавуна кай-кай увуна. Вив лавсуна. Щяту дуснал ларсун нанисса посылкалул къуршигу цала хъара-лук бувгъуну, МахIаммадлул хъаралун ка дуртуна. Дуснал: «ЦIана анаварну

ура, яла учІанна, цалсса ити», – тІаврих Аьвдуллагълул вичІи кьадирхьуна.

– ДақІнийрив литІуннин уссурвалну куннал чІарав кув бацІаван жува буллусса махъ? – куна Аьвдуллагълул.

– Гъай-гъай, уссу, дақІнийри, – ссихІгу бивгьуну, МахІаммадлул лагьсса жаваб дуллауна, мютІий хьун багьсса. БувкІуна шаппай, щябивкІуна столданух.

ГацІана кІанттувусса оьрчІал мукун кьалмакьалданийсса вев, аьлагьужа гьаз бувунахха, МахІаммад анаварну ганачІан левчуна. Ажари вивх бичла-чисса оьрчІал ниттиннив оьвтІиманалсса бансса мажал бакъая. Ганалсса буллангу МахІаммадлун багьуна.

Хьамал бавтІуна. Стол кьур бувна. Пулаврал ланжари, дукьрахІанттил гь-аду. Миннул лагмагу, бярнил лагма хІавирду кунна, шампанскийрду, коньякру дарцІуна. Кару дири дурккуна. КьацІру шурун бивкІуна. ЦІуллушиврухлу тІий, дусшиврухлу тІий, ниттихьахлу тІий, оьрчІахлу, хьаннихлу, чІаххурахлу, га хІакьинусса кьинилухлу тІий, цаннил хьирив ца гьаз буллан бивкІуна. ХІавчІун, чІан чІалачІи дукьарну цавагу рюмка МахІаммадлул щяв бишинсса чара АьвдуллагълучІа бакъая. Цаща шайкун хІанттил хьинбала дуснан буллаи ия. Кьатлул залуннал цала дақІнил хьиншивугу, канил тІитІавугу, аькьлуллул щаллушиву ва мукьул дугьришивугу хІачІаймунийну хьамаличунан ккаккан бавривун бувххун чІалай бия. ХІан шушрава лякьравун, гиккагу бакІурдивун дурххуна. Хьамал тяхъа бувккуна. Ая-гъая гьаз хьуна.

МахІаммад столдануха ивзуна.

– Ма, уссу, махъра махъ дугьаннуча ка, – куну, увккун авчуна.

– Вагь, ина тІутІимур цира? Му цукунни, МахІаммад?

– Ина цавагу жува та личІи шайни куннахьхьун куннал буллусса мукьуй кьаавцІунна. Тти пайда бакъассар, вин барчаллагь, – куна.

Аьвдуллагь махІаттал шаврил зумату ливчуна:

– У-ъ! У-ъ! Ваксса харж буккан бувну, ваксса хьинну хьамалу увну, укун барчаллагь чин. Ва авлия хьунувагу акьарив? – тІий, ачлан бухкІуллийн ив-са МахІаммадлук мюрш ивкІуна. Цала цІанихсса дуснал лажин гьапІ куну, ссяярив рязи дакъа чІалай дия.

– Вин цивхьур, уссу? – куну, ялагу цІувххуна.

– Хьумур цири тІисса ци тІиссар? Ина ттула итталу ттухьва увкумур кьабувунни.

– Вагь! Ина ци тІиссара?

– Ина цавагу жува тІисса мукьуй кьаавцІунна. На чара бакъа ччяни гьан дан аьркинсса посылка дутан пучрайн анаварну уссияв. Ина на гужрай, зулмулий ацІан увну, увцунна виннийна. Ттуй зулму бунни. Ва цІана вихь увкуссия: «Ттуяра хьунманачІа мащяитара», – куну. Ина на вирттили-оьрчІачІа кІанттук ивтунна. Ва кІива. Шамилчингу, ххишала хІачІан увну, загьру буллунни. Жула дусшиву ванийну кьурталссар. Тти вин барчаллагь хьуннав.

Хьумунил Аьвдуллагь цал ккиз лаган увуна, бакІрайх риршусса куна. Яла хьяхьаву ларчІуна. МахІаммадгу цал цукуннив тамаша ивзуна. ХІатта авдалнугума чІалан ивкІуна.

БакІ гьаз дурсса чІумал, МахІаммадма чІалачІинийх кьалявкьуна.

Так гьунтти бакъасса иштахІращал канакисса кІюрххилссаннук, кІу лавгс-са бакІравух Аьвдуллагълул хьхьичІ дарцІуна цала дус МахІаммадлул та-а чІумал цала хьхьичІ дирхьусса шаннагу шартІ.

Техникумгу кьуртал бувну, личІи хьуну цала-цала кьуллугьирттайн нани-

ний, вайннал махъ ца бувссия дусшиву уссурварал гъаншивунияргу цакъну дуруччин. Мудан хІала-гъурттуну бикІаван. Иш багъсса къинигу, уссурвал кунма цанначІа-ца бацІан.

Вана ва ишираву МахІаммадлул куна:

– Дус, ттул вихъ хъунмасса миннатри, вай на тІисса шаннагу шартІ дуруччаву! Абадлий!

– Вин ччимур ттучІа буссар, дус. Вания тинай на вил уссугу, лагъгура. Цири на бан аьркинсса? Амру бува!

– Цалчин: ттуй зулму мабара. КІилчин: ттуяра хъунаманачІа щамаитара. Шамилчин: ттун загъру мабулара.

– Агъ, вил къаттай, гъа-ай! Вин загъру булунгу, вий зулму бангу на нава авлия хъуну урав! ХъунаманачІагу ина циван щяитанссара, ттун ттунма хъуними къаххирасса бунува!

– Махъ махъ хъурчан, дус, мукъуй ацІу! Диша ина ттул хъхъичІ вилами шартІругу!

– Ттул шартІру? ЧІявучивух нагу. ЧІявучил буллалимунива на уккан маулларда!

– Хъинни!

Дустурал кару дургъуна. ЛичІи хъуна.

Лахъхъу дакІнин бакъагъмур, хІакъину хъхъичІ бацІаврил Аьвдуллагъ столдануха тІанкІ чин увуна.

Анаварну увккун шавату, цучІав хъхъичІ ххал къахъанай, Аьвдуллагъ левчуна дуснал къатрачІан. Багъишла ува чин. Аммаки, га чІал хъуну ия. Дус ччянива лавгуну ия шарсса къашай хъуну дур тІий.

Махъунай ххуллийх Аьвдуллагълул цахъва цалагу увкуна, чара бакъа дус ххал увну, багъишла ува учинна.





Сиянат ХІАЖИЕВА

ЩАРССА МАХЪ ДАЙССА КУЦ

Хъярчийсса хаварду

Жулва учала буссар: «Щарссанилли чув айсса, чалли исвагьи айсса»,- тїсса. Чал исвагьи арчагу, щарссанил айсса чув акъас-сара на. Ва бакІрайсса чІарардаксса ккаккан бунни ттинин ттун ттулла щарссанил.

Ниттил аваданмийнная, думийнная дурцуну хъинссар щарсса тїий, буцав авадансса инсантурал душ. Ца кїива-шанма зуруй жу, куннал зумату кув щин хІачІлай тїссакссагу, ххуйну ялапар хъанай буссияв. Яла ттул щарссанил подружкахъул чІяву хъанан бивкїунни.

- Ттун ца ххуйсса гъухъа ласун бур,- кунни ца кьини щарссанил.

- Яр, жу вин шантуразарда кьуруш дуларду чемоданналун. Вил гъухъраяр чІярусания ва кьатлуву цичІар дакъар!

- Ой, мий ттул подружкахъан, цинявннан ккаккунни, ттун ччай бур ттигу цїусса гъухъа.

-Яр, на чарил устгар ура, ттучІа янналул база бакъархха, ина гьарца кьини личїи-личїийсса гъухъри лахлан!..

Хъинни, щарссанилмур ххи хъуну, ласав цїусса гъухъагу, гъухъул рангиран лавхъхъусса ттупливгу, хъаннил сумкагу.

Ца кьини даврия увкїсса, щарсса шарда дакъар. Оьвчав, цїух-хав, чув бура куну:

- Ой, барххул бакІ, на подружжал оьвкуну, вайннаннийн лавгра. Жу ххал кьавхъуну хъунмасса хІалли...

Ачу тти, ивчІай макъан! Кьатлуву дакъасса дукансса, ккашилну, увххуну укїсса нава!...

- Ой, барххуй, винма ххайжанивагу бувния, инания ккашилну ухъунссара, тІар, нахІу мазрай, чІявукїулшиврул ттуйх ках-шахгу тїий.

- Кјорххил ххайжани, ахттайнмай шавхъусса ккунукру, на мин-нул квавс уну ура! Хъхъувай ххайжани щил байссар?! Ттун ччай бур гъелисса ххув учинсса дукра. ДикІул касак бакъар къатлуву!

- Ой, мукун бухъурчан, вана ва цІана на вин накъ данна куну, щаращисса щинайн «ролтонналул» пачка бивчуну, ттул хъхъичІ дирхъунни. Хъинни, га ттун ччисса бур. Ттуярвагу ацІра шинал чІивисса бур, куну, ссихІ къадуккав. - Ххирама, ява винма кІулу бикІан, на ттининийн базаллувун къалавгссара, дикІул хІал ттун къакІулли. На базаллувун лавгсса кІул хъурчан, ттуй на кІулмий хъянтІиссар, так что, инава налусу базаллувун.

Хъинни, ва ххуллухгу къюлтІ учинна вил къуркъа тІулли куну, лавгра базаллувун нава игъалагайсса къини.

Ца къинигу увкІра, щарсса дакъар, я дукамур дакъар къатлуву.

- Щарссай, ина чув дура?

- Ой, барххул бакІ, на подружкахъащал икърал дурссия кафелува хъуна бакъин, ттун вихъ бусан хъама бивтуна...

- Яр, щархъусса щарсса кафердавух дуклан дикІайссарив, ласнан дукамургу къадурну?

- Яр, барххул бакІ, мивах ци дурив дукасса ххал дурну, къацІу-чинна дува виннасса, на кафелува ларсун бучІанна вин дукамур...

Ачу тти, тти ттун багълай бур, лякъагу чІамуй дирхъуну, щарсса кафелува дукамур ларсун дучІаннийн ялугълан! Яр, тти ина на къакъан лаххан куну дурав? Ахир, ттун къакІулли, га подружкахъ-ащал дуссарив, щищал дуссарив. ЧІалай бур бакІ цІуцІаврил хъя чавай бушиву, бюрунттуйнир лахъисса хъиртту ттуйва хъанайсса.

Ца къинигу щарссанил тІар ттухъ, валлагъ, ттун цІусса шуба ласун ччай бур.

- Яр, вил шубалунния шиннагу хъун дурар лавсуну?!

- Ой, ттун цамур журалул шуба ччай дур. Ттул подружкахъал кІира-шанна журацца шубарду бур. На гайннаяр къадарссарав?

- Яр, ссан аъркинсса шубар му? ЖучІарания мий шубардаву занансса марххала къабай?

Ласун ччай дурав, ласи инава. ЦІана кредитрай ласун бюхълай бур ччимур шуба.

- Ттун кредитрай ласун ччай бакъар, ттуйва подружкахъул хъ-янтІиссар, на кредитрай ласурчан...

- Яр, гайннан ци кІулли, ина му кредитрай ларсуссарив, ягу укунна ларсуссарив! Зий дурав, ласи вилла арцух винна ччимур!

Ахиргу лавсунни ганил кредитрай шуба.

Ца къини шавайн увкІсса, щарсса дур чІюлу хъуну.

- Ина чунна?

- Жува гъархъхъуну ресторанналувун наниссару. Ттул ца подруж-кал цуппа буцин учаву шюшлай бур. Ганищал ганил гъалмагъайгу икІантІиссар. Ачу инагу ттущал...

- Яр, на чариха, пяплиха зузисса инсанна. На увххуну увкун ура. Ттуй рестораннавух уклансса хлал бакъар...

-Туну, на гъаннача, ина шанашу.

-Яр, ттун дукансса чув дур?

- Ттун къаклулахха ина ресторанналувун къаучансса! Колбасалухун ччатI буки, ягу ролтон дува. Дакъассар шарсса. Ачу тти, ивчIай макъан!.. Тти ттун багълай бур шарсса ресторанналува дучаннин бачIвасса, бъявкъусса къатлуву ялугълан..

Ца къини учав шарссанихъ:

- Жува цачIу ялапар хъанай шаллусса шин хъунни. Жула дянив оърчI бикIан аъркиннихха, дулу духтурначIан, балики, вийра ца ай дикIан...

- Ой, ттун ваксса ччяни оърчI бан ччай бакъар. Жува ттигу ца шинайсса гайз банну, яла банну мунил пикри.

- Яр, цукунсса гайзри му?! Гайзру буллай занай ина дура, на ура кIюрххия къуннийн ттукку куна зий. Ттунгу ччай бур нава даврия учIаннийн гъелисса дукрагу дурну, ттухра шарссагу, оърчIругу ялугълай. На бизар хъунна мий вил подружкахъашалсса похождениярттая. Агар ттушал оърму бутан ччай дурав, ххишала чунчIав къагъаван. На учIаннин шикку дикIаву! Къаччай дурав, насу вилва ххуллийх, инава тIийкунсса адиминах луглан!..

- Ина икIайкунсса колхозник ура,-куну, шарсса дакъассар!

Гъунттимур къини шавайн увкIсса, мукъагу шарнил уссурвал бувкIунни, цалва ссугу бувцуну. Аман зун ккаккан гайннал вяра, гайннал биян ххяххан хIадур хъусса къячрал кунмасса яру!.. Къячри цивппа нигъа бувсуну лихъанссия гайннайн я щайхту!..

- Жу ва жулва ссу вин шар буллусса, ина махъунмай гъан бан бакъаяча, адиминал кунна шарсса ядува, акъарив, кIулну икIу!..

«БакIрайсса бала ххал барала, ххишалларан бунагъ бакъасса ттуйнма къутIругу хъина!» Га хъхъуну ттун шаний шанугу къабивна. Я шарссанил ттухъ ссихI къадурккунни, ттуннив ганих ургансса дакIрагу дакъар. Ивзун кIюрххила дяркъусса щинай чурхгу шюшав, ттунма шану къабиллан, лаххав цIусса гъухъагу, даврий лахханмургу ца пакетраву дирхъуну, лавгра даврийн. Га хъхъуну шавайнгу чIалну увкIра. Ттухъва нава учав, щичIанна нава ваксса ччяни шавайн ачин, шарсса духъунссар ресторанналуву цилва подружкахъашал, нагу ттула дуснайнгу оъвкуну, лавгру ца кафелуву щябикIан.

Кафелува шавайн увкIсса, шарсса ттул хъхъичIун ххярххунни:

- Ина чув уссияв ваксса хIаллай, на вих дукрагу дурну ялугълай, ина тIурча...

- Ца вилва бакъа бакъасса ххай бурав дустал, ттулгу буссар!

- На винма ххирасса гъавккури бувссия. Ачу, щяикIу,- тIий, шарссанил столланий дукра дирхъунни.

- Къачча, на увччуну ура,-куну, утту ивхъура. Амма га хъхъунугу сситтул шану биллай бакъар. Ивзун кӀюрххила, дяркъу щинай чурхгу шювшуну, цамур гъухъагу лавххун, авчура даврийн.

- Ина тти гъарца кӀюрххил чурхгу шюшлай, личӀи-личӀисса гъухъригу лахлай занай урахха?- дацӀан къархъуну, цӀувххунни шарссанил. - Ина цамунищалагу занай акъарав?

- На ура колхозник, ттух цу бургайссар,- куну, рихшантрайсса пишгу личин бувну, лавгра даврийн. Гава куццуй, даврия мукъах лавгра кафелувун. УвкӀра чӀалну. Щарсса шарда дур.

- Ина чӀалну укӀлакӀи хъунна...

-Ттун бучӀиссар! На- адиминара! Вихъхъунгу ихтияр дуллай ура вания тиннай винна ччинин гъансса!..

- Значит, вил цамур люти шарсса дикӀантӀиссар!

- На адиминара! Ттун бучӀиссар! Вин винма кӀулссар вилва уссурвавралгу лулттура цаймий хъами дургъуну бусса! Насу ччарча аьрза бан вилва уссурваврайн ттуяту...

-Барххуй, ххирама, ттул лякълуву хъун аьркиннихха, ина на къума буллай ура, ттул мукун лякълуву шайссарив...

- Му Аллагънал иш бур. На ина бакъаттаварда, дяъван къаикӀара, ляркъусса къуруш вихъхъун дулара, куну, лавгра даврийн. Гара къини дуркӀунни даврийн шарсса ттул хъирив.

«Зуния, хъами зулва ярагъунних зува махъ бан шайсса бивкӀун буру», учав ттухъва нава.

Тти ттун бучӀунни, арантурал кӀира, шанна шарсса циван дучайссарив. Душру, буруччара зулва ласру цӀубутӀуйва къудуршивуртту къадуллай. ХӀазран бакъархха оьруснал учайсса: «Путь к сердцу мужчины лежит через желудок», -куну.

«ХОДЯЧЕЕ НЕДОРАЗУМЕНИЕ»

Ттухъва нава икӀара: «Урвав ва дунияллий цалла шарссания рязийсса, га арцул дуччин дан бювхъусса адимина тӀий.» Хъаннияр чӀявукӀулсса рухӀ дакъахъунссар ва дунияллий... Ттул шарсса ттун хъуннин ца хӀурульэн куннасса дикӀайва, тачӀав чӀу лахъ бувну ихтилат дурну къакӀулли, амма кӀилчинмур оьрчӀ байхту, агъ, вил баркъай, аждагъа! бакӀгу канил бугъа, акъа-къатӀа хъу! Цилвагу ттуйн тачӀав цӀа къаучайча, ходячее недорозумениер учайсса, ягу гъаттара, тти на гъаттарал духтур уну тӀий. Цивхъусса адамина ур на? КӀирагу ка, кӀивагу ччан сагъсса, къянкъану хъачӀунттай бакӀ дирхъуну заназисса адимина!.. Вил заназинна тӀар гъаттарал куннасса дур, ттар-ттар тӀий занан икӀара ина. Ачу тти... вилла гъаттаран инара дича Зал... Ганил щалвавагу сси-зит - на арцу чансса ляхълай ур тӀар. Яр, туну на ци бави, хӀукуматрал ттун ккаккан бувну бур харж 20 азарда къуруш, яламий на ча дуккави?!.. Дацлавав, ягу, инсатал бихлавав?.. Инагу лякъи да на кунна

ца ххюазарда кьурушрагу зуруй! На тIар ина вай ацIрагу шинай ляркъуссаксса арцу шанна шинал дянив ляркъав! Тти цилла материнский капитал ларсуну тIий.... Яр. На хIала кьаувххуссания хIатти ция ина мий ласун! «На ина хIала ухханнин ялугълай бивкIссания тIар, цичIар дакъа бикIантIиссияв. Аллагънайн щукру, нава хIарачат бувсса.» ДацIу, инава хIарачат бувну тIун багъарчан, щар хьуннингу бувния мий оьрчIру!... «Гъаттаран цир бувчIин бан шайсса!» тIар. На гъаттара ухьурчан, инара цура? СуцI - гъаттарал оь цIупI учайсса?! Ахир, банмурвагу бакъар... Даврия учIансса мугълат бакъассар, шабашка циксса дав? ЦIуххинтIиссар. Аллагъ буручча, къадав учирча!.. Ав биривсса цIиникърал кунма, яруг цIир-цIир бивтун, чIур-чIур тIисса, къакъадагъантIиссар.

Вай хъаннища бакъарив гай жагъилний дурсса чIявукIулшиву яла оьрмулул аргъ дирзний дан къашай. Дахьва буцин кусса чIумал, ттул шарссанил урттуяр лахъсса щурщу къавбайссия, амма утти шанма оьрчI байхту, лапра жанаварданийн дурккунни. Ччай ччаврих хьусса шарссанийн утти на сан акъассара. Ттухь тIар, ина дуняллийн лахъан мяшну лярхьун ура, цукунсса гъалатI итабавкъуну бур тIабиаьтрал!..

- Мунил мяъна дурчIин дала, ххирамур,- кукун:

-Лакку мазрай къабувчIлай бухьурчан, оьрус мазрай «ходячее недоразумение «учайссар, кутIану учин, (бакIрайн къутI куну, ккаккан бай) вил шиву бакъар.

Яртал, цивхьуну бур ттун? Кару, ччану сагъсса, хъачIунттай бакI дирхьуну заназисса адимина! На, зунма кIулхьун ччарчан, ятту-гъаттарал духтурда, жул шяраву на кунасса цама акъассар, шяраву цир, щалагу районналий ца нара ятту-гъаттарал духтур ларайсса даражалул кIулшиву дусса!..Щалва сси-зит ттул шарссанил - на арцу чансса ляркъай тIар. Яртал, гъантлун 500- 1000 кьуруш ляркъара, къакIулли, уссарив ва дуняллий, цалла шарсса арцул дуччин дурсса адимина?..ЧIахху шяравун оьвкуну, машиналий ачирчан дуссар, гъай, ина тти инара ляркъумур му безинналух дулунтIиссар, улу чай бурттий, -тIий.

- Яр, тти на хIайванналул залуннахь, ина ттун безинналухсса арцугу дула тIував? Гъаксса ххуйну хъамалу ара, хьин итарахха....

- Ина тти так вилла ляркълуха зуннав, вай вил оьрчIру вил ляркълувун буххантIиссарив?

Яр, жувания Лаккуй зунттаву бакъару ялапар хъанай, шагърулучIан гъанну буру, тти на аьвзал заманнай куна, трассалийх чай бурттий ачивав?! Ца къини шарссанил мазрахасса балаллул чай бурттий лавгсса, гай шофертуралгу, цана цалчин инсан чай бурттий ккаклакисса куна, щютIа тIий, сигналлу дуллай, чу ххивну бавчуннихха, байгьин - бугъан къахъанай левчуннихха, ца «Жигулилул» ялтту тIанкI дайхту, дакI хъа куну, ивчIавай ливчIунна, къакIулли, га «Жигулилумийннал» дакIру цукун диркIссарив...

Гужрай, къама бувгъуну, бацІан бувссия. Гания шиннай къюкІума цІуцІи хъуну дур...

- Нигъа увсуну ивкІусса ттигу цучІав акъассар, му бакъассагу, гъаттарал гъаттаран зарал биян къабайссар!- тІар, ттул шарссанил, цихъва хъумуния бувсукун.

- ИвкІу, пІякъ уку! Ххишалларан дуссар ттуйн гъаттарагу тІий! Цивхъусса адамина ур на?! УрчІвагу базу сагъсса адамина!.. Ттул, зунма кІулхъун ччарча, лараймур даражалул кІулшиву дуссар! Гъаттарангу цанмасса аькълу буссархха. Масала, жул оьлил ттул шарсса цичІанна гъан хъун къаритай, ччанну щилай! Ца къини дуркІунни, зайрдугу тІий, ина чапурну бивчІивуй, вихссака ххял-лайх лаххивуй тІий, бадралийх ччан бивщуну, думур накІ эьки руртІунни, тІий.

- Яр, облинг цІун шайссархха! Зун ккавкссарив, цилва кІи-сригу пуй куну, атил бувну, къавкъсса оьлил мазурдугу кІункІу буллай, оьл ттизлайсса шарсса?! Цал, оьл ттизланнийн, ганил хъхьичІ ярма бихъин аьркинссар, га ххира-ххуйгу бувну, яла гъ-илисса щинай къалгу шюршуну, кІуклусса кисайлух къал лихъин аьркинссар, яла нагълий аьгъу байссар ганил мазурду, ялар оьл ттизайсса. «Валлагъгар, дура тти кІюрххилла мий къиргъинну бакъин буллай, дахърая шания дирзусса шарсса! Чапунну бивкІуча цув!- тІар шарссанил.

- Муниатура ина ганил цичІанна гъан хъун къаритайсса!

Зу вих къахъунссару, оьл нари ттизайсса, ххишалларан ттуйн ттуйнмагу шарссанил гъаттара учай бусрав, барчаллагъ бакъа. Чантай зайрдал кІулли цинмагу! Оьрмулухун гай лахълай диркІсса хханссар. Цимилагу учав:

- Ил, матІра мий зайрду! Ина дикІара ттараканнахагума зайрду тІий. Гайгу кІа Аллагънал ляхъан бувсса, рухІ дусса затрурхха!...

Мяйжаннугу, ттараканнангума кІулли ттул шарссанил хасият, ттул шарсса къатлувун духхайхту, вах куну, циняв чІираккутІавун бувххун, лабикІай.

Ца къини дур шарсса къатнил мурцІувусса ххялцултру цІушух литІлай. Учав:

- Шарссай, хІакъину нюжмар къинир, малитІларда мий, ттул хъунна бава дикІай миннул идавс МахІаммадгума ххассал увссар, тІий.

- Агъ, гъаттарал хІакин, ина инава кІа Аллагънал гъаттарану циван ляхъан къаувнавав? - тІар мунигу ттухъ шарссанил.

Яргал, на тІимур тІайларив, къатІайларив? На гъаттарану чІалан багъарчан, ци дур ттуй гъаттаран на ккалли уллансса?..

Ттух вичІи къадирхъуну, нюжмар къини ттараканну, ххялцулт литІлай диркІсса шарсса, тталат къини машиналухъхъун дирирну, азарханалийн даргъунни. Ттирагу бакІравн дуркІухъува тІий ивкІс-сара на. Агъ, вил къаттай!... Оьсса чувнан бансса диван бакъассар

учай жула халкъуннал. Азарханалия хАятравун дучАансса мугълат бакъа дулуркъунни зайрду тИий, аьнакАал цил ахъ ппив дурну дур, зу исул ласуннав, тИий, аьнакАаха зайрдугу тИий, гайннул хъирив дагълан диркIунни.

- Ил, шарссай, матIра мий зайрду, муниатур ва жулва къатлуву барачат бакъасса, - кукун:

- Ина ляркъусса 500 -1000 къурушрахрив къатлуву барачат бишинтIсса,- тIар.

Зу вих къахъунссару, гъунтгиймур къинива шанма-шанма аьнакIи ккаччал лавсун лавгссар. Яла дур шярал ккаччал хъирив дагълай, «бунила бух лагивухъул зу», - тИий.

- На вихъ кунав, зайрду матIра,- куну.

На аьян мадулларда тIар, мий вилва ласу-къасултру тИий! Цахъи хАллава тIар, ина мийннал мазрай гъалгъагу тIунссара! Вица гъаттарал къанкъума дур,- тИий, ттучIа утту къадишайссар, ккаччи-ччитралссагу буллай ивкIун, тти мий каруннах нагу ххира-ххуй дулланнав , -тИий. Амма дуссия чIун, инара ттул ккаччи-ччитри , чу ххира-ххуй буллалисса!..

- Ганий на бияв аькълу бакъасса, чIавасса душ. Ттун къакIулахха ина мукун цичIав пагъму, гъунар бакъасса ушиву?

Ачу тти, ивчIай макъан! Ганигуяхха на вава ятту-гъаттарал духтур!

- Ганий ина арцу лякъайва ххуйну! Колхозрал ветеринарну зий икIайвав, ххуйсса харж бикIайва. Утти вил мий кIапIикIиртгай оьрчIру цукун ябантIиссар?..

- Экономныйну шуруци дуллалу да, мий думий! Нания хIан къахIачIара, пIапрус къаучара, лулттура цамур шарсса дургъуну акъара...

«Жипавун нацI багъсса адамина щинни аьркинсса хIакъину»?- тIар ялагу шарссанил. Ттухъхъун дулунсса жаваб ганил хIадурнура дикIайссар. Ца мукъул махъун къадагъайссар. Ца къинигу дур хАятравун ттул хъиривгу дурккун, ттуйн лехха-личIаврий: «Му дукра канайкун, къявкъанну хъун вин мий, узданну дукан къашайрив, ччатIул касакру щявн къабивчунма, ттараканнугу батIлатIи бувну» , - тИий. Ттул буссар нава махъ бувсса, канива ччатI букайсса къяца. Ганин къаххирассар ттух эц ивкIун урувгма-гума. Бувккун махъа къяца ца щуннихха шарссанил махъун, ца куццуй щунни, ганихъхъун леххав учинсса мугълатвагу къабуллуну, щявх тIитIи даркъунни. Аман, яла къатлувунгу дурххуну, ганил къяцлуха тIутIисса зайрду!... Аллагъ буручча ина вила гъаттара!.. Баххан багъсар, шарссанил гъайгу-дайгу му къяца бихха, ттуща му буний хАятравух занан хъанай бакъар, мунил хъиртту хъхъичIун бугъай тИий.

Цибави, шанма-шанма оьрчI бур жул дянивуну, га маз къабивкIссания, ттул шарссанил багъа бишун къахъунссия... Аьй дакъасса шарссагу чув лякъинна хIакъину ина?.. Му бакъассагу, цукунсса дунугу, цурда ттунна ччиссагу дурхха.

РЕКЛАМА

Молог

Вай рекламарттая бура ва кІанавн бивну. Хьхьувай ччяни шану къабияй, мунияту цумур каналланувух ххуйсса кино дурив ххал дурну, шану билланнийн буруглан бикІара. Ца хьхьуну хьхьунил кІира дур хьуну, кинорах луглай, цамур канал бувтсса: «Продаются квартиры в готовом доме. Если вы прямо сейчас нам позвоните, то получите квартиру с ремонтом под ключ»... Вагь! Яртал, на цуксса хІаллайра лаякъатлуву яхъанантІисса?! Къатри дан бигъар, амма лагайсса арцу ремонт дуллай лагай. ЦІана нава оввчирчан, ремонтгу дурсса, яхъанан хІадурсса квартира!.. Хула овчиннача!..

- Але! Аьле! Аьле!.. Бурги шиккун тти, трубка гъаз къабул-лалисса вайннах! Ва рекламарагу циван дуллай биявав духІин-дакъилт?!.. ЦикІулли, шанул лях лавгуну, га цалва ххюнххулуха телефонналул чІу баллай бакъахьунссар. Валлагь, ттул лас шанашиный чІавахьулттал пюрунтругума зурзу тІун бикІай, дун-иял сукку хъанахьисса иш бикІай. ЦикІулли, гай ххюнххуматІив буккивухьул, цукссава ххюнхху буллуну буссарив. Шанангу ччай, квартирардугу бахлан ччай бухьунссар. Му гьунарданул заллу усса винма кІулну бунува, ци загьруман дия вил хьхьунил хьхьудяри-залгу реклама дуллан!

Телефон: «Номер жаваб дуллай бакъар.»

Бургира тти шиккун! Тти на ва шанул уччиннийн телефонналун къарал буллантІиссарив?! Ва учІиакъу сававну ххуйва ххуйсса квартира канища буквавай буссарІ Гъансса кІанувагу кІулну бив-кІессания, гъантІиссиявхха!..Телефонналувух оввтІун бикІай.ТтютІ тІисса чІу.

- Але! Аьле! Аьле! Шанул канай личІаннавча ина! Гъаз бу-вагъар трубка, му няракъатта къакъан вил! Аьрш бухлагивуй гъаз ба! ЧантІ уку, чани лещевуй, чантІ уку! Ваппабаяр, ххирашиву вин му шанул! (Телефонналул ттютІ). Аьлю! Аьлю! Аьлю!

- Да! (Шанукъусса чІуний).

- (Чулийнмай бивкІун) Щукру Аллагънайн! (Телефонналувун). Аьлю!.. Бивзрув!

- ЧІун цимий дур? КІюрх дуркІрив?

- На вин оввтІиссаксса хІаллай дачІи ссят ларгунни. Шамуннил дачІи дур.

-Ина цура?

- Муштари. Квартира машан ласаврия ихтилат бан, чун учІава...

- Ина ци тІиссара? Вил циняв шаппа бурив?

-Бур, шанай бур амма.

- А у тебя , по – моему, крыша протекает...(Вил бакІ сагъну бакъануккар).

- Крыша?... А... А што, вы и крыши ремонтируете? Это уже вопрос к хозяевам., у меня своего дома нет. (Магъи? Ина маххивгу дакъин дарав? Ттул магъи дакъассар, залуннахъ учин аъркинни).
- Цири вил дурагу дусса? У тебя, по – моему, все шарики полопались...(Вил ня зий дакъануккар).
- Ци шарикру?! Ттул тачIав шарикру бакъассия! (чулинмай). Ва ци къакру тIий урив къакIулли шанавух.
- ЧIалай бур бакъашиву! Хъхъунил ссят 3-ний квартирыалуя цу цIухлан икIайссар?
- На исура. Хъхъувай шану къабияй.
- Исун хъхъувай хъинну чани буссарча, мий вилва фарарду ссятрах бурган ба!
- Ттул, мусий, ттул машина бакъархха, на оърмулухун квартиралух арцу датIлай бивкIра.
- Ина чув ялапар хъанай бурар?
- Титовалий...
- Гъаксса хъинни! КIюрххила Титова № 5 насу, тикку вин гъарзат бувчIин бантIиссар!..
- Агъ, вил жан цIулли дивуй, нукIува мукун уча да, тиха-шиха къаишлай!.. Титива, 5... Яр, тиккуния поликлиника буссар...Ттуща вай рекламарттал заллухъру бувчIин къашай...



П аржума буминнува

Зияуттин ДАГАНОВ



КЪУЧАГЪССА ЗУРАБ

Хавар

1

Ва иш хъуссар ца чивисса Зураб тисса оърчан. Ганан дия 8 шин. Яхъ-анай ия Зураб дяних щиривкисса машинарттал ва автобусирттал бувцисса проспектрал кликъувкысса шагърулул багърача, укунмасса квартиралуву. Дуклай ия укунмасса шагърулул школалий. Пайламур учин, оърус мазрал дарсирал га хъхарасса ия. Физкультуралул турча ласайва ххюварду. Ххирая Зураблун лечлан, хаснува архсса манзилданий. Дия ганал микку цала чявуклушиву. Оърчру биза бай кланттайн бувккун, сигнал дулайхту, левчуну бачайва анаварну, циняв гуж бакрайва харж буллай. Зураблун цала гуж ябайва, чан-чанну ишла буллай. Ахирданийн биявайни цайми оърчру бувххун, хлал бухлавгун, хлурха шайва. Му чумал Зураб анавар увккун, бигъану учайва финишраин цинянаяр хъхичи. Мий чявуклушивуртту Зураблун буттал лахъхын дурна. Гъарца клюрххил ганал арс уцайва хъхирин, гикку гай къундалийх лечлай, зарядка дуллай биклайва, яла щябивкун клиягу, ишттахрай наклихун нахисса ччатг букайва.

Дурклуна гъи, дайдирхъуна каникуллу. Дахъва клилчинмур класс къуртал бувсса Зураб цала дус Пагъирдушал щябивкун ия къатув, ссаха зунсарив къаклулну. Шагърулий дия оьккисса клиришиву. Циняв вайннал дустал лавгун бия бигъалаган кув лагердаин, кув шяравун.

– Зураб! – куну, оьвкуна буттал арснайн, чявахъулттувух уруглай. – Зураб, лечу шавай анаварну.

– Ци, буттай? – тий, танк дурну ивзун, Зураб левчуну буттачан.

Шавай уххайхту, ссаламалейкгу буллуну, «Буттай, оьвтий уссияв?» куну цлувххуна.

– Къатлувун уххула, арс, бансса гьалгъа бурча.

Къатлувун увххун, Зураблун ххал хъуна нину, чивисса ссугу карав бувгуну бавцисса. Ниттил лажин циваннив пашманну дия.

– Хьювсул мабукларда, дахъва барз-за банссар, – увкуна буттал.

– Цири – барз-за, буттай? – цлувххуна Зураблун.

– Зураб, шяравун таттачан гъан ччивав? – куну, цлувххуна буттал.

– Къаклулли, буттай.

– Та цџана цувалу ур. Игъалаганссара. Ттаттагу цахъи аьлахъанссар. Циняв вил дустал тиху-шихунмай лавгунни, вищал къатџув уккансса цучџав къаливчунни. Вин ххуй бизантџиссар. Марцџсса щин, марцџсса гъава, щюллисса уртту, дюхлу. Ххал хъунссар винма лахъсса зунтурду.

– Гъанна. На бизар къахъанантџиссарив? Ттун кџий цучџав къакџуллихха.

– Бизар къахъунтџиссара, арс. Датџи вила янна, утту ихъу. Гъунттий ччяни бизанну, автостанциялийн биян.

Бавтџун цала рюкзакгу, Зураб утту ивхъуна. Хъунмасса хџал хъуна Зураблуд, гъунттийсса ссапарданул пикрирдал шану биян къабитлай.

2

Автостанциялийсса мугъали инсантурал ккаккан хъина зун – зунзуряхъ хханссия. Кассардачџан гъан хъунсса сант дакъая. Залдануву бавџуну бия билитру лавсун автобусах ялугълагъисса инсантал. Къатџувми, цала автобусах луглай лечлай бия, лявкъумигу чемоданну, хъунисса, бувџусса сумкри, чуваллу гъаз бувну, автобусравун ликџин хџарачат буллай бия.

Буттал щяивтуна Зураб автобусрай, кагу дургъуну, ках куна бакџрайх:

– Тти ххуллухъин баннав, арс. Ссалам буси ттаттахъгу, цайминнахъгу.

– Цайминнахъ – щихърияр? Ттун ттатта акъа цучџав къакџуллихха.

– Кџул хъунтџиссар.

Ххюра минутџрайсса ялагу бавџуну, автобус моторданул ххурхху увкуну бавчуна. Машина ссур бувна ххуллийх, къабивтун махъ ххиттул бувџусса, кџирил ччучлачисса шагъру. Ряхра ссят дурна най, амма Зураб хъис къаувххуна. Гъарзат ганан хџаз дизлай дия. Автобус, хъунмав хъусса чу кунма, ххирххи тџий, луххал ттугъру бизан буллай, ххуллуд дуламанттайх лавай най бия. Гъарца дуламанттул хъирив ххал шайва ссахачџав къалархъхъусса тџабиаьтрал сурат. Ххяллу, тунеллу (сиварду), куртџсса ратџаву ххурхху тџисса нехру – ми дахханашивуртту чџавахъулттил чџарах липџ куну лаглай дия. Зураб ургъил буну уруглай ия пазикрал хъиривмур дулама мютџий буллайсса куццух.

Вайннал щяравалу райондалий махъра-махъмур дия, мунияту цивилизациялия яла архмур куннасса дия. Ливчџсса гужгу бавтџуну, автобус бувххуна щяраваллил уттакџюласса кџичџиравун, дурну ца шаттуршра метра ттигу ларзурдал ва кџаланнал дянив, бавџуна щяраваллил клубрачџа, моторданух щир-щир тџисса чџурдугу бувну. Аьрххичитал буклан бивкџуна, гиккува хъунабакъин бувкџсса гъанцириннайн хъямала багълай. Зураб автобусрава уккан къасислай ия.

– Аврав, арснал арс! – куну оьвкуну ттуйн ттаттал, ххарину пишгу куна.

– Ассалам алайкум, ци зай ивкџра, ттаттай! – тџанкџ куну шачџанттая, Зураб хъямала авгъуна ттаттайн.

– Ай къучагъ! Кџулли вин дагъусттанчунан куна ссалам булун. Ялагу ци кџулли вин?

– Иян кџулли, – куна Зураблуд кару чџуен дурну. – Ккаккайрив ттул бювчџунбишив.

– Огъогъо, гуж бусса хъуну ура ина. Амма мув бакъар яла хъунмур гъунар, – хъян ивкџуна ттатта. – Лахъигу увккун ура. Ваниннин хъхъичџ ккакксса чџумал ина чџивину ияв. – Ттаттал ккаккан дурна каних цукунсса лахъшиву диркџиссарив Зураблуд. – Таний ина дахъа гъалгъа тџун лахълай ияв. Чу бур вил сумка? Була шиккун, ачу ттущал, – куну, ттаттал увцуна Зураб чарил бавкъусса щарнил кџичџирттавах.

– Увхрав? БагъГатІ хъухъунссара.

– Хъис къаувххунна, ттаттай. Ялунгума, хІаз бивзунни, автобус муруллуд зуманийх нанисса чІумал. Гилу нех кІюласса жарт кунна чІалай дия. Барзу чІивисса чІелму кунма чІалай бия, га бакъаяча ттух лахъния буруглай, на уссияв ганих уруглай. Нигъауслийгу уссияв автобус ахъния дагъанссар тІий: муксса зуманийн гъанну дачайва ца-ца чІумал, самолёт лерххун найсса хханссия.

– Ци-бунугу шайхрав? Вин къакІулссар цукун вардишсса, цала даву кІулсса уссарив автобус бачинбуву.

– Вардишсса?

– Туну. Ганаяр цала даву кІулсса цучІав акъассар Дагъусттаннай. Гъала президентгума иян айва ччинийн.

Зураб махІатталну урувгуна ттаттах. Ганан ттигу къакІула ттаттая шяраву гужсса махсарачири тІисса тІар бушиву. Ганаша шайва найбунува ци-бунугу ца хъярч ягу хІазсса хавар ляхъан бан, гъунтгинийн ганал ляхъан бувсса хаварду шала райондалийх ппив шайва. Та заманнай, радио, телевизорду къабивкІсса заманнай, арантал ккурчІав шябивкІун, вичІи дишайва ттаттал хъянсса хавардах.

Ттаттал къатри дия шарнил лув. Зураб най ия гъарца къатлук хІисав ласлай. Циняв къатри бия зунттал чария бувсса, къатрал цияллу дия къасса.

– Вай ччянирасса къатрир. Ххуйдизлай дурив?

– Вай щилли дурсса?

– Вайннал цала.

– Вил къатригу цаларив дурсса?

– Гъалбатта.

– Циксса арцу дулав ина миннан.

Ттаттал рязи акъа увкуна:

– Зул шагърулийри гъарзат арцук дуккайсса. ЖучІа циняв куннан кув кумаг буллан бивкІайссар. На къатри дуллан ивкІукун, циняв шяравусса арантал бувкІуна ттун кумаг бан. Цаннал чартту ххилай, гаманал пп дуллай, шамулчинма – чІиртту бацІан буллай. Гъунттий чІаххучув къатри буллай айиширча, нагу гъантІиссара шаймур кумаг бан. Жул шяраву усттаргал чІявуссар: тІаннул усттаргал бур, муххал усттаргал бур, дарзитал бур. Жу буссару ца кулпат кунма ялапар хъанай. АрхІал хъатІив бару, архІал ивкІума уччару. Жу бувкІссару, арснал арс, вайнна жула къатри. Ухху, Зураб, – увкуну, ттаттал къалан бивтун накъичру дурсса нугу тІиртІуну, Зураб цала хъхъичІ къатлувун уххан увну, чирахъ лавхъуна.

Вай бучІаннин ссупра тІивтІуну бия. Дахъва шавхъсса ччатІ, нис, барт, шархъсса дикІул парчри, нувци – вай гъарзатрая нанисса къункъал ишттахІшиву.

– Огъо! Ттаттай, на ккашилну ура!

– Шюша кару, шяикІу, арснал арс, дукра дякъиннин.

– Ттаттай, вай дукра щил хІадур дурссар? – цІувххуна Зураблуд, ишттахІрай бартливун шусса ччатІуйн къацІу куну, ялун кІирисса накІлил ххувгу тІий.

– Вил Аьйшат бутгарссил.

– Цуппа чув бур?

– Цила ужагърайгу кушурду чІявусса буну, лавгунни шаппай. Оьл ттизин аьркинни, цила оьрчІан гъанттайнсса дан аьркинни. Цахъи махъ бучІанссар, вихъ аврав учин.

Цан ларкьуна. Уччиннин дукрагу дуркуну, Зураблук тахлийсса клараллийн ттилик риршуна. Ттатгал бувтуна шану.

– Ший хьхьурай дяркьу диклайссар, ххуйну клучи хьу, ххирай, – увкуну, Зураб утту ишин увна ттатгал.

Кюрххил Зураб чант учин увна занглил чунил. Га танк увкуну ивзун, левчуна чавахьулттичан. Марцисса дюхлулсса гьава кляласса ттурлу кунма бувххун буцтин бувна ганал хьазам. Яругу ссуку буллай, Зураб, яннагу ларххун, увккуна хаятравун. Шикку бувчуна ганан ци чулка бивкиссарив га. Щала шяравусса хьами, дирхьуну цала мирхьру чарий, лавсун чартту, гай кьут буллай бия, зума кюла дурну дайл баншиврул. Чарав бия бавцуну оьрчру, ттукригу бувгьуну.

– Ивзрав, Зураб! – куну, буттарессу хьямала дагьну, ппайрду тий ларчуна ганацун. – Цукун ура, уссил арс? Нину-ппу цукун бур?

– Ххуйну бур, – куну, жаваб дуллауна Зураблук.

Гиккува ссурахьал ганал лагма лавгуна. Гай ниттишал цулун гьан хладур хьуну бия.

– Аврав, Зураб? Ина жушчал цулун учаннав? Яла жушчал лакрай укканнав? – тий бия.

– Гьари, ванал кюрххилссарагу кьадуркунни ттигу. Яла гьалгьа буллансаруча, наси, – увкуна ттатгал.

– Цалсса, Зураб, ккакканну, – увкуну, Эльдар тисса хьунама ссурахьу ттуккугу бувцуну лавгуна.

Зураб шавай увххун, дяркьусса шарашал щинай лажин-ка шюршуна.

Ссупра, кюрххилсса дирхьуну, га щяиканнин хладурну бия.

– Жува хлакьину ци дулланну, ттаттай? – цувххуна Зураблук.

– Ттун сельсоветрайн гьан багьлай бурча, ина насу шяравух гайз бува, щишал-бунугу ккул хьу. Цухлайсса уккарча, Абдуллагьлул арсра уча.

– Щилли цуххайсса?

– Циняв цухлантиссар. Цинянан ччан биклантиссар ккул бан, ва гужгу, аькьлугу бусса оьрчи щиллив, – увкуна ттатгал, арснал арснал кизуйх как куну.

4

Укун ларгуна нюжмар. Зураб вардиш хьуна шяраву, ккул хьуна гивахсса оьрчашал. Га хлакьсса зунтталчув куна кумаг буллай ия ттатган: гьаттара хьунабакьин лагайва, кьуллалия дяркьусса щин ларсун учайва, чаркгу бангума кумаг бувна. Гьарца кюрххил буттарссил дахьра ттирзусса наклил ччама ларсун бучайва. Ца нюжмардил дянив оьрчи цлак хьуна. Ттатгал бурувххуна ганан кьутта кьяпагу, кахридакьугу. Маркячанмай циняв оьрчру батайва ттатгал лагма, ганал бусласисса хавардах вичи дихьлай. Ттатгалгу бусайва дявирдай буттал канттухлу талай бивкисса вирттаврая. Гьарца хаваргу кьуртал шайва буттал кану ххирану бикан аьркинссар, жан дулун махьунай кьавхьуну, тисса мукьурттий.

5

Ца кьини ттатгал увкуна Зураблукь:

– Хладур хьу, зунттаван гьанну. Мукьра километралук манзилданий кьутан дуссар, гикку тул чивима уссу Ражав уссар. Ганачан гьанну.

– Кьутан цири, ттаттай? – цувххуна Зураблук.

– Чирисса яттил ферма. Тул уссу уссар гикку ятту ябуллай. Ганашал

архІал зузисса хІухчу къашай хьуну шагьрулийн лавгун, га цувалу ливчІун ур. Цаннан захІматссар ятту ябан. ГаначІан дуки-хІачІия, пІатІрунну биян банну. КъушличІан цуша занай бур тІисса хавар бур, лахьхьу-къунну ца тта бавцуну бур.

– Вил уссу нигъауслий акъассарив?

– ДакІний бити, арснал арс, нигъабусайсса вархьулталли, хІакъсса виричу ссаячІав нигъакъаусайссар.

– На ссаячІав нигъакъаусара, ттаттай.

– Ттул къучагъ, – куну, ттаттал Зураблул бакІрайн ках увкуна.

Ттаттал, лавсун рюкзак, бивхьуна вив нис-ччатІ, къаркъ дикІ, щинал шуша. Яла буккан бувна антресоллая кІивабиту, пІатІрунну бусса къурши.

– Огъо, ттаттай, кІивабиту! Була му ттухьхьун канил бугъан!

– КъабучІиссар. Ва дялахьру дакъар. Муниятур на ва лабитайсса. Лаххав янна? Ккуртту ласи вищала, хьхьурай дяркъу дикІайссар.

Гай къатлува бувккуна. Дирхьуну къай ттуккуй, бавчуна.

– Буртти икІаннав, Зураб? – цІувххуна ттаттал.

– Ахьтта ачинна, ттаттай.

Ссят ва дачІи хьуна най. Жегьирххулу жагъ лавай, жагъ ялавай най бия. Ххуллийх ттатта буслай ия бусаларду, лувлякъурду, бувчІин буллай ия, къаух-ханшиврул, къаагъаншиврул лавай-ялавай цукун ачин аьркинссарив, хьхьувай къааьйкъин, ххулу дакІний битайсса куц. Ттатта буслай ия, Зурабрив вичІи дирхьуну, пикри буллай ия, цукун аькбилсса, гьарзат кІулсса ттатта ур ттула тІий.

– Ургу, Зураб, ча най ухьурчагу, шагьрулий бикІу, зунттаву бикІу, вацІлуву бикІу, ххулу дакІний билути.

– Цукунни дакІний битайсса? Ххулу бур ххулу.

– Бакъа, бакъа. Ургу, шикку чару бур, чарил лувату мурхьирал кІурх най дур. Ягу, тийн ургу, зунтту бур пилданул бакІраха лавхьхьусса. Тана, аьгартту бишлай ххяллуйх, кІий ялувлив – исул кюру.

Зураб дакІний битлан ивкІуна чу ци дурив, ци ххяхлай дурив, ци экъинай дурив.

Архния ккаччил хІап баллан бивкІуна.

– Бивру жува, – куна ттаттал.

Гай гъан хьуна чІаттирал лагма дирхьусса чарил чІирачІан. Чагу мукуна ма чария бувсса бия, пяплил ва къартрал магъи ларкъусса. ЧІавахьулттийх хІайвандалул лу бавкьуну бия. Къатлува увккуна ганз-кутІасса, чІири бусса, мурчал дуркусса лухІи-пурщисса лажин дусса пиш тІисса адимина. Ганал цала къурттарисса гужсса каруннах цахьи лавай увтун Зураб, цІакьну хьямала агьуна.

– Хьуна хьусса куц. Щар дуцин чІунни, – куну хьян ивкІуна га. – ХІайван на булунна, жалин лякъира ванан. Буххи къатлувун, на накъ хІадур дав.

Гай бувхсса пукъа бия пуркІурал бувцІуну. Накъ шахьлахьисса къазан цІарай бивзун бия, магъуй бия пуркІу буккайсса вярчІу. Гай щябивкІуна варсив бувтсса тахлий. Ражавлун бувцІуну кІичІу накълил, бувхьуну ччатІ, буллуна Зураблухьхьун.

– Ма, хІачІи кІирисса накъ, уф уча къуссуйн, къацІ къаччуччин, – тІаннул къусагу дуллуно, увкуна ганал.

Накъ дия дукъарасса, нахІусса.

– Буси, Ражав, ци иш бур? Цивхуну бур зучІа? Цуша занай бур тІий ба-
вуннихха жун.

– Занай бур. Хьхьувай вев тІун бикІай. Ккаччив гьалак бувккун буссар,
ятту шанай бакъар. Паракъатшиву духларгун буссару.

– Ина ци бара?

– Ци байссар. Гьаваллавун ттупанг битав цал-кІил. Ливхьуна. Амма ялагу
бувкІун, тта бувтун лявкъунни.

– Ганийн битан аьркинссия.

– Битарча, га хьиннува обькиланссар. Ттул ссачмалул жанавар бутан къ-
ахьунссар. Муниятуяв вихь пІатІрунну лавсун ухьхьу тІисса. Ттул ттупангиран
бакьинссарив ми?

– Циван къабакьиви, – увкуну, ттаттал буккан бувна кІива пІатІрунну бусса
къуршив. Бивхуну гай столданий, каругу лирхьуну, буккан бувна рюкзакра-
ва ащул чантай. – Чансса хьанакІ, уртту-щин датІин гьаннача, ина шикку
игьалагу, арснал арс, – увкуна Зураблухь.

– Ттаттай, цуша?

– Ци цуша?

– Ина нигьауслай акъарав? Вийн ххяххарча.

– КьаикІу ци тІий урача.

– КИвабиту ласи вищала.

– Леххаву цири вил? На архну най акъарахха. Уртту дартІун, зана хьунна.
Нигьаусаву ци хаварда?

6

Цан лакьлан диркІуна. Зяр-зяр тІун бивкІуна хьацІру. Ражавлул даркьуна
ттурзан гьаттарахьювун, дирчуна дукамур ккаччан, ларсун увкІуна къатлувун
тІама. Зураблул тІахІни шюршуну, дукьлакьисса чІумал ккаччал хІаплил
чІурду хьуна. «Ттатта най ухьунссар», – тІисса пикри хьусса ганан гиккува
ттаттал гьалаксса чІу бавна.

– Ражав! Ражав! Анавар хьу! – тІий, леххаву тІий ия ттатта.

Зураблун ххал хьуна кару тІитІи даркьуну авцІусса ттатта. Ккавкмунил
Зураб ццаххандарал микІлачІун увна. ТтаттачІату шанна метралул манзил-
даний бьв-бьв тІий бавцІуну бия загълунсса цуша. Ганил къункьуккутІава
буклай бия кІусса ссихІ, га бия ссунтІ тІий, ккарччив чІалачІи дурну.

– Яри! Букьу! – тІий ттатта ганийн леххаву тІий ия.

Му кІанай кІийла ттупанграл ттявхь увкуна. Ккуллардал цухьлул льякълуйс-
са ганзсса луттирай ккутІру дурну, щаву дурна. Жанавар хьиннува сси бивзун,
бьв-бьв тІий ххьвххуна ттаттайн. Ражавлул ялагу бивтуна цухьлуйн. Ккул-
ларду щуна жанаварданул бакІрайн. БивкІусса цуша щала цила кІушиврущал
ттаттайн багьну, лув личІан увна.

– ГьазимахІаммад! ГьазимахІаммад! – тІий, Ражав вев тІий, хьит бул-
лай, цуша кІункІу буллан ивкІуна. Хьинну кІусса цуша Ражавлуца гужрай
ухІ-ччаплий чулийн кІура баян бан бьвхьуна.

– ГьазимахІаммад, цукун ура? Ци цІий дур вил? – тІий, цІухлан ивкІуна
Ражав.

– Вай! ХьачІ! Ттигу чансса ххюрхху бува му цуша, – ганал ччанну цухьлул
лув биригнува бия. Ражавлун ххал хьуна ттаттал хьачІ ххьадурккун душиву.
Оь чях тІий най бия щавурая.

– Зураб! – куну, овькуна Ражавлул.
 Нигъаувсусса Зураб цичІав къабувчІлайсса куна уруглай ия хьумуних.
 Каччал чІурду чан хъанай бакъая.
 – Зурааб! – вев куна Ражавлул. – МаацІара!
 – Ци бави? – куну, левчуна увкІуна гайнначІан цайна цува увкІсса Зураб.
 – Дири увккун, къатлува фонарьгу, даруртту бусса къуршигу, спиртрал шушагу лавсун ухъхьу.
 Зураб лечлай лавгун, ми гъарзат ларсун увкІуна. Ражавлул лавсун бинт, спиртрал хъатангу бувну, щавурайн лаян дурну, дархІуна ттаттал ка. Амма оь бацІлай бакъая, бинт гацІана ятІул ларгуна. Ттаттал изан къаст дурна, амма вев куну, унийва агъуна. Ражавлул, увгъуну ттатта, къатлувун уххан кумаг бувна. Шавай уххайхту, утту ишин увну ттатта тахлий, ххябувккун гъарччала, ххал хьуна ччан някІ лавгун, бурухлай. Багъсса цухълул ттаттал ччангу, кІива нивсгу гъавгъуну лявкъуна. Ларсун кІива тІаннул тахта, лаян дурну гъавгъсса ччаннайн, Ражавлул цІакъну бавхІуна.
 – ЦІана цукун ура? – куну цІувххуна ганахь.
 – Мадарану. Ччан цІий бур, амма хІал букІлан бивкІунни, – увкуна, ттаттал изан къаст дуллай, амма Ражавлул изан къаивтуна.
 – Маизара. Вин цІана изан къабучІиссар. Ма, щинал ххув уча.
 Ттаттал щинал ххув увкуну, шанан ивкІуна.
 – Ххуйсса иш бакъар. Оь найнма бур, ччан гъавгъун бур. Багъанссар вин, Зураб, шяравун иян кумаграл хъирив. Анаварну. Райцентрдания вертолет гъан дуvara уча тайннахь.
 – Магъан ара чунчІав, – увкуна шанювкъусса ттаттал. – Ххуллу лякъин къахьунссар мунаша, хъхьувай, цалчин шийн увкІсса оьрчІ.
 – Хьунссар, ттаттай. Ттун ххуллу дакІний бур. Фонарьгу ласунна ттушчала, лякъинна.
 Ларсун фонарьгу, дирхъуну жиплуву ччатІул парча ва кирпич, Зураб авчуна шяравун.
 – Жегъир ххуллия чунчІав мааччара, га тІайланма шяравун наниссар. Ххуллухъин баннав, Зураб, – куну, тІайла увккуна Ражавлул оьрчІ.

7

АкъавцІун левчуну най ия Зураб шяравун, хъирив цуша лаянссар тІий, нигъауслай.
 – Дахъва ттаттал гъарза ххуйну бухъурча, яламур бигъар, – цахъва цува тІий ия га, лажиннарая гъухъ лихълай. – Ци дурну цурдагу ва шяравалу?
 Ца кІанай Зураб ахчуну агъну, никру ххарцари хьуна. Унийва щяивкІун, Зураб къащилул ва цІуцІаврил аьтІун ивкІуна, чапалсса каруннах мукъал чІаврду гъулути дуллай. ХІакъину хьумур бювххунурив, чІумуй къаиянссара тІисса пикрилуллив, макъ дакъарцІуну най дия ганал иттату. Цакуну, ганан дакІнийн багъуна ттаттал учайсса махъру: «Адамина аьтІун къаикІайссар, къянкъа дайссар, банна увкумургу байссар».
 – Циссара на шикку, щяивкІун аьтІий, – цахъва цала увкуна Зураблук. – Къутанналий тІурча кумаграх ялугълайри бусса.

ТпанкI куну ивзун, макьгу лирхьуну, Зураб авчуна. Га левчуну най ия жегъир ххуллийх, дакIнийн дичлай циняв ххуллул лишанну, ттаттал тIисса куццуй. Вана щарнил цIурду ккаклан диркIуна архний. Уххаврил паша тIисса Зураб акъавцIуну, стадиондалий циняннаяр хъхъичI учIан аьркинсса куна, ссур бувну най ия.

8

Ражавлул ацци хъатан дурну, ГъазимахIаммадлул нивсирайн лаян дурна.

– Вай, вай, – угъ-къак куна ГъазимахIаммад. – НахIакъдан гъан увссар ина оьрчI. Хъхъувай ххуллу льякъайссарив ганан. Аьйкъинссар.

– Пайда бакъая, ГъазимахIаммад. Мугълат бакъа кумаг аьркинну бур вин. Цамур ци байссар?

Ражав ГъазимахIаммадлул ччаннах урувгуна. Ччан бурувххуну бия. КIусса ссикI бивгъуну, Ражав увккуна къатIув. Чани хъя-хъя тIий дия. Къалиянгу тIий, Ражав бивкIусса цухьлул ялун къус ивкIуна. Му чIумал ганан ххурххуллул чIу бавна. БакI гъаз дурну, Ражавлун ссавний ххал хъуна гъан хъанахъисса, лагма гъарза ххурххуллул чантI учин дуллалисса вертолет.


– Най дур! Лерххун най дур! – тIий Ражав левчуна чIаттиравун.

– Баллай бур ттун! Ивунни ци тIурчагу Зураб шьяравун! – жаваб дуллауна ттаттал.

Лагмара гъарзат щахчин дурну, вертолет шядиркIуна къанив, гива анаварну бувккуна врачгу, носилкардащал кIия санитаргу. Гайннал хъирив левчуну най ия Зураб.

Яру мазрая.

Таржума - А. МУСАЕВАЛ



Публицистика

Хирург Губулов Юсуп Махмудовичлушалсса ихтилат

- Юсуп Губулович, буси ца хъис вилва оърмулия...

- На увссара 1959 шинал Ккуллал шяраву. Колхозниктурал кулпатраву. Жу шама уссу бияв. Аваданну къабивкІру, амма мискинну бивкІру чингу къахъунссар. Мунияту на ттула оърчІшиву талихІ буссаннун ккалли дувара.

- Ина школа чув къуртал бувссар?

- 1977 шинал на мусил медальланушал къуртал бувссия Ккуллал Дянивмур даражалул школа. Ттун ххирая химиялул, юиологиялул, физикалул ва математикалул дарсру. Цинявппа учительтал дакІний бур, миннава ца лялилчІи уван къахъунссар. Гайннал хІурмат ттучІа даингу лавайссар.

- Вил ларайсса кІулши дуссарив?

- 1983 шинал ятІул диплома-шал къуртал бувссия ДГМИ-лул лечебный отдел, специальность – хирургия.

- Ци чара ина СССР-данийсса ва цІанасса кІулши дулаврийн?

- Совет заманнайсса профес-сортурая так ххуймур чин бюхъанссар. Гайннал цукунчІавсса тестирование къадурна, цума цу уссарив бигъанма кІул байва.

- Институт къуртал бувну махъ чув зун ивкІра?

- На тІайла увккунав Псковский областрин. 1983 шинайнин Псковский областърай Травмотологический отделениялул хъунаману зий ивкІра. 1991 шинал Дагъусттаннайн зана ивкІун, Трамацентрданий зун ивкссия; 2009 шиная шинай ортопедиялул отделениялул хъунаману ура. 2018 шиная тинай – Центрданул ортопедиялул хъунаману.



Интернатура тІурча Первый Ленинградский институтрал базалий къуртал бувссия. Муния махъ на зий ивкІра Москавлив, Санкт-Петербурглив ва Украиннай. Ттун дуллунни 2007 шинал «Отличник здравоохранения» тІисса цІа, ва яла хъинма хирург тІисса цІа, мукунна «Дагъусттаннал лайкъ хъусса хІакин» тІисса цІа. ЦІанасса ппурттуву на зий ура ларайсса технологияртташал дархІусса операциярттаха: базурдал эндоскопированиелуха ва эндо-

протезированиелуха. Дагъусттаннай цалчин нари бувсса ортоскопический операцияртту. Амма бюджет биял кяхъанай буну, цусса технологияртту ишла дуллан бюхълай бакъару. Винма кIулсса кIулсса куццуй Дагъусттаннай коррупция гуж буну дур ттигу-шилагу. Инсантурал цIуллу-сагъшиврун ита-даркъсса арцугу мий коррупционертурал тили-хъили дуллай бур.

- Буси вилва кулпатрая...

- Ттул шарсса Губулова Зинаида Аьлиевна хIакин-педиатрди. Цалчинмур оьрчIансса поликлиникалий Гъанжилив зий бур. Хъунама арс таможенниктурал инспекторну ур. КIилчинма арс Центральный банкрай зий ур. Шамилчинма арс МахIачкъалаллал аэропортрай зий ур.

- Ина оьннасса чIун цукун гъан дара?

- Чансса дунугу дирирсса чIун гъан дара кулпатрашчал, оьрчIал оьрчIашчал. Ттулла даврийн дагъайсса литературагу ккалан икIара биривсса мутталий.

- Ци чара ина жулва маз бухлаглагаврийн. Ци зун аьркинссар му буруччиншиврул?

- Миллатрал маз ва культура дуруччиншиврул шаппа ниттил мазрай гъалгъа тIун аьркинссар, оьрчIахъ жулва тарих буслан аьркинссар, миннан хъама къабитаншиврул. БуттахъачIансса хIурматрайхIинни жулла дингу, аьдатругу, культурагу, мазгу яхъунтIисса.



Дагъусттаннал Гуманитарный институтрал муаьллим Тумалаев Давуд-хІажи Рустгамовичлушалсса ихтилат

Д.Р. Тумалаев

- Давуд-хІажи Рустгамович, ца хъис виятува бусарча ччива журнал-ланул буккултрахь.

- На увссара 17 июлланий 1974 шинал МахІачкълалив захІматкаш-нал кулпатраву. Ттул бутта Рустгам Тумалаев оьрмулухун шупирну зий уссия, пенсиялийн укканнийн. Нину Нурбика общепитрай зий бикІайва, пенсиялийн букканнин. Гай кІива-гу ШавкІратуссари. Гайннал ттун лахъхъин бувна захІматшивурттая нигъа къаусаван. Ттул буттал ппу Рамазан Лакрал районналул 2-ма секретарьну зий ивкІссар. Дяъвилул шиннардий га цал ЧІурттахь, яла шавкІрав колхозрал председательну зий ивкІссар, пенсиялийн укканнин. Ганал ниттиуссу машгьурсса революционер Юсуп Шавкринский ивкІссар, репрессиярдахун агъсса.



Мунияту къуллугърал лахъ хъун къаивтссар, «халкъуннал душманнал» гъанчу уну тІий. Жагъилний Рамазан Бакуй зий ивкІссар. Яла Владикавказрай Педучилище къуртал бувссар. ХІасибул-калам, га ивкІссар чІумух урвгун, дурккусса, чантІ увкусса, итххявхсса чув.

Ттул чІивимур ссу Зульфия зий буссия цІимилул ссуну Ветерантурал Госпиталланий МахІачкълалив. Ганил лас Ислам ветврачну зий ур. Гайннал бур школалий ккалаккисса кІия арс... Цалва нину-ппу давриву кунма, оьрчІругу дуккавриву хІарачат бусса бур.

- Вил оьрчІшиву бигъасса дияв, захІматсса дияв?

- ЗахІматсса дунугу. ТалихІ бусса дия. Ттун гъира бикІайва дуклан. На хъхъугу, къинигу библиотекалува укъаккайссияв. Ттул бутта лап цІакъсса, тІайласса коммунист икІайва. ХІарамсса хъус къатлувун духан ганал къаритайва. Жу яхъанай бивкІру дянивну. Амма 90 шиннардий чансса захІматшивурттахунгу багъунав, цаймий кунма. Цуксса жапанугу, нити-буттал жу ччаннай бацІан бувнав, личІисса мискиншиврухун багъан къабивтун.

- Ина школа чув къуртал бувсар? Тай чІунну дакІний дурив?

- Цалчинмий шанна шин Саха-Якутия республикалийсса Удачный тІисса шагърулийсса байбихъуллул школалий гъан дурссар 1980 шиная 1984 шинайнин. ДакІний бур оьрус мазрал учительница Людмила Григорьевна. Ганил ттувун оьруснал литературалухсса ва магъирлугхрахсса ччаву руртуна. Му ччаву ттуву ттигу уттаранна дур. 4 классравун МахІачкълаллал 52-мур школалийн лавгссара. 8 класс гикку къуртал бувссар марцІсса ххювардай. Муния махъ Финансовый техникумравун увхссара. 1992 шинал техникум къуртал бувну. Универсальный базалул бухгалтерну увхссара. 1994 шинайнин гикку зий



ивкIссара. На зузисса база машин лавсуна концерн «Адам-интернешналул.» Ттунгу гикку бухгалтерну зун багъуна. Яла зун увхссияв Дагъпотребсоюзрал бухгалтерну. 2000 шинайнин гикку глбухгалтерну зий ивкIра. Муния махъ – 2002 шинайнин Дагъусттаннал обувщикурал ассоциациялул «Элит-базис» тIсса фирмалул финансовый директорну зий ивкIра. Гава шинал февраль зуруй Духовный управлениялул хъунама бухгалтерну зун ивкIра 2009 шинайнин, микка агъра отдел просвещения ДУМД-лул хъунаману; 2012-2013 шиннардий Лакрал районналул имамну. 2013-2015 шиннардий зий ивкIра Дагъусттаннал муфтийнал хъиривчуну (шиккува учивияв, АхIмад-хIажи Накъшубанди ва Щазили тарикъатирттал шайхри куну, мунал хъунмасса хIурмат бур так Дагъусттаннай бакъа щалагу Аьрасатнаву); 2016 шинайнин цал деканнал хъиривчуну, яла проректор по развитиюну Дагъусттаннал Гуманитарный институтраву;

Д.Р. Тумалаев динналул уртакътуращал

2016-2019 шиннардий – Комитет по свободе совести, взаимодействию с религиозными организациямилул (Дагъкомрелигия) насихIагчину. Мунищала ахIал на заочнайну къуртал бувссия Институт бизнеса и международных отношенийлул экономический факультет. Мунигту ттул средне-специальноегу ва ларайсса экономическое образованиегу дуссар. 2004 штина 2009 шинайнин на ккалай ивкIра шейх МухIаммад-Аьриплул цIанийсса МахIачкъалаллал Исламрал Университетраву. 2014 шина 2018 шинайнин на ккалай ивкIра институт Теологиялуву. Къуртал бувкун, «Госконфессиональные отношениялул пишкакар» тIсса санятрал диплом ласав. 5 шинай вокзаланийсса мизитрал имамну зий ивкIра. 2018 шинал ДНЦ РАН-налул Отечественный историялул отделланул аспирантура къуртал бав. Гъашину кандидатская цIакъ дан аьркинссар.

Д.Р. Тумалаев ва философиялул элмурдал доктор М.И.Билалов

- **Вил кандидатскаялул тема ци дур?**

- «Дагъусттаннайн Щазалил тарикъат диресса куц» тIссари.

- **Ина мадара шину дурну дурр дуклай. Ци чара Совет заманнай**

КІулши ласаврил системалийн ва ттизаманнал Аьрасатнал кІулшит дулаврил кьядалийн?

- СССР-даний кІулши дулаву гужсса диркІссар. Амма га Аьрасатнаву тти-заманнай мукссара гужну жунна кьалякьинтІиссия. Муниятун ганива ххуймий кІанттурду личІи бувну, ябан аьркинссар. Та совет заманнал чІумалли дуккаврил кьядагу таницІун даркьусса диркІсса. Таний кунмасса социальный база бакьар. ЧІун даххана хьуну дур. Дуниялгу даххана хьуну дур. Та диркІссар совет зумунусса инсан тарбия айсса кІулши дулаврил кьйда. Цанасса западралмур дуккаврил модель дурр цамур. Гай дур пишакартал хІадур буллай.

- Ина армиялийн лавгссарав?

- Яру цІисса буну, кьаувцунав, гьаксса учара тІий, леххаву тІий уна. Армиялулли багьайкунсса адамина хьун айсса. Совет заманнай армия бивкІссар социальный институт, патриот, интернационалист тарбия увайсса. Гикку личІи-личІисса миллатирттал халкь цачІун хьуну, дусшиву, уссурвалшиву цІакь шайсса диркІссар.

- Ци чара ина коррупциялушалсса талатаврийн? Му ца жунна хасьсса диялдакьашивури кьай, ягу циньявнан аьмссарив?

- Шалагу дуниялул цІуцІавури. Дин дакьашивури, иман дакьашивури. Иман дуний, нач, адав, намус бикІайссар. Западрай либеральтурал идеология дур, инсаннал тархьаншиву дуручлачисса. Му система координатрайн бувну, тайнналмур иш кьулайну бур ялагу, жухва бурувгун. Цаппара западрал хІу-куматирттай тІурча му дурагу дакьар.

- Ци чара ина лакку маз бакьа хьанахьаврийн?

- Ярусаннал аьлимтурал таслим бунни, цалва маз мизитирттаву, мадрасарттаву марцІну яхьушиву. Жулва мазурдиву чІярусса аьрабизмарду яхьуну дур. Мий дуруччин дурр. Маз чара бакьа динналуцІун бахІин бур. Так му чІумалли жулва маз яхьунтІисса. Аьраб маз барачатсса идавссил мазри. ДинналучІан жува кІура баярча, мазгу яхьунтІиссар.

- Буси вилва кулпатрая...

- Ттул кулпат Надия ЧІуртгашатуссар. Ганил дурр ларайсса теологиялул



кѳулши, цувпагу Дагѳусттаннал Гуманитарный институтраву методистну зий бивкѳссар...Жул бур шанма ѳърчѳ: 9 классравусса Махѳаммад-Саид; 6 классравусса Аминат; 6 шинавусса Ххадижат садикравун лагайссар. Жу Новолакрай ялапар хъанай буру.

- Барчаллагъ вин хъунмасса, Давуд-хѳажи, Аллагънал ина дуллали-мунихун ка бакъиннав!

ММА-лул чемпион Абдулкерим Махѳаммадович Айгуновлуцалсса ихтилат

- Абдулкерим Махѳаммадович, «Щубарз» журналланул буккултрахъ ца хъис вилва ѳърмулия бусарча ччива.

- На увссара 1984 шинал 12 сентябрьданий Тамазатѳубелив Бабаюртуллал районналий шяраваллил интеллегенциялул кулпатраву. Ттул ппу, аьпабан цал, Махѳаммад Ризауттинович Айгунов, цува Карашатусса унугу, Кѳамахъаллал къутанналийсса Дянивмур даражалул школалий биологиялул



ва химиялул учительну зий икѳайва. Га хъинну цалла даврихун машхул хъусса, инсан хъинбала бан ххявххун нанисса чув икѳайва. Давриву дурсса хъхъичѳуннайшивурттахлу ганан дуллауна «Дагѳусттаннал образованиелул лайкъ хъусса зузала» тѳисса цѳа. Цувагу ацѳрахъул шиннардий школалул директорну зий икѳайва. Нину Патѳимат хѳакъинусса къинигу лакку мазрал дарс дихълай школалийва зий бур.Га Кѳамахъалиясса бия.

- Вил нину-ппу ттул учительталли. Махѳаммад Ризауттиновичлул кунна дакѳиний личѳанну химиялул дарс дишайсса учитель ттун цамма къакѳулли ттигу-шилагу.Мунияту жун ганал дарс хъинну ххирая. Патѳиматлул дирхъусса ниттил мазрал дарсеру тѳурча хѳакъинугу чичу-буккуллул давриву аьркин хъанай дур. Гай эбратрансса кулпат бия...

- Ниттингу «Дагѳусттаннал образованиелул лайкъ хъусса учитель» тѳисса цѳа дуллуссар.Ттул нину-ппу хъинну аякъа дусса бия. Бутта на гъарзатрал цаллу ан хѳарачат буллалисса ия. Мунияту ттул ѳърчѳшиву ххарисса дия. Нагу хѳарачат бувара гайннаха лавхъхъусса хъун, ттулва кулпат буруччин, ганиха аякъалий икѳан. На кулпатрал хъусса ура. Ттул арс ва душ буссар.

- Ина школа чув къуртал бувсар?

- 2001 шинал Карашрал Дянивмур даражалул школа къуртал бувсар? Ттун цинярда дарсеру ххирая. Амма яла ххирамур – физкультуралул дарс диклайва.

- Вил ларайсса клулши дусса дакъарив?

- 2002 шиная - 2006 шинайнин Дагъусттаннал Педуниверситетрал экономический факультетраву дуклай ивкссара. Мунияту экономистнал диплом лавъссар. Муния махъ 2015 шинал гава ДГПУ-рал магистрал «Педагогическое образованиелул» диплом ласав. Дуклакиссаксса хIаллай на клул хъуссияв личИи-личИсса элмулул профессортурашал: миннавух – экономикалул элмурдал доктор Шагъимардан Мудуевлушал, литературалул элмурдал доктор – Забит Насирович Акавовлушал ва цайминнашал. Ттун минная бялсса задру лавхъхунни. Даин миннан барчаллагърай икIаварда.

- Ина армия лавхъсарив?

- 2006 шинал Военный комиссариатрал на армиялий увцунав. Бурж лавхъун махъ, военный билетгу буллуна. Армиялий на спортроталий къуллугъ буллай уссияв. Жагъилтурахъ чин ччай ура: «Насияра армиялийн. Муниллу зу хIакъсса арамтал бувантIисса», - куну.

- Ина спортрахун цукун, та агъра?

- Школалий дуклайнива ттун ххирая лачIун уклан, закканттай уклан. Яла Педуниверситетравугу, армиялийгу спортрахун машхул хъунав. На личИи-личИсса спортакиадарттай, олимпиадарттай гьуртту хъанан ивкIессияв. Яла махъ нава тренершиву дуллангу айивхъуссия. Масала, 2009 шинал командалушал лавгссияв Румыниянавун, Бухарестлив рукопашный бойрттаву гьуртту хъун; 2011 шинал рукопашный бойрал чемпионатрай хъуссия Бакуй; 2012 шинал Эстоннаву Таллиннай смешанный боевой искусствордаву (ММА) гьуртту хъуссия; мура шинал мува ММА-лул соревнованиярттай Франциянаву Парижливгу хъуссия; 2013 шинал – ММА-лул соревнованиярттай Италиянаву



Ливорнолий; 2014 шинал Аьрасатнаву Медынной хьусса универсальный бойрал чемпионатраву гьуртту хьуссия; 2014 шинал хьусса Евразиянал рукопашный бойрал чемпионатрай Бакуй; 2015 шинал Кубок Миралий смешанные боевые искусствалул (ММА). Вай циняв соревнованияртгай чемпионшиврул ца ларьссар на.

- Ина ци давуртгай зий ивкIссара?

- 2013-2015 шиннардий тренерну зий ивкIссара ВБЕ МБДО-лул «Детско-юношеская спортивная шкорла боевых искусств.»; 2015 шиная тинай – замдиректора МахIачкьалаллал Межрайонный отдел рыбоохраналул; 2017-2018 шиннардий замдиректора воспитательный даврил МБОУ «Средняя общеобразовательная школа № 57.» ЦIанасса ппурттуву зий ура администрация ГО «город Южносухокумскрал» хьунаманал хьиривчуну.

- Вил даврий хьусса хьхьичIуннайшивурттахлусса бахшишругу дусарив?

- Ттун буллуна Благодарственные письма Дагьустаннал Правительстволул председательная; Дагьустаннал муфтинал чулуха; личИи-личИисса министерствардая;

Дагьустаннал спортрал ва Аьрасатнал спортрал министерствордая; мукума Ростоврал областьрал УФСИН-нал хьунаманая.

- Барчаллагь хьунмасса, Абдулкерим МахIаммадович, жучIан редакциялийн учIан чIун ляркьуну тIий. Жу чIа тIий буру вин гихунмайгу спортраву ва оьрмулуву хьхьичIуннайшивуртту!



Хусайнов ХАжи-бутта Махаммадовичлушалса ихтилат

- ХАжи-бутта Махаммадович, буси вилва оърмулия ца хъис «Цу-барз» журналланул буккултрахъ.



- На увссара 1943 шинал 1 майрал кьини ГьунчукьатІрал шяраву Лакрал районналий Дагъустаннай. Ттул ппу Махаммад ХАжи-буттаевич Лакрал районналул райкомземрал зоотехникну зий икІайссия. 1944 шинал, лак Банайлив бизан бувний, ветеренар хІисаврай гилун тІайла увккун ивкІун, гийх кІану къабавкъуну, инжит хьуну, 1945 шинал ивкІуссар, гийхва угу-увчуссар, аьпа бан цал. Га буслан икІайва цала буттая Хусайнов ХАжимамамадая, ганал бакІрачІан бувкІцириннуя. Амма ганая на вихъ цамур чІумал бусанна... Суратрай кияха цалчинма ттул ттатта Хусайнов ХАжимамамадари.

Муния махъ нину щар хьуну, ялагу ххюва оърчІ бувссар. Гай циняв цалва-цалва кулпатирттал хьуну бур: гайнная ххуйсса санятчитал, эбратрансса инсантал хьунни. Хьунмур ссу Штанчаева Роза ХАжиабдиевнал ДГУ къуртал бувссар. Пенсиялийн букканнийн га 1-мур Хлебозаводрай технологну зий буссия. Ганил ххюя ххаллисса арс тарбия увссар. Гай утти циняв цивпагу кулпатирттал хьуну бур. Ганил арснал арс Амирдул щалвагу Аьрасатнавусса конкурсрай ментальный хІисаврттал бьест-ччалливу 2-мур кІану бувгьуссар, гаймигу ччарча дуккавриву, ччарчагу шахматирттай буккавриву хъхьичІунсса кІанттурду бугълайлма бур. Мюрщимий ссурвал ва уссу ссил арсначІа «Рамас» тІисса фирмаллий зий бур. Гайннал давуртту ва ишру хьинну най бур.

- Ина школа чув къуртал бувссар?

- На къуртал бувссар ГьунчукьатІрал Дянивмур даражалул школа. Лаваймий классирттаву ккалаккиний, зий ивкІссара машгьурсса мичуринец-багъманчи Хинчалов Гъази Махаммадовичлул каялувшиннаралу производственный бригадалул бригадирну.

- Ци тагъар дия та чІумал шяраву?

- Дяьви хьуннинма шяраву гидростанция, гъарахъалу, радиоузел, хІаммам, кІара-къатта (пекарня), 400 инсаннансса клуб ва избачитальня бивкІун бия. Бюхъай мунияту бикІан жул халкъ дуккавриву итххьвхсса. 1000 бакІ бакъасса шярава бувккун бур кІия социалист захІматрал виричув: Хинча-

лов Гъази ва Джанаев Юрий. Дагъусттаннай увагу кӀия лауреат Ленинской премии бивкӀссар. Миннава цалчинмагу жул Амаев Амир Джабраилович ивкӀссар (СССР-данул атомный щит дурминнавасса ца). Мукуна кӀицӀ лаган аьркинни Дандамаев МахӀаммад Абдулкадирович – машгьурсса востоковед ва Инженерный Академиялул академик Мамаев Загьиди Мамаевич. Жул шярава бувкссар ацӀахъул элмулул доктортал, ттуршахъул кандидатътал ва личӀи-личӀисса саняткартал.



- Ци дакӀний ливчӀри вилла оьрчӀшиврия?

- ДакӀний бур комсомолланувун нава къамул уллай ивкӀсса куц. Та чӀумал му тирхханну дия. Школалул организациялий къамул увну махъ, райком комсомолланул бюрорай цӀакъ бувайва, яла билет булайва. Таний автобусругу къабикӀайвача, хъама къадитай нава кӀюрххила ивзун, ахътта Гъумукун бюрорайн лавсса чӀун. Бюро бачин бувну ия Кантаев – комсомолланул хъунама. Ганал тгухъхъун суаллу буллуна. На жавабру дуллуссия. Кантаевлул на къамул увшивугу баян бувну, ттун билет булун най ияча, микку ца бюрорал членнал куна: «Жуцава му къамул ан къабюхъайссар. Мунан 14 шин хъуну дакъар.»

Ттул дакӀ гьаргъуна. На муксса гьирарай уссиявхха...Кантаевлул ттул хӀалкъазия бувчӀуна. Ганал увкуна: «Машарача, цивхъуссар туну? Ва марцӀну ххювардай дуклай ур, шайсса хӀарачат буллай, колхозрал давурттай зий ур, школалул организациягу къамул ара тӀий дур. Билет цалсса на тгучӀава битанна. 1 майрай ГъунчӀукъатӀрал школалийн гъанна, гай барча бан байранналушал. Му чӀумал ХӀусайновлул билетгу булунна.»

Мукун ххаллилсса чув ия Шахъуйннал Кантаев. Га миллатрал язимий арсавраясса ца ия. ХӀайп, Гъумучату Шахъуйн най уна, нех дурккун, чащал ахӀал лавсун лавгун, ххассал ан къавхъуну, оьвкъуну лавгссар, аьпа бан цал. Та чӀумал Шахъуйннал ламу къабивкӀссар.

Жул учитель Дандамаев С.-лул га агьсса кӀанай чару бацӀан бувссар, цийгу чивчуну: «Ина цӀаран лавхъун икӀайвав. Гъалаксса неххал лещан увунна.» ЦӀана, ххуллу ремонт бувну махъ, га чару лап лашинну бур...

- Школа къуртал бувну махъ ина ци зун ивкӀра? Вил ларайсса кӀулши дуссарив? Буси тай шиннардия.

- На увхссияв Маскавлисса Водный хозяйстволул институтравун, цаймигу шарнил оьрчӀру куна. Гивун буххаврил мяьнагу укунсса дия:

институтраву дарс дихълай ия жул шяравасса доктор технических наук, профессор Чавтараев АхИмад Ибрагъимович. Га жагъилнийва партиялувун увххун ия, активист ия, хушрай фронтрайн лавгун ия цащалва аспирантуралуву ккалай ивкIсса Ковалевлушал. Цал ганан хIисав хъуну бия, атака къуртал хъуну махъ, Ковалев зана къавхъусса.

Га щичал уссия, ци уври тIий, цIухху-бусу буллан ивкIун ур. Ганахъ бувсун бур, Ковалев шаву дирну, фронтрал линиялул тийх ливчIшиву. АхI-мадлушал ганал хъирив нан цучIав къаувккун ур. Цибанссия, цувалу лавгун ур. Шаву дирсса Ковалевгу ххюрхху увну, багъIатIал хъуну, махъунай зана ивкIун ур. Дяъви къуртал хъукун, Ковалевлуя Водный институтрал ректор хъуну ур. Муния махъ ганая элмийсса гидротехникалул ва мелиорациялул институтрал директор хъуну ур. Ганал так ца Чавтараевлун бакъа, циняв дагъусттанлувтуран кумаг-ка байсса бивкIун бур.

На отличнайну ккалай уссия. Ттуя группалул комсорг увна. Ттул шакил ХIурматрал улттуйгу лархъуна. Студенческий къюкълушал на лавгссара Къазахисттаннал целина гъаз дуллан.

Инститраву уна, на лачIун уклангу занай ивкIра. Ттуя хъуна кандидат в мастера спорта. Амма арцу диял къахъанай дуну, хъхъувайсса сменалий автопаркравун зун увхссияв гъалмахтурашал. Автобусру, шинарду пIякъ куну, бучIайва, жу, студентьтурал, ливккун гай, вулканизация дурну, махъунмай бишайссия. Мукун шанна шиная дяхтга дуклай, хъхъувай зий ивкIра. На лавъссия ятIул диплом, прудово-рыбоводное хозяйство дайсса куц чивчуну.

- Буси инава чув зун айивхъуссарав, вилва захIматрал ххуллуя...

- Жагъилсса саняткар хIисаврай, на тIайла увккунав Дагъусттаннай машинно-мелиоративный станциялул мастерну. Территориальный управлениялул биялсса объектру бия: консервный, коптильный, жиромучной комбинатру, заводру, рыбный порт, рыбопромышленный, транспортный пароходру 50-ния ливчусса, автопарк, цалва техникум, институт, учебный комбинатру, строительный организацияртту, прудово-рыбный хозяйстворду, азархана ва м.ц. Республикалул ВВП-лул 25 процент рыбный промышленностьрал булайсса бия. Мий гъарзадрай каялувшиву дуллайгу ия гъунар бусса организатор Сиражуттинов Оьмар Анасланович. Дагъусттаннай прудовый хозяйстворду гъарза шаву, жучIава белый амур, толстолобик тIисса балугъру бушаву – му ганал гъунарди. Нагу пахрулий икIаварда ганал на



цалва яла хьинма дусну ва ученикнун калли увайсса ивкун тий. 29 шин кьархусса жагьилнан, ттун ганал кива кьатта бусса квартира булла, на прудово-рыбный хозяйствордалсса байсса дирекциялул хьунаману ивтунав.

- Ина микку ивтесса чумалци иш-тагьар дия отрасльданий? Ина увкункун, ци дахханашиву хьуна?

- Сиражуттинов даврия лавгукун, гьарзад лирну дарчуна. «Дагрыбпром» ва хьунмур идара «Каспрыба», флотралсса булла, хьхьирива чавахьру бугьлай, кьувилул хаврдаха дурагу кьулагьас кьадуллан бивкун. РСФСР-данул Правительстволул хукмулийн бувну 1982 шинал кьувилул чавахьртгал хозяйство ва

Каспрыбалул 4 идара Минрыбхоз РСФСР-данун булла, миннун канайгу объединение «Дагросрыбпром» хасул бувну, мунил генеральный директорнугу на ивтунав. Та чумал на ивкун яла жагьилма директорну шалла министерстволий. Ттулва хьуниминашалгу лап ххуйсса хала-гьурттушин дуссия. Хьуниминная ттун кумаг бия. Масала, 400 тн балугьрал лагайсса импортный холодильник министирнал ттул объединениелул булла. Му таний хьунмасса ишья. Жу га Крайновский рыбокомбинатрай бивхуссия. Га жун чара бакьа аьркинну буссия ва хьинну бучи льякьуна. Ганил жул экономический хасиллу ларай дурна. Учун мукьун, га холодильник хакьинусса кьинигу зийна буссар.

Обкомрай жу курьировать байва Абдулбасиров Махаммад-Пагьир Меджидовичлул. Га Обкомрал секретарь ия, хьинну зат кулсса, гьарца иширал хьирив лалалисса чув иклайва. Мукуна жуха аякьа дуллан иклайва Обкомрал отдел пищевой ва рыбной промышленностилул хьунамана – Аьлиев Жамалуттин Рамазанович. Ца му кьагьаяв: ганал харачатрайнуя бувксса ЦК КПСС-рал, Совет министров СССР-данул ва Совет министров РСФСР-данул чачусса хукму: «О развитии объединения «Дагросрыбпром» (Дагросрыбпромрал лябукку хьун баву) тисса. Му хукмулул хьунмасса кумаг буссар Дагьусттаннай рыбоводство хьхьичуннай хьун дан. Хьуннасса халлихшиву иклайва жун Правительстволул председатель Мирзабеков Абдуразаць Мардановичлул чулухатугу. Нагу шайсса харачат булла ивкун, гай инсантурал ттунна дурсса вихшалдарала кьауккан. Хла-



рачатран – барачатгу! Жул технико-экономический показателлу (хІасиллу) гъаз хьуна, жун цал Министерство Рыбного хозяйства РСФСР-данул, яла СССР-данул Занази ятІул ттугъ буллауна. СССР лекъан хьхьичІ лавъсса ттугъ на цІанугу реликвия (ядигар) кунма ябуллау ура.

- Ина цІусса технологияртту ишла дувайссияв?

- Гъай-гъай, цалчин хІукуматрай жул объединениялийри хІасул дурсса ккурккисса шинай къувилул балугъ чІяву байсса куц (технология непрерывного круглогодичного выращивания прудовой рыбы). Муния «Известия» газетрай чивчуна. Му газет бувкुकун, ЦК КПСС-рал секретарь Лигачевлул резолюция дирхьуну дия: «Для повсеместного внедрения.»(- Гъар кІанай ишла дан). Ттуйн ЦК –лийн оьвкуна. Жул опыт лаласаврин бувсса семинар-совещание Широкольский рыбкомбинатрай дурна. Жува ляркъусса арцух жу бувссия 40 квартирный къатта. Циняв зузалтран къатри буллуссия. Мукунна санаторно-курортный путевкарду дулайссия, отпускирттай бигъалаган гъаваншиврул.

- Ина оьннасса чІун, яни отпуск цукун гъан дувайссия?

- ТІайламур бусан, на отпускрай игъалаган къалагайссияв. Цанчирча, на тачІав къалиян къачайссия, ххишаласса хІан къахІачІайссия, даин физкультура дувайссия, марцІсса гъавалийн уккайссия. ТІайлассар, на 4 отпускрай лавгссара. Мугу жулва туристический делегациярдал хьунаману гъан ялув бувхІуна, на пищевой ва рыбный промышленностьрал профсоюзрал Обкомрал член ухьукун. ХІасибул-калам, на ивссара Италиянавун, Югославиянавун, Венгриянавун ва Чехославиянавун.

Утти тІурча ттул чІун ца хьис ххишала дурча, на му мюнпатранну гъан дара. Ттун хьинну ххирар буттал шярвалу. 1998 шиная 2010 шинайнин на «Возрождение Унчукатля» тІисса жяматийсса идаралул хьунаману уссияв. 2018 шиная шинай мура даврийн кІура авссара.

ЦІана жу буллау буру «Аллея Славы», Хъунмасса Буттал кІанттул цІанийсса дяъвилия зана къавхьунал аьпалун. ГъунчІукъатІату мий 288 ивкІссар. Гъумукунсса ххуллия шяравун бияннийн мурхьру бугъарду. Гъарца мурхьрирай дуссар баннер, га щил аьпалун бувгъуссарив. Гайннул къаралчигу ивтуну уссар.



- Ялагу ци бусан хьунссар вилла бакIрачIан бувкIмуния?

- СССР леркьун махь, жул объединениегу ливуна. На тIурча Москвавив Аьрасатнал Правительстволул Академия народного хозяйстволулу дуклан гьан увнав. 1992 шинал на га кьуртал бувссия. Ттун дуллун лараймур квалификациялул менеджернал санят. Гьанжилев зана хьукун, на машхул хьуссияв цIусса экономический структурарду хIасул даврихун. Мукун жу сакин дурссия РФ-лул Антимонопольный комитетрал территориальный управление. Му идаралий 1992-1996 шиннардий зий уссияв. Амма, Мирзабековлул тавакьюрайн бувну, махьунай рыбный промышленностьрайн кIура авссияв. На хIасул дурссия Федеральное государственное учреждение – Государственная администрация Махачкалинского морского рыбного порта ва мунил хьунаману уссия 2007 шинал пенсиялийн укканнийн. 2001 шинал ттун Правительстволул председатель В.В.Путиннуя Барчаллагьрал чагьар бувкIуна. ХIакьинусса кьинигу, пенсиялий унагу, ООО «Порт-Петровскрал» генеральный директорнал маслихIатчину зий ура.

- Ца-кIива махь вилва кулпатраягу учирча ччива...

- Ттул шарсса ХIусейнова (Аьлиева) Саида-ханум Аьлиевна шагьрулул 1-мур азарханалий хIакинну бур. Ганил Мединститут кьуртал бувссар. Коллективраву ганил хIурмат лавайсса бур, къашайшалтрангу хьиннува ххирар. На кунма, пенсиялийн бувккун бунагу, зийнари бусса. Жул бур арс ХIажи-МахIаммад ва душ Мариян, арсенал ххюя арс ва душнил кIива душ. Марияннул Маскавуллал Медицинский академия кьуртал бувссар, мукунма Московский Авиационный институт кьуртал бувну, инженер-экономистнал санят лархьхьуссар ва му санятрай зий бивкIссар. Ганил лас РЖД-лул азарханалул отделениялул хьунаману зий ур...

Арсенал ХIусайнов ХIажи-МахIаммадлул ДГУ кьуртал бувссар ва аспирантуралувун увхссар. Дуклай уна, производственный практикалий ивкIссар нормировщикну, экономистну, «Госадминистрация Махачкалинского морского рыбного порталул» хьунама инженерну. Ца шинава перевод ларсьссар Москавуллал Мировой экономикалул ва международный отношениярттал РАН-нул институтравун. Микку кандидат экономических наук хьуссар. Ученый советрал докторантуралуву ацIу тIурчагу, га РФ-лул Минфинналийн зун увхссар. Яла чIиримур даврия айивхьуну, цалва хIарачатрайну, за кIулшиврийну Департаментрал директор хьуссар! 2018 шинал В.А.Васильевлул тавакьюрайн бувну, Маскавлив таксса ххуйсса кIанугу къабивгун, тийхнияр чIивисса харжирай зун, Дагьусттаннайн увкIссар. Ганал дур личIи-личIисса бахшишру, ларсьсса цIарду ва грамотартту, масала: «Татарстаннал лайкь хьусса экономист», «РФ-лал ХIурмат бусса зузала», А.Кудриннуя ва А.Селуановлуясса барчаллагьрал чагьарду, орденналул медаль «За заслуги перед Отечеством 2-мур степени». 2019 шинал В.В.Путиннул дуллунни орденналул медаль «За заслуги перед Отечеством 1 степени», цувагу зий ур Дагьусттаннал Правительстволул председательнал цалчинма заместительну.

Ганал шарссанил ХIусайнова Рашидат Камаловнал кьуртал бувссар 1-мур Маскавуллал Медициналул университет. Гай ххюя арс тарбия буллай бур.

Драматургия

Ссугъури УВАЙСОВ

АЛЛО! ИНА ЦУ БУРА?

(Интермедия)

(Мобильный телефондалул зяр учай.)

– Алло! На вих вичИлий бура. (Жаваб дуллай бакъар.) Алло! Цума ура?

(Цаппара хІаллава та чулуха чІу шай.)

– Алло!

– Да. На вичИлий бура.

– Ина цура? (Рязи бакъасса чІуний цІуххай.)

– На? На цу бунугу вин цибанна? Инава буси цурав!

– На цузив вин чарабакъа кІулну бикІан аьркинссарив?

– АьркиннутІийри на вихъ цІухлахисса.

– Муксса аьркинну бухъурча, бусанна – ттуйн Вера учайссар.

– Цукунсса ци Верара ина?

– Цукунссарив вин чарабакъа кІулну бикІан аьркинссарив?

– АьркиннутІийра на вихъ цІухлахисса.

– Вин муксса аьркинну бухъурча, бусанна – ттуйн Вера Петровна учайссар.

– Вера Петровна?

– Да. Вера Петровна.

– Ил, Петровнахъал Верай!

– На вих вичИлий бура. Вин ци аьркинни?

– Ци къааьркиннича, цу аьркинни.

– Цу аьркинни?

– Лас.

– Щил лас?

– Ттул лас!

– Ина цура?

– На мунал щарссара.

– Пикри мабара – ва цІана ттучІа ур.

– Цукун вичІа?

– Цукун унугу ттучІа ур.

– Мунал телефонгу вичІа дурив?

– ТтучІа дур.


– Ттул ласнал телефон вичІа ци дуллалиссар, ил укунсса, тукунсса Верай?!

- Ишла дан дула куссия, ил, инара укунсса, тукунсса! КъабучИссарив?
- КъабучИссар!
- Циван?.. (Пауза.) Ина инара цура?
- На? Му вихьсса трубкалул залуннал шарссара.
- Къавихра.
- Вихнугу, къавихнугу, на мунал кИилчинсса шарссара.
- КИилчинсса?
- КИилчинсса, законналийсса, заксгу дурну дурцусса, хІалалсса.
- Къавихра.
- Ина вих дан бусаннача – мунацІа ттул шамма оърчІ буссар.
- Цими?
- Шамма, цава, кІива куну. КъюкІ хьуну дурав? (ЧІу гъаз бай.)
- Бакъарача, инсан кунма гъалгъа тІутІу!
- Вил вила оърчІ буссарив?
- Буссар. ОърчІ бакъарча, оърчІру.
- ОърчІру? Цими?
- БикІангума къува.
- Цими-и-и?
- КъюкІ хьуну дурав? Къува, цава, кІива куну.
- ШцицІа бав микссава оърчІру ина?
- ЛичИи-личИисса арамтурацІа.
- Цукун?
- Утти цукун бувссаривгу буславав? Му ина кунма.
- Яр, та бав ина микссава оърчІру?
- ЛичИи-личИисса шиннардий.
- Вин винна цими шинни?
- Къуния мййра.
- Му оърмулуну миксса оърчІру цукун бав?
- ХІарачат бувну.
- МахІатгалла. Миксса оърчІал вил бакІ цІуцІи къабайрив?
- КІюрххия къунниялайнин вай тарбия буллай, бакІ цІун бикІай.
- Зун къалагарав?
- Къинибархан вай тарбия буллай, зий буссара.
- Яла?
- Яла вай шаппа-шаппайн бувцуну лагай.
- Шцил?
- Нитти-буттал.
- Ил, укунсса-тукунсса Верай, ина ттул бакІ авлия мабулларда!
- Ил, инара укунсса-тукунсса шарссай, паракъат хьу, укунмагу оърчІал бакІ цІуцІи бувну бурача!
- На ттула ласнал телефондалул номерданий оьвтІий бура.
- Нагу вих вичІилий бура.
- Ттул лас чув ур?
- ТтучІа ур.

- Ттул вихъ хъунмасса тавакьюври – була трубка му учІиакъухъхъун.
- Ва учІиакъу акъар – ххуйсса инсан ур.
- Вин ухъунссар ххуйсса, ттун му хІарамзадашиву дуллай чІалай ур.
- Ва цала оърчІ уцин садикІравун увкІуну ур. Ина ванахъ ци тІис-сара?
- Учин лайкъмур на учиннача, була мунахъхъун трубка.
- Ма! (Трубка булай ганил ласнахъхъун.)
- Алло! На вих вичІилий ура.
- Да учІиакъуй! Да шярал ккаччий, ина чув ура?
- Чув икІава – къатлуву ура. ВерачІа.
- ЩичІа?
- ВерачІа.
- Да, нач-хІаялува увккума, му цу Верар?
- Жула оърчІал воспитательница Вера Петровнар.
- ОърчІ чув ур?
- Шикку, ттушала ур.
- Ина, туну, оърчІгу чІарав унуварав къавкъиншиву дуллалисса?
- Къавкъиншиву дуллай акъара.
- Туну ци дуллай ура?
- ОърчІ садикІрава шавай уцин увкІун ура.
- Анаварну шавай ачу, шаппа баннача на вищал ихтилат!
- Левчуна учІанна, левчуна! (Зрительтурахъ.) Къурталли утти ттул масала. Зу барултру – ттуй тахсир бакъассар! (Сценалия лагай.)



Критика ва библиография



Абдуссалам
МАГЪДИЕВ

ККУРККУЛЛАЛ ШАЗА

Ккурккуллал Шаза шаэрну, балайчину итталун багъну бур 40-кусса шиннардия шихунмай, цуппа бивкӀуну махъ. Халкъуннал зумувн багъну бур 60-кусса шиннардия шихунмай, ваниясса статьяруду кказит-журналлай итабавкълан бивкӀун махъ.

Шазал балайрду бур цила оърмулия. Оърму бивкӀун бур кьурчӀишивуртту чӀярусса. Вания чичлачиминнал Шазал щала оърму бихълай бур балайрдаву. Шазал биографиялуву, оърмулул ххуллуву чӀявусса лахӀзарду, пантру дур балайрдаву кӀицӀ къаларгсса. Вания чивчумунивугу кӀицӀ бан аьркинмур къабувну бур, буммур къатӀайлассагу бур. Ххишалдаран, цаятува ххи бувну, Шаза цила оърмулул ххуттава буккан буллай бур.

Укунсса гъанулува буквавил Шазал сурат щаллуну цахара лархъьуну чирчуну дакъар вания художественный сипат хьуну дур.

Шаза бур лакгу, Дагъусттангу мукӀрусса шяир ва балайчи. Ва бур цайминнаха къалавхъьусса, цила творчествалул гъанулуву цила оърму бивхъусса шяир. Ва бивкӀсса куццуй аьч бувну бацӀан бан аьркинссар халкъуннал хъьичӀ.

Шаза бувну бур Ккуркклив Магъилавхъал кулпатраву. Буттан цӀа диркӀун дур МахӀаммада, ниттин – Аьйша.

МахӀаммада заллусса диркӀун дур ларсмур маэшатран диял къахъанахъ-исса хьу. Кулпат бусса къушлий оьл бакъагу бакъахъунссия. Цала цивппа лакъиншиврул МахӀаммада уссал усттаршивугу дуллай ивкӀун ур.

МахӀаммадал бивкӀун бур кӀива душ. Шазал чӀивимур ссийл цӀа диркӀун дур ПатӀимат. Шяраву ва кӀулну бур Чивидуш тӀий. Укунсса цӀа циван ларчӀссарив къакӀулли. Цила чӀумал цӀувххуну бакъар. Чивидушгу Шаза кунма ккаккан ххуйсса бивкӀссар тӀий бикӀай ккурккул. Ваних эшкъи хьуну ивкӀсса шяир МахӀмудил ваниха бувсса чӀявусса шаммарду бур. Кув журналлай, кув халкъуннаву. Буслай бикӀай ттигу, ЧивидушнихъачӀату най ккурчӀайн увксса МахӀмудихъ ЯхӀиял цӀувххуну бур кьунну шаппайн ниц кӀура къабаюнни, Бюрундулавагу бакъаяв куну. МахӀмуди ия тӀар ЯхӀияхъ: «ЧивидушнихъачӀату нанисса ттун кӀичӀираву вил ницал ялтту гьарчагу ххал шайххурав», – тӀий.

Хаснува Ккурккуллан кӀулну бикӀан аьркинссар тӀиссара цӀувххунахъ бу-

сан ванил биография, кЮласса, цанния цаннийн ччех бикІлай буклай бивкІсса оърмуллул жегъир ххуллурду.

Щаза бувсса шин билжилину кІулну бакъар ккурккуллан. Ванил заманнай шярваллил халкъуннахъхъун паспортру къабулайсса бивкІун бур. Бувсса, бивкІусса шин чичайсса диркІун дур мизитраву. Ккурккуллал мизитраву укунсса чичру дайсса диркІссар тІий къабаюнни.

Мяйжанссар, Халил Халилов ур Щаза 1880 шинал бувну бур тІий. МахІаммад-Загъид Аминов ур Щаза 1878 ш. бувссар тІий. Сулайман АхІмадовгу ур укуна тІий. ЦанначІавагу цала чивчумур тасттикъ буллалисса хІучча бакъар.

* * *

Щазал арснал душнил Наидалгу, И.В. Тараниналгу Щазая чивчумур бавтІун, «Щаза из Куркли» («Ккурккуллал Щаза») тІисса хъун бакъасса лу итабавкъуну бур 2018 ш. Москвалив.

Наида чичлай бур Щаза 1868 шинал бувссар тІий. Ва шин тасттикъ дуллай бур Щазал паспортрал. Наида цуппагу бур кІицІ буллай, паспортрай бувсса барз, число чирчуну дакъар. Ванил буслай бур Щазал паспорт Москвалив прописка даншиврул лавсун бушиву увкусса шингу чирчуну.

Щаза бувсса шин кІул хъун на цІувххуссия ганил гъанминнахъ, га кІулминнахъ. Щазаяту цІухху-рихху буллалисса кІанттай, ялувн бувкІсса Написатлул (СалихІлул кулпатрал) увкунни цил нину дикІай цурдагу, Щазагу ца хъхъуну бувсару тІий куну. Гъанжилийн нани ххуллий Атлан-аулданий лавгра Написатлул ниттичІан АьйшатлулчІан. Пушнахъал Аьйшат учайва ванийн. На Щурагъ дуклакисса шинал (1947) Аьйшат гикку ялапар хъанай бикІайва. Жу ккурккул хІисаврай цаннан ца кІулессияв. Аьйшат ласнащал, оърчІащал гания махъ ттисса Атлан-аулданийн бивзун бур. Аьйшатлул тасттикъ бунни Щаза ва цуппа 1880 ш. ца хъхъуну бувсару куну. На паспорт бакъарив кувкун, Ккуркклия Щурагъун бивзсса чІумал лавсъссия куну, къатлувату лавсун дуркІун паспорт буллунни ттухъхъун. Ваний мяйжаннугу бия Аьйшат 1880 шинал бувссар тІий.

Ккуркклиясса Сагъиратлул увкунни ттухъ Магъилавхъал ва цал къатри цачІу бия. Нагу Щазагу дустал бияв, мудан цанничІа ца бикІайссияв, щинанвн, бялахъан, хъатІух буруглан архІал лагайссияв, бякъин къабивтун жунма ккавкмур, бавмур левчуну бувкІун, цаннил цаннихъ бусайссия. Щаза ттуяр кІира шинал чІивисса бия, амма кЮла-лахъисса, къаркъаллул ттуяр лахъсса бия, куну.

Сагъиратлул чІалазуруй чивчуну бур бувссар 1878 ш., бивкІуссар 1967 ш. тІий.

Шиккугу учин бюхълай бур Щаза 1880-кусса шинал бувну бур куну.

Щазал чІивиния шихунмайсса оърму Кумиящал бавхІуну лавгун бур. Кумав бивкІун бур чІумуха лавхъхъуну хъинну авадансса Абакархъал тухундалул агълу. Щазал заманнай Абакархъал бакІ дургъуну ивкІун ур Абакар. Кумиял ттигу учай ва полковник ивкІссар куну.

Абакар цува ялапар хъанакъисса къатта бур кІира зивулийсса, кІива чулийнмай бувсса, дянив хъуннасса, вирххуччал даркъусса хъю дусса, хъювун кІива чайсса ппайтІун духлай диркІсса цІувцІу чарил къапу бусса. Абакардул къини, вилах ккаккан дуллай бур къапулул хъхъичІсса Абакархъал цанмасса ккурчІаллил щябикІан лагма бивхъусса ца, цава дачІи тонна дусса буркІунттал.

Ккурккул ва Куми куннан кув чАлалчИсса чАххул бур. КИвайнналагу дянив чЯвусса ташурду, хьуннасса хАлал-гьурттушиву хьуну дур. КИвайннанвагу кИулну бивкИун бур цуми цукунсса, ци даражалул бивкИссарив. Магьилавхьулгу кИулну бухьунссия, Абакардул Аьйшахь увкуну бур цачИанма заназу кьатта лакьин, хьювух цИуши буккан куну. Лаглан бивкИун бур. Абакар Аьйшая рязину ивкИун ур, Аьйша Абакархья.

Кушу чЯвусса чИумал Аьйшал цинма кумагран балугьравун кьабувхсса Щазагу буцайсса бивкИун бур цицала Абакардун хьинну дакИ даркьуну дур Щазал кушулий, диришиврий, курчИил бакьашиврий. Ванан пикри хьуну бур ва душ ниттишал мудан букИларча, ужагьгу марцИну дикИанссар, цуппагу дуркуну дукрагу гьанссар куну. Цала пикригу кьабувсна, Абакардул Аьйшахь увкуну бур Щаза цинма кумагран гьарца кьини ччарчагу бувцуну булухьхьу куну. Аьйшан Абакардул пикри кьабувчИуну бур, гукунма цинмагу дакИнийн багьну, душнишал чЯвуну букИлан бивкИун бур АбакархьячИан.

Дянив цуксса хАл лавгссарив кьакИулли, дахьва балугьравун бувхсса, бакИралгу, чурххалгу хьинну ххуйсса Щазах эшкьи хьуну дур гукуна авур дусса Абакардул арснан Амираьлин. Ганахьхьун укуннасса жаваб дуллуну дур Щазалгу.

Эшкьи-ччаву инсаннан хасьсса дакИнил асар бур, бучИантИсса оьрмулул гьану бихьлахьисса. Амма, Щазал заманнай оьрчИал, душнил ташу нитти-буттал щаллу байсса бивкИун бур. Эшкьи-ччаву тIардаву личИайсса диркИун дур. Эшкьи хьуми цаннин ца щар дартИсса хьатИай, мажлисирттай ккаккайсса бивкИун бур, оьрчИ душ щинавн бучИайсса кьуллалучИа ацИайсса ивкИун ур. Вай цавагу кИанттай оьрчИ ва душ цачИун бияйсса, ихтилат бансса сант кьадиркИун дур. Ихтилат байсса бивкИун бур вихшаласса инсантурачИа хьунабавкьуну, цаннил цанничИан гьан бувсса чагьардайхчил.

Амираьлил ва Щазал цала эшкьи-ччаву кьютИну кьадиртун дур. Вайннал кьанкь ччяни дирщуну дур кИирагу шьравун. Вайнналмургу бюхьайссия тIардаву личИан, Щаза кьини ца дакьасса оьрчИах эшкьи хьуну буну тИий, ккурккуллал щий ци ццугъа бишин хьунавав тИсса оькки хьаннил мазралун багьну куклу душнин ккалли бувну мавшан куну бур. Кув бивкИун бур авадансса, цахава лавхьхьусса душ хьун хИадурсса Амираьлил Щаза кьабуцайссар ва цуппар цила куклушиврул танацИун лачИлчИсса тИий. Кув бивкИун бур Щазал ва Амираьлил эшкьи-ччаву дакИнихтунусса чАлай дур, амма Абакархьал кьаитантИссар цала оьрчИ мискинсса, агьлу чИивисса Магьилавхьал душ буцин тИий. Вай кИивагу цанма оьрмулул ххуллу буклай бивкИун бур чИумул цИаннавух эшкьи-ччаврил тИинтту итадаркьуну.

Цийнна дакИ кьатИайласса, цийва мяшсса, цила эшкьилийн загьрулул пурх тИминнахьхьун укунсса жаваб дуллай бур Щаза:

**Аман шьрах хьу хьурдай,
Шьрал мукьурттил дугьан.
Качар чурххай бакьамур
Сил диртун ччуччин буван.**

**Вай шьрал хьаннил махьру
Мьяжансса бивкИссания,**

**Жагьилсса жангу ларсун,
Акния ххяххавияв.**

**Мизитраву луттирдайн
ГьалатИ багьайсса кунма,
Ттул тахсир бакьа чурххайн
Шьрал махьру ххи хьунни.**

Жуйнма шилашимур жунма цанявннан бавну махъ баяйсса аьдат дур оьрмул. Сагъират буслай дия ттухъ Аьйша бувкӀунни тӀий цичӀанма ва хавар вингу къабавну бакъахъунссар, душ цих вичӀи дихълай бакъар. На вихъ миннат бан бувкӀра, буси ва алшибакъухъ жуй Абакархъащал лачӀун буккансса гуж бакъашиву. Цуппагу халкъуннал хъхъичӀ куклу-кутӀагу хъуну личӀаннин, буттан бавну, я цинма, я цанма баннин, пуркӀу шарнил ялун гъаз хъун къабивтун, та оьрчӀащалсса хӀалашиву къадитича. Бусав тӀива Аьйшахъ ва хавар ччянива къутӀа тӀий бусса кӀирагу шарнил къапурдайн, чӀавахъулттийн. Щазал цихъва бусайхту увкусса бусав тӀива хӀакъинува лещан бан аьркинссар дакӀнива личлачисса эшкӀилул лама, пуркӀурал къанкъ щала щарнин рищуннин. Ттуйнма хъямалагу багъну, инагу бурав ттун хъун нанисса талихӀрай мяшну куну ливхъссагу бусав. Лавгунни тӀива Аьйша, душ Магъилавхъал къатлуцӀух цӀу лахъан дан най бур тӀий.

Гъунттийва бувкӀунни тӀива Аьйша ттула цама акъашиврул вихъ бусан бувкӀра, щил бувсъссарив, ци тӀий бувсъссарив бавну увкӀун къатӀату душ бавтунни, нава ччан щуну чӀанкъатлувун бувтунна, щинал бувцӀусса бархъаллал урша чӀирайх бивщуну ппив бунни. Яла чӀанткъатлуву авцӀуну ттул бакӀрайсса къяпа ккурчӀайсса арантурал ччанналун бувтунни, ттун ккурчӀа хӀарам бунни, ттуй шар махъа хъяхъи дунни» тӀий. Хъювусулгума увккунни. «ЧакмалучӀа бурчул ус къадакъайссар, суркъяпушчал къуттакъяпа къабакъайссар», куну, мурцӀув лявкӀуну бавцӀусса душнихъ, циха къаурувгна, увкунни тӀива «къабити та Амирдушалсса ихтилат, къакъадитарча ина ттул душ бакъара, букку ттул къатлува» куну, цувагу утту ишайсса къатлувун лавгунни.

Душнил буттахъхъун жаваб къадуллунни, тӀаннуйн, чарийн бувккун, маз бавкӀуну бакӀ хъхъичӀун дуртун бавцӀуну бия.

«Ина вила талихӀ ччуччин буллалавришал буттал оьрмугу кутӀа мабав, аьрчча-мурчӀисса бакъара, вихава лавхъхъусса, виятува ххарисса уккантӀиссарча, ттул душ, ма зия бав вила оьрму, къаити та оьрчӀ. Вин кӀуллихха Абакархъул цавунма цивппа къалагайсса, цанма цивппа бакъа къаххирасса агълу бушиву. ОьрчӀан цуксса ччарчагу ина буцин, тайннал къандалул къаитайссар, танангу чара бакъассар тайннал канила уккан. Насу СалихӀатхъачӀан, ппу цайна цува увкӀукун дучӀанна вил хъирив», – учав тӀива.

Шамулку къини Аьйша яру аьтӀий, мурччив хъяй бувкӀунни тӀива Сагъиратлул Щаза шаппайн бувкӀушиву буслай. Цихагу къаурувгна МахӀаммадал цӀувххунни тӀива ва чу буссар увкуну. Бусарча хъирив лавгун къалмакъал къадан къакӀулли куссияча, душ чу буссарив къакӀулсса нину ттун къааьркиннича, ларгун душ шаппайн бувцуну къункӀуллулу бити увкунни тӀива.

Щазал ва Амираьлил дянивалу кӀирагу шяравун дагъукун Аьйша къалаглан бивкӀун бур АбакархъачӀан. Ванищал Щазагу. ОьрчӀ ва душ эшкӀи-ччаву кӀиннилагу лагма каруну цанния ца буцан бан къахъанай бивкӀун бур.

Гъантри бувну бур Щазал къатӀув къабуклай. Амма къавхъуну бур Щазал ва Амираьлил дакӀурдий къункӀуллу дишин, вайннал дакӀнива дакӀнивунсса ламу бутан.

Мазру ччуччисса шярал халкъ Щаза куклу душ бивкӀиссар, цинма лавхъхъусса лагънисса, вив къюллу бакъасса кюрттараву кюру бан къабивкӀун, лахъсса, гъаз хъун къашайсса, мина дишин къабитайсса Абакархъал ларзулу кюру бан ччан бикӀан чуна тӀиний, Щазал ниттирссучӀан Закахъал СалихӀатлуцӀан цал ялагу лавгра Щазая ва Амираьлия, ганал гъанчуная цӀуххин.

Ттушал ганичІан Мязайхъал Казбекгу увкІуна. СалихІатлул увкуна кІин-нилагу эшкѳи-ччаву дакІнихтунусса, ца ссихІ куннесса дия. Буслай бивкІру Абакархъащал ка дишин жуцара къашайшиву, марцІсса эшкѳи-ччаву шярал мукъурттил лув личІайшиву. На бивкІтарив дузирайн къадуккайсса кумири оърчІащалсса дусшиву къадити тІиний, цал-цал ссихІ къадуркна хъямала багъайва, чІявуну ттуйн къаччан бивкІун ххавххун, ссибивзун ливхъун къабукІлай гъантри байва. Ахирданийгу щатІал къирийн личин буну тиха-шиха бишлашисса балугъ кунма чІалай цІими хъанай бивкІайва, чун наниссарив къакІулна вайлул хъуну лавгунни буттал къатлува.

Хъуннар хъусса СалихІат сахІибулхайр дусса лажингу гъаз дурну, итгату нанисса макъгу чІаврдайх ккурукки дурну, жухънияр цищала цурда гъалгъа тІий дия.

Лавгра Щазал дусначІан гара СагъиратлучІангу. Ванил ттухъ увкуна, на дуссияв Щазал ва Амираблил эшкѳи-ччаву ритарча кІиннилагу талихІирал дайдихъу дур тІий. Цихъва учав: «Щазай, эшкѳи-ччаву я цинявннал хъхъичІ, я дакІниву цинявннан шайссар, къини архІал дакъасса оърчІахсса эшкѳи-ччаву дузирайн къадуккайсса дуну тІий. Кув бур вил эшкѳи-ччаврий хъяй, кув бур вий дакІ цІий, кув бур вийн сси бизлай, кув бур аьй вил нитти-буттайри тІий, ина къункьуллуву къабитлатисса тІий, щий ци гъибат бишин хъинавав тІисса шярал хъами бур зул эшкѳи-ччаву, ххинухъхъайн дуккан дуллай. Ина бура сил щуннин риттайсса тІутІи. ЯхІ бува вихава лавхъхъуминнал риттуннин». Къаххуйбизайва ганин на увкумур.

Нани ххуллий увхра Щазал чІун архІалсса БалаханумлучІан. Ванил ттухъ увкунни Щаза ттул дус бакъар, маччасса бакъар, га ххуй бан. Цила эшкѳи-ччаву къюлтІ дуллай бакъая марцІсса, дакІнихтунусса, щилчІав оькки къадансса, цучІав хъхъичІун къаагъансса дуну тІий. Щазал щала вихшала дия Амирабллийн. Тагу, мьайжаннугу, ванил ка итадакълай акъая. Вайннайар ххув хъунни буттахаьал аьдатру. Ханнахъал къушлий лайкъсса, хъхъувайгу бургъилу укунма чІалачІисса, цуппа ххуйсса, дакІ ххуйсса, кушу шавхъсса бия. Абакархъан тІахІунттул урша бия, тайннан цаламиннучІа бишин дувссилулсса ччай бия.

Щаза бухху-букку шайсса, хІалашиву дусса Майминатлул увкуна Щазай шанна аьй диркІссар: мискиншиву, бакІрал ххуйшиву, къини архІал дакъасса оърчІал эшкѳи къамул даву. Щаза авадансса Абакархъул кунмасса тухунда-лия бивкІссания, ванил къюлтІ къадурсса эшкѳи-ччаву цинявннан ххуйну чІалантІиссия, Абакархъул цала оърчІан ччисса душнихъачІан ницІавун хъан къабагъан левчуну бучІантІиссия махъ кутІа бан.

Шяраву хъанакъимунил чІарах къабуккайсса ЖаричІан лавгссияв ганил ци учайрив ккаккан Щазая. Зуйлувсса чІаландалу щядиркІун дия лагма хъамигу щядиртун. Ялувн ивсса ттухъ увкунни кІул хъун ччимур дакІниву бувгъуну най чІалай урахха, балики Жари баваша щаллу бан шайсса бивкІан, къатІувн буккан ба къацІ тІивтІуну куну. Га Магъилавхъал Щазая личІи-личІину гъалгъа тІий бивкІайча, ина ци учинавав тІий, вичІан най уссияв учав. Жарил увкунни ганил эшкъилуйн цІу щуну лархъсса цІарал лах мурчал лавсун лавгссия. Тти гъаттавувагу бигъа лаган битлай бакъар ганил къадарунния я дяркъу, я кІиришиву дакъасса баччибакъулт.

ВичІи диша ттух. Щаза ва Амирабли цаннин ца няси къабувсса Абакархъул ва Магъилавхъул ца ссупралух щябикІайсса агълу бакъа тІийри. Абакархъай дакъассар аьй. Тай чІумува буккан къахъанайри бивкІсса. Щазашава Амираблищагу чІумул ялтту ххяххан къавхъунни.

Кув цала кІулши дакъашиврул, щинчІав оббан бакъанагу гьалгъа тІий, кув цинма (цаламунин) къахъанахъисса Щазал хъун нанисса талихІрай мяшну, кув гьарца иширацІа бацІайсса оьккисса мазрал касмукартал буну, хІала бувххун чІянаьла къадурессания оьрчІал ва душнил хІалашиву, бюхъайссия бюрхІайх къабулаймур лякълуйх буллуну, оьрчІал ва душнил дянив авцІуну ивкІсса Абакардул талихІрайин буккан бан Щаза ва цала оьрчІ.

КичІиравух шавайн нанисса Наби ацІан унни Жарил цила тІимуних вичІи диша куну. Ва къадагъукун Набинал увкуна лахъхъу-цархъхъу ккурчІай Сурхайх увкуссия, ци учайрив ккаккан, ина щар дуцлай акъарахха, ххуй бизлазисса душ бакъарив куну Сурхайл ттухъ увкунни сакъатсса, мискинсса ухъурчагу, ттуйгу ххал хъун яругу буссар, ччан бикІан дакІгу дуссар. Амма, гьарцаннан цахава лавхъхъумунихри эшкъи хъунгу, буцингу аьркинсса. На кунмаминнал чІарав бикІан аьркинссар ттушал ттул чара бухІайсса хъами.

Набинал увкуна, Щазал эшкъи-ччаву аькълулул къукьиннин дакІнил куртІ-ний лабитан къавхъусса асарди. Ганил эшкъи дурну дур цихра эшкъи хъусса оьрчІах. Вайннан цанма цивппа бакъа лагмасса оьрму чІалай къабивкІссар. Амираьли ивкІссар цала эшкъилул хъхъичІ дацІан бюхъайсса цичІав дакъасса ххай. Щазал аькълу биял къавхъуну бур цуппа Абакархъал цала оьрчІал буцин къаитанссар куну дакІнийн багъануксса.

Абакар оьрчІан ччимур бан, душнил дакІнийн къашун Щаза буцин най ивкІун ур арсан. Ва вайннан ччимур бан бутгал буттахъая шихуннай мархри итабавкъусса багъу-бизулул аьдатирттал мархри къукьин най ивкІун ур. Абакардун цаннин ца ххирасса, вичІунмай кІункІу тІисса лас ва щаргу, нитти-буттан ххирасса, вайннал бачин бувсса ххуллийх нанисса оьрчІругу бусса кулпат талихІ бусса бикІан най чІалан бивкІун бур, канакимунил тІин бакъасса, къушлий ххаришиву дакъасса авадансса кулпатнир. Ва бувчІуну бур Абакардун цанния ца буцан бан къахъанахъисса оьрчІ ва душгу, кулпат цукунсса бухъурчагу тухун хъхъичІун буккан буллалисса гъанчу, хаснува сурахъал, чІалачІиний.

Щазал оьрмугу, балайлуву бивхъумургу бувчІин, кІулну бикІан аьркинну чІалай бур Щазал ва Амираьлил, Амираьлил ва Абакархъал дянивалу цукунсса диркІссарив. На, архсса ухъурчагу, Абакархъал гъанчу ура, иширацІа, мукъучІа вайнначІа ацІайсса. ХІалашиву шиччассар, Амираьлил душ Асбат щар буллуну бур ттул ниттил буттан БатІухъал ЖакІпардун. Абакаргу, Амираьлигу аьпалухъхъун лавгун махъ Амираьлил кулпат (Асбатлул нину) Загъидат Ккуркливн душничІан дирзун дур. Асбатлул ниттийн оьвтІиний, ганихъ ци-дунугу учин ччиний «атІай» куну учайва (ккурккуллал «бавай» чайсса кунма). Кумиял «атІай» куну учайва хІурматрай, «ниттилессуй», «бутталессуй» тІисса ккурккуллал кунма Кумату бувкІсса хъами-оьрчІарал Загъидатлуйнгу учайва «атІай» куну. Ккурккулгу «атІай» тІун бивкІунни Загъидатлуйн ванин цІа АтІа ххай.

Мачча хъувкун Абакархъал ва БатІухъал хІала-гьурттушиву хъунна хъуну дур (ванишал Ккурккуллал ва Кумиялгу). АтІачІан, АсбатлучІан ттун кІулсса 40-кусса шиннардийгу бучІайва чІявусса гъанчу Кумату. Я кумиял сукку дурну, я жуламиннал цІухху-рухху бувну, чІявуну шайва ихтилат Амираьлия, Щазая, Абакархъая. На ияв Асбатлул душнил Аслибикал арс, чІявуну шайвав укунсса ихтилатиртгачІа. Шиккусса гьалгъалуву тІимур ттун ца бувчІайва, кІива къабувчІайва, бувчІумунилгу мяъна ци дурвав тІий акъаяв. 60-кусса

шиннардия шихунмай Щазая, Абакархъая чяв-чяв тІун бивкІун махъ цаппара кІулши дакъасса чІумал ттунма баллай бивкІумунил мяъна дурчІлан диркІунни, хъанай бивкІумур бувчІунни. Яла-яла Щазая, Амираълия, Абакархъая ттунма щаллуну къакІулмур, кІулвагу бакъамур кІул хъун ччан бивкІунни.

Арантурава Ккуркливн чІявуну бучІайва Асбатлул уссу МахІаммад, ссийл арс Аъли, ссурахъу Аъвдулмажид. Ва ия Каирдай университет къуртал бувсса, аькълулул увцІусса, ссавур хъуннасса, заназаву хІурхІасса, чІу лахъ къабайсса адамина. ВаначІасса луттирдал къатлул чІира бувгъуну бия. Гайннул бакІрачІан ци бувкІссарив къакІулли. Абакардул яла вихшалама, дакІ дачІайма ва ия. Цал увкІсса чІумал Аъвдулмажидлул увкур Щазал ва Амираълил талихІрахун дахчилай дия. Абакархъал аваданшиву, Щазал мискиншиву, аьдатиртгал рахІму-цІими бакъашиву куну.

Абакардул душнил Мисидул увкуна Амираълил ва Щазал эшкъи-ччаву тІутІуйсса хъхъем кунна, иттивсса макъ кунна марцІсса дия, Абакархъал ккурчІа бугъай ссурахъавралгу, Ккурккуллал мазраин загъру бувтІусса хъаннигу Щазая куклудуш бунни. Абакархъан Щазал цала къатлуйн бургъилухгу ххют дутан най чІалай бия. Ттунгу къаччиссия Амираълин Щаза бувцуну. Цуппа къини жухара лархъхъусса бакъахъурчагу, Абакархъал къатлул ялув дяхтта баргъну, хъхъувай барзну бацІан нанисса душ бия. Амираълил цала оьрму ванин дакІниву бивхъуну чІалай, Абакардунгу Щаза цала душ кунма ххирану бия. Мунияту оьрчІан ччимур бан най ия. Нагу Щазайн къаршину къабуккайссияв. Къаивтунни Абакар оьрчІан ччимур бан дакІру шяравун къалаглагисса, тухундалул хъаттирдай лехлахисса ссурахъаврал. Вай ванал тІимунила къабуккайссия, Абакардун чІалай бия цува ивкІуну махъ вайннал Амираълил къатта-къуш лиян най бушиву, Щазал хъхъичІ Абакархъал къапу лакъин най бушиву.

АтІа буслай дия, Абакардул на бувцунна Амираълин цала тухундалиясса буну тІий. На бияв чІумул багъу-бизулий, аьдатирттай тарбия хъусса, ласкъатлувусса ттула кІантту кІулсса. Цайминнал хъхъичІ Амираъли ттула ласушиврия ттун пахру бия. Цалагу ттуйн тачІав чІу лахъ къабайва. Амма нава ххал къашайвав, ихтилат аьркинмуния бакъа къабайва. Ттулгу, ганан нава ххал хъанан, Щазалмунил ялтту дутІинсса я ккаккан ххуйшиву дакъая, я ччаву дакъая. Цахъа цува гъалгъа тІий чІалай икІайва. БувчІлай бия ганал чІарав мудан Щаза бушиву. Ганайн къаччан бикІлай бакъаяча, дакІ цІий дия, Абакархъайн къаччан бикІлай бия. ОьрчІру ххуйну тарбия буллай ия, амма цІани баву, ххира баву къадикІайва. ЛулттучІин оьрчІахгу уруглай яру лакълакъини, гай оьрчІру цалагу Щазалгу бикІан бюхъайва тІисса куна чІалан икІайва ттун.

Амираъли къапу тІивтІусса чІу баюкун чурххал зурзу тІий къатлувай вичІилий икІайва. Амма Щазал цІа тачІав гъаз къадайва.

Абакардун бувчІлай бия арснал дакІнивумур. Хъирив уруглай икІайва нахІу акъа. Ттухъ икІайва якІ бува, ттул душ, дару бакъасса куртІсса щаву ччяни хъин къашайссар. ЧІумул вичІангу, оьрчІачІангу кІура даин дантІиссар ванал дакІ тІий.

Абакардул аьпа бунни, Амираъли буттал ссурахъаврая арх увцунни. Ва цала талихІрал хъхъичІун навагу багъунни тІисса куна чІалай икІайва. Ттунмагу ттуйва бунагъ хъусса кунма чІалай бикІайва. Къавхъуссания Абакар ва Амираълигу аьпалухъхъун лавгун, хъунмавхъу оьрмулий Абакархъал хъунма къатлува, щарнил цІани-цІайлува дурккун, чил шяравун куявначІан къа-

дучІанссияв. Шиккугу хъунмасса хІурматрай дура, кІирагу шярава чІявусса бучІай ялувн, наралуну чІалай дакъара. Душнил шиккусса ляхъиндалун цала нину кунна чІалай дура, шарнил агъулданун шиччарасса кунна чІалай дура. ЧІявуминнан на Куматусса душиву кІулну бакъар. ДакІ цІуцІисса лавгмур оърмулийри, ляв багъсса ласкъатлуйри, хъамакъабитлатисса ттуяра хъхъичІ аьпалухъхъун лавгсса чурххая нур дизлай бивкІсса лас ва ласнал ппури.

АтІа хъуннар хъуну, мурчІи хъуну дия. КІичІирава къапулул нуз тІитІа тІий овьтІисса ттул ссу ТІагъират буххан ялувмур зивулия чурттуйнни тІий лавсъсса ша чІирахсса кІичІиравун лавсун дагъну диркІуссия 1940 шинал. Кумату Абакархъал ляхъин бувкІуна леххаврий. Вайннан ччай бия Загъидат Кумавн ларсун нурчІи, АбакархъачІан духхан дурну, тикку лагъа-лахъгу бувну, цала агъулданучІа дуччин. ЖахІпархъалгу, ккурккуллалгу къаитадаркъуна нурчІи Кумавн. АтІа дурччуссар кІирагу шарнил Ккурккуллал хІатгаллив.

50-кусса шиннардил дайдохъулий Кумав зузисса чІумал АбакархъачІан лавгукун, Мисидул бувсуна ттухъ марчІан чІумал цачІанма бувкІуна куну ацІаксса Абакардул ссурахъал. Дукра, мачча хъхъичІ дихълан бивкІукун, дукан багъарча махъ дуканну куну хъхъичІ дирхъумур дукъан бунну. Абакардун бувчІухъунссия ссурахъал циван бувкІссарив, ссупра батІияра куна. ХъхъичІ-махъ къабувсна Пяталил увкуна: «Абакар, жу бувкІру вихъ махъа-махъсса жула пикри бусан, я – жу, я – Щаза. Ина та тярашлул чулий ацІарча, авцІуну чІалай ура жун, жу ина бувсса ташу зия къабувну къабикІантІиссару. Ина жул тухундалул цІа чІири дан най ура, Абакархъул Магъилавхъаха лацан бан най ура, ккурчІайн бувккукун жува щябикІан лувату бизлай бивкІсса Кумиян ххал къашай бан най ура», – куну.

Абакардул ссавурданий увкуна ттул ца арери усса, на ванан ччимур бантІиссар. Зун ччикун барча ва зуяр чІивину чІалан икІайссар кумиян ва ккурккуллан. Ванан ччимур барча, кІивайннанагу ванал адаминашиву хъхъичІун дуккантІиссар. Тухундалул мархри куртІссар, шар жуха зунххи къадургантІиссар куну. Цахъхъунна укунсса жаваб дуллукун, ссурахъал зума къабавхъна бивзун лавгуна.

Гай лавгун махъ Абакардул хъунмасса хІал бунни цал щяивкІния къаизлай, яла хъювун увчІун тиху-шихунай занай. Га хъхъуну шаппаминнахъ зума къавхъунни. Шанай акъая. Хъиривмур къини кІюрххилссагу къадуркуна къатІувн увккунни. КІура авну, вичІуссаннахъ ссихІ къадуркна ларзулун лавхъунни. Хъирив ялугъий хъюву бавцІусса ттуйн овькуну цачІанма, увкунни: «Ттул ссурахъавран тухундалул цІанилу цивппа хъунину бикІаншиврул, ттул арс талихІрацІа ан най бур». Арснахъ ихтилат бан багълай бур. Ттул махъ цІана ванайн бивтсса ккуллану хъанай бур. ЦІана ттуща лакъайсса шаву дирну хъинни, вайннаща диян нанисса оърмулухун цІалайна личІан нанимурниар.

Ца нюжмар хъунни Абакардул цайна цува къаукІлай. Ца къини ттухъ бувсунни арснащал ихтилат бувсса. Арснахъ учав тІива ттун чІалай бур вилгу Щазалгу дянивалу щищакІуй дудан дан къахъун най душиву. Ина ттул цара усса, на вин ччимур бантІиссар. На дуняллий усаксса ттул хъхъичІун агъан бюхъайсса цучІав акъассар. Ттул лажин дахълагайхту ттул гъанчунал, ссурахъал хъхъичІну, вил талихІрацІух цІу лахъан дан най бур, вил вилах лещун дан най бур. На ттула дакІнийн ххаржан щуну тІий ура вихъ, кІи дачІияра зула хІаладурхсса эшкъи-ччаву, я дувара дакІурдиву, зувагу личІи шияра. Зул дакІру цачІу личІантІиссар, дакІния дакІнийн эшкъилул тІинттал ламу

бишинтИссар. КІулли цІана на вийнма бивтесса ккуллалул дурсса шавулийн оърмулукун ка дихълайна, икІантИшиву ина. ЛитІун къашайсса душмантурал дурсса лавмартшиврул зул дянив тур дакъинтИссар.

Амираълил вихъхъунна ци жаваб дуллур увкукун, ганал увкунни тІива, мяммай, ттунгу кІулли, Щазангу кІулссар ина жул чул бувгъуну ушиву, гъанчуналгу, аьдиртгалгу къаитлай унагу. КІулли дакІниву винма къаччайнагу, ттун ччимур бан най ушиву. На Абакархъал тухундалул цІа чІири дан най усса ухъурча, вил ссурахъавран ккурчІай щябикІансса кІантту хІарам буллай ухъурча, на минная къурбан хъанахъиссара, лаххича щарнил ялтту. На бувхІумур ттул Щазалгу бухІантИссар.

КъаавцІуссар кур Мисидул Амираъли тухундалул чІарав, къабувгъуссар арсенал буттал кІантту.

Мисидухъ цІуххав Абакардул Щазахъгу бувссарив ихтилат, куну. Мисидул бувсунни щябивтун чІарав танихъгу бав тІий ия ихтилат Щазахъ учав тІива вин кІулссар ттун инава ттула душ кунма чІалачІишиву Амираъли хІала ухханина. Тти ттула оърчІал талихІ ва оърмугу ина бушиву кІулли. На уссияв вияту ттула къатлул ялату къалагайсса баргъ, арсенал талихІрал къарал буллай хъхъувайгу чІавахъулттийх буруглайнмасса барз хъун най бур тІий. Вихъ Амираълил бувсхъунссар на цацалагу ихтилат бувшиву. На дунияллия лавгун махъ зул алши-талихІрацІух цІу лахъан дантИшиву къюлтІ буллай бакъар ттул ссурахъал. Цамур оърмулул ххуллийн буккан чІал чІун хъуннин личІи хъурча, хъин бизлай бур ттун зу. Оърму личІи барчагу, зул лагма карусса эшкъи-ччаву ттереххин щицакъуй къахъунтИссар. Эшкъилул ламу бишинтИссар зу дакІнива дакІнивун. ДучІантИссар вил оърмулул кІюрх, хъунтИссар вил оърмулул кюрю. Баргъ гъинттулгу бъякъусса бухъурчагу, дуниял дарщунна духъурчагу, оърму ххари буллалисса бакъахъурчагу, лекъашайсса эшкъи-ччаврил ламарал зу гъели буллантИссару. На ттула душницІа хъанай ура. Дунияллий уссаксса ина чу бухъурчагу ттул дакІнива къабуккантИссара.

Щазал ци увкуну бия куну цІувххуссия. Щазал увкунни тІива ина жул мискиншиврул чІарав ацІуссара, ттун буттал баймур бувссар. ЧІумул аьдиртгах, гъанчунан ччимуних къаурувгун, ттул мискиншивунияр вила оърчІан ччисса на хъхъичІун буккан буллай гъанчунан къаччи хъунна.

Ттун цакънива чІалай бур ттула марцІсса эшкъи-ччаву загърулийн дуккан дурну къюлтІ учин бан най бушиву вил гъанчу. На Амираълищал оърму кІибавчІуну вил дакІнил гъис учин баяр, вил ва вил гъанчунал дянив тІааьн дакъашиву дурну вил тухундалий ттангъа даяр, зувагу лажин кІялану, къаччинангу ччикун къачІаланну гъантИссара зул хъхъичІа. На щукру бантИссар Аллагъанайн, Амираълил цаламур эшкъи-ччаву ттун дуллуну, ттулмур цанна ларсун итабакълай тІий нава. Ттул оърмулул мурад ванийну къурталссар. ДакІния къауккан най ур Амираъли. Ттул ливчІмур оърму гъантИссар ва талихІирайн укканнав тІий.

Абакар ия тІива Мисидул къюлтІа тІий къакъарттува личлачисса цІимилул бувцІусса, язухъсса чІунийсса Щазал махъру баллалиний, мукъал бувцІусса хъунисса яру щявн буруглагиний, Щазай дакІ кІункІу хъунни, нава бусла-симур хъухъна хъанай бия, учин ччимур хъамабитлай бия, тІимур таниха лавхъхъусса хъанай бакъая. Хъиннува ххира хъунни Щаза. Щазалуксса ссавур диял къархъуну, цува хъювуссул увкунна тІий ия.

Щазахъ учав тІива Ккурклив вихъ иттах бищулт бансса чан къахъунтИссар.

Жаваб дулурчагу, дакI кьючин дуллантIссар, оьрму махьунмай кIура баен буллантIссар. Кьатта буттал бухьурчагу, дакIниву ххаришиву кьадикIантIссар, ссалчIав ххари кьабантIссара. Ккуркливсса вил чIарав ацIан ттуща кьахьунтIссар. На сагъну усаксса вил ка итакьадакьинтIссар, вил чIарату кьаукьантIссара. Ина ихтияр дулурча, вил дакI паракьат хьунсса оьрмулул кюру бансса кьанчлу буттал шярваллил кьатIув лякьин ччай ура на.

Щазал жаваб дуллунни тIива, ттун кюру бан ччисса мурхьирал кьяртта ххуку дурну шьавн дуртунни. Кюру бан цамур мурхьирайн леххан, ттул хьару гьаргьунни. СсихI нахIусса бакьахьурчагу буттал кьатлул чIирттал буручинтIссара на шьарал мукьурттия. Ттуй бишин ливчIсса гьибат цамургу бухьурча, гайми кунма гагу бухIанна куну. Щазахь учав тIива, вил дакIнивун баргь кьабияйсса бухьурчагу, оьрму цIу буккан бансса вилах ххал дантIссар на. На ттула душнихь куна тIий ура, инагу буттах кунма вичIи диша ттух.

Лавгун ур Абакар Гьумукун цала кьинилул архIалсса дусначIан майор АьвдурахIиннучIан ва ванал кулпатрачIан ШагьуннучIан. Бувсун бур кIайнахь Амирабляты ва Щазая. Бувсун бур Щаза цанма душ кунма чIалачIисса бушиву. АьвдурахIиннухь тавакьюв бувну бур Щаза цачIанма бувцуну цала кIантту бугьи куну.

Абакар ия тIива Мисидул, АьвдурахIиннул цахьва вил душ ттулгу душри увкунни, Шагьуннул увкунни нагу Щазал нинушиву дантIссар куну.

Ца-кIива гьантлува Абакардул Щаза АьвдурахIинхьачIа кьабивтун бур. Вайннал Щаза кьамул бувну бур цала душ кунма. Абакардул АьвдурахIиннухь ва Шагьуннухь увкуну бур ва душниву оьрму чантI учин бансса, цина лайкьсса оьрчI, адамина тIайла ацIарча, кьатлул бувнугу ччива куну.

Гьумукун бувкIукун ккурккуллан хас бувну бур Щазал вай балайрду.

**Бюхттул зунтгал бакIаву
Чьатир бищун най бура.**

**Бигьа лагира, ккурккул,
Шанул буччи, хьуними,
Сси бивзминнал ссан дизлан
Тти Щаза бакьассарча.**

**На бутгачIа буссаксса
Кьяпри итгав, ссурахьал,
БутгачIату лавгссара,
Утти чIантIай бишара.**

**Ттихьинну бикIияра,
КкурчIа бувгьу жагьилтал,**

АьвдурахIинхьачIан ухху-укку шайсса Ваччатусса АхIмадлун ччан бивкIун бур Щаза. АьвдурахIиннул ва Абакардул щар буллуну бур Щаза ванан. АцIния ххюва – кьува бурттигьугу, жалиндалун ссайгьатран дулайсса чIарусса мусишал, вайннучIа дикIаймунишал дуркIсса хьамигу бувкIун жалин дущин, АьвдурахIинхьачIа хьуннасса, ххуй-ххуйсса гьумучияйингу оьвкусса мажлисгу дурну, сийлий тIайла бувккун бур Щаза Ваччавн. Сагьират дия шикку Щазал нину Аьйша ва ванишал увкIсса ца гьанчугу гьуртту хьуссар тIий.

Ларгун дур шинну. Щазан бувну бур АьвдурахIман тIисса оьрчI ва душ. Душнин цIа хьамадиртунни. Щаза зуруй, кIива зуруй цал Гьумукун АьвдурахIинхьачIан, Ккуркливн нитти-бутгачIан лагайсса бивкIун бур. Сагьират дия ттухь Аьйша буслай бикIайва Щаза шаппайн бувкIсса чIумал МахIаммадал цалагу кьацIуххай тIий душнихь шардаллия, оьрчIая, цила цIуллу-сагьшиврия. Душ кьатIувн бувксса чIумал икIайва тIива ванил ци тIар, оьрчIру цукун бур тIар, ттун ва дакI ххарину, ласкьатлуя рязину чIалай бакьар тIий.

Щаза Ваччавн нанини, МахІаммада икІайва тІар: «Инара къадуркунма дикІу-ча, ванихъхъун кІайннал чулий къаххяххайсса гуржиял хъюру (шагьнал хъ-юру), ахъулсса дула», – тІий. Аьйша ххарину дикІайва тІива цихъва цІани-цІай бакъахъурчагу буттан Щаза къаххирану бакъарча тІий.

Цала хъуслил хан увсса, лув къалаяйсса, бакІ лагма дуруглагисса АхІ-мадлунгу сансса цучІав къаивкІун ур. Щаза жалинну бувкІсса ппурттуву цахъва цува пиш-пиш тІий занай, цахъра ссихІ дуркнахъ хъяй гьалгъа тІий, Щаза мяш тІий занай ивкІун ур, аьркиншиву дакъана оьручай ЧІявн, Гъумукун буртти занай ивкІун ур. Шин гъаннин шяравун буккан, буккайсса куццуйсса янна лаххан, щилчІав чІарав бацІан къабитлан ивкІун ур. Гъумукун, Ккурк-ливн гъан ччисса бувсукун, гьалак уклан ивкІун ур. Хъян бикІарча, аьчухну бухъурча цу дакІнийн агъри тІий лажиндаравух хъат ришлан, ччан щиллан ивкІун ур. Хъунаавкъусса адаминал Щаза цукун бур куну цІуххирча, шавайн увкІукун люти вияту цІухлай ия тІий, кІичІираву хъанничІа бавцІуну ххал хъурча, шаппайн бувкІукун ляззалащал щуршу тІий диявхха тІий батлан ивкІун ур.

Щарнил агъулданун чІалай, бувчІлай бивкІун бур АхІмад Щазай ябацІу буллай ушиву. Арантал Щазахъ алалав къабувна чІарах буклан бивкІун бур. АхІмадлун шярваллил кІичІиртту къумасса бушиву къакІулшиву кІулну, хъунабавкъукун хъаннил Щазахъ учайсса бивкІун бур чІалай бурча, ттул душ (ттул су) вил шардасса тагъар, яхІ бува оьрчІал цІаний, вил марцІсса дакІ дурчІуну, зул ххуйшиврул хъхъичІ ник рищунтІиссарча куну.

Щазал цуппа бавссуну най бунагу яхІ буллан бивкІун бур АхІмадлучІа оьрчІая ятинтал къахъун. Ссавур духларгукун, кІивагу оьрчІгу бувцуну Гъ-умукун ливхъун бур.

Цила АхІмадлушал дузраин къабувксса оьрмулия Щаза укун тІий бур:

**Була тІий увкІуна Ваччав хъунбутта,
Булунгу бавцІуна майорнал Шагъун,
Ттунагу къакІулсса, цІагу къакІулсса
ЦІа чарий чичиву щюлли АхІмадлун.**

**Щар буллунна Ваччи-ЧІявн,
Гъуя багъунна ратІувн.
Ца хъис цІими къабунни
Майорнал ва Шагъуннул.**

**Щара цІа дияхха, цІа духлагивул,
ЦІаниха лавхъхъусса цува акъая.
Аваза бияхха, вилах лещивул,
Чувшиврул лишанну чурххай дакъая.**

**Виричув ххай дакІ дачІав,
Чув ххай дакІнийсса бусав,
Къяпа чувнал бунугу,
ДакІ щарссанил гьалмагъайхъ.**

Дужагъирал дугъаннав
Гъумук майорнал Шагъун,
Алжаннувун щунни тГий
Дужагъравун на бувтсса.

Муяв, Щазай, вин ккавксса,
Муяв вин ккаккан ливчІсса,

Барча хъуннав вил талихІ,
Ваччиял ттурузимиз.

Щазал иттату мукъал
Ваччи неххал ласуннав,
Щазал бивгъу ссихІирал
ЧІяйннал къур микІлачІуннав.

ИвкІусса чув акъана,
Чин хъусса яс бакъана,
Ттул бакІралу кІаралу
Мукъал аъявай бури.

Даруну дуньял дуна,
Бивтун гъили баргъ буна,
ЩябикІай кІяла ларзу
КІукІлил дярххун най дури.

Щаза, Гъумукун зана бивкІун махъ, лажин кІялану халкъуннал хъхъичІун бувккун, хъатІай, мажлисирттай увкусса балайрдаву цила оърму халкъуннал хъхъичІ тІивтІуну бур. Ва ххув хъуну бур циярва цуппагу, оьккисса мазурди-яргу, инсан, хаснува хъами, кърчІ битлатисса дух аьдатирттаяргу.

Щазал хъхъичІ нузкъунттив тІиртІуну дур Совет хІукуматралгу. БакІ гъаз дурну дур, маз байл хъуну бур, хъаннища арантурал чІарав бавцІуну пикри уртакъ бан шайшиву, даврил бакІ дургъуну хъхъичІ бачин шайшивугу ккаккан бувну бур.

Хъуну бур Щазая жяматисса ишккакку. Сивсусса ихтилатру байсса бивкІун бур шяраваллаву, жагъи-жугъулт бавтІсса кІанттай. Вания хъуну бур Лакрал райондалул хъаннил Советрал чялишсса член, райондалул судрал заседатель, партиялул райкомрал хъаннил отделданул хъунмамур Дагъусттаннал парти-ялул обкомрал суратирттал фондраву 30-кусса шиннардий лакрал активист-кахъащал хъунаавкъусса Жамалуттин Коркмасовлушчал дирщусса суратрай ганал чІарав шябивкІун бур Щаза.

Инсаннал оърмулуву ххаришивугу, оьшивугу хъхъичІу-махъун дуклай архІал дачай. Дахъа цийнма цуппа бувкІсса Щазал душ, Гъумук хъатІий балай тІисса ниттил чулух бавцІуну буна, чІирая ливчусса ккулла щуну бивкІуну бур.

Щазал итгавсса макъ къркъун дур, дакІнийсса щаву ларкъуну дур, оърму цІу бувккун бур арс АьвдурахІман ччаннай авцІукун. 30-кусса шиннардий ванал къуртал бувну бур Москавливсса къатІаллил хІукуматиртташчал маша

байсса институт. Зун ивкун ур кьаталлил паччахлу гьиртташчал маша буллалисса министерстволулу отделданул хьунаману. Лондоннай зий ивкун ур СССР-данул Машлул палаталул бакI дургьуну.

Дявилулу шиннардийгу, кьуртал хьуну махьгу, хукуматрал Дагьусттаннай тIайла увккун, хьхьичI художественнай промыслардал управляющийну, махь консертстрал управляющийну зий ивкун ур. 1959 шинал лякьлул азаруннил кьашай хьуну Москвавив азарханалий рухI дуллуссар, душнил Наидал буслай.

АьвдурахIманнул шарсса диркIссар оьруснал миллатраясса. Вайннал бивкIссар кIива оьрчI – Сяид, Наида. Сяид ия технический элмурдал кандидат. Ванан цIа – 30-кусса шиннардил ахирданий ивкIусса Щазал ссурахьуйл цIар. Наида – врачри.

Сяид ва Наида 70-кусса шиннардийгу Ккуркливн гьанчуначIан, Щазал ниттил ссийчIан СалихIатлулчIан бучIайссия. Ганияр махь кьабучIай. Вай Москвавив институтирттаву дуклакисса ккурккуллал оьрчIан, душваран кIулессия, хIалашиву дуссия. Вайнналмур дахIавугу дурцунни.

Щазал шинну дурссар Москвавив арсначIа АьвдурахIманнучIа. Махьлий шьабивтссар арснал оьрчIру. Вай шинну диркIссар Щазал цийнма цуппа бувкIсса, дакIнивун ххаришиву дагьсса.

Щазал цила каних чивчусса балайрду бакьар. ХьатIи-хьиншиврий увкусса балайрдал махьру гьаварал лавсун лакрал шархьавун баллай бивкIун бур. Вайннувату кув увкусса куццуй, кув цанная цаннал баллалисса махьру, калимартту баххана хьуну, ххи-чан хьуну ливчIун бур халкьуннаву, кув хьамабивтун бур, кув халкьуннал балайрдавух хIала хьуну, цумур щиллив кIул хьанай бакьар.

Щаза кIулми, вания бавми, ванил балайрду бавми ванин личIи-личIисса кьимат бишлай бур. Кув бур Щаза чIумул аьдатирттал ялтту ххьавххун, цила эшкьи-ччаву кьютI кьадуллай, ччиссаннашчал хьунабакьлай, куклушиву дуллай бивкIун бур тIий. Кув бур эшкьи-ччаву талихIрал дайди хьуну чIалачIисса, марцIсса, лажин кIяласса дакIнил асарну чIалай, ганил хьхьичIун дагьлагьисса буттахьал дух аьдатиртташчал талай бивкIун бур тIий.

Совет хукуматрал шиннардий Щазайсса бюкьу-аьйрду, лагьу-лахьунтту, ккурчIа-чIирах ливчIун бивкIсса тIарду чIумул лавсун лавгун хьамабивтун бур. «Бунагьирттал» бувцIуну бивкIсса Щаза халкьуннал хьхьичI марцI бувккун бур. Шюршуну дур Щазал «оьккишивурттугу». Кьанкь лакрал шархьавун диллай бивкIсса Щаза, буттал шьравугума хьамабивтун бия. Нажагь иширачIа, мукьучIа цIа гьаз хьукун, ганил цIа оьккину гьаз кьадайвача, дузирайн кьадурксса эшкьи хьуну бивкIссар тIар цила тий-чут кьашайсса кумири оьрчIах куну учайва.

Вилахавхсса лах ххилтIу бувкун, лекьаршсса цIарал кусав ялун личайсса кунна, бивкIуну махь Щазал цIа утгара дуккан дунни лакрал интеллигенци-янал – журналистурал, чичултрал, шьиртурал, аьлимтурал. 1940 ш. цаппара Щазал балайрду цува редакторсса кказитрай бивщунни Абумуслим Гунашевлул. 50-кусса шиннардий Щазал балайрду ишла бувну бур цала диссертациялулу аьлимчунал Сяид Хайдакьовлул. Вайннал ишла бувсса балайрду ванил творчество халкьунначIан дирну дакьар, Щазал цIа халкьуннаву цIу дурккун дакьар.

1960-1970-кусса шиннардий Щазал балайрду кказит-журналлай бишлай, цала давриву ишла буллаи бия аьлимчу Апанни Къассиев, шаэртал Юсуп Хаппалаев, МахIаммад-Загъид Аминов. Вайннал дуртунни Щазал цIа литературалувун. Амма вайнналгу къабунни лак Щазая «баврив», «буккардув» тIи.

Чурх бигъаний, рухI паракъатний аьпалуву бивкIсса Щаза, вилаххату цIарал парча ялувн буккан байсса кунма, халкъуннавун бизан бунни аьлимчунал (фольклористнал) Халил Халиловлул. Цаппара Гъумук, Ккуллал районнай, шагърурдай тIайла бавцIусса лакрачIасса Щазал балайрду чивчуну ванал 1967 шинал жуж итабавкъунни «Ккурккуллал Щаза» тIисса цIанилу.

Укунсса чIалай бур Халиллул Щазал оьрму: «Ганин ккавккун бур яхI гъагъан бансса зия баврил къюкъала, къабуцинна тIий авцIусса ччиссаннал хаиншиву... Нитти-буттал ина жул душ бакъара тIисса дакIнийн къутIлатIисса, щяллил бюкъан буллалисса махъру, шаппату къатIуппай экъиливчуну, нитти буттал ялату бутаву».

Халиллул Щаза чIалай бур чунна учин чув акъасса, зана битан зал акъасса, мина дишин буттал къатта бакъасса, ка дулун лас акъасса, диндалул ва шариаэтрал нааьналуву бивхъуну вайлул хъуну лавгсса хъамину.

КIиазаркусса шиннардий чичулт цIунилгу кIура баюнни ЩазачIан. Цинаявняяр хъхъичIун увккун, Халиллул цала жужрал хъхъичIумкъуву гания чивчумур тунтсса рангиравун щуну цIу буккан бунни. Ванал тIимур тасттикъ бунни филологиялул элмурдал доктор, профессорнал Сулайман АхIмадовлул.

Халиллул «Ккурккуллал Щаза» тIисса цIанилусса пьесагу чивчунни. Вара темалий, вара материалданий цаннива ца буккан бувну кIива пьеса чивчунни Дагъусттаннал халкъуннал шяирнал Мирза Давыдовлулгу. Вайннал пьесарду бивхъунни лакрал театрданул. Халиллул ва Сулейманнуй бюкъу-аьй дуллалисса кIива статья итабавкъуну бур «Щубарз» журналданий, «Илчи» кказитрай Аьвдуссалан Магъдиевлулгу.

Халиллулгу, ванал тIимуний бавцIуминнангу Щазал щала биография, оьрмулул ххуллу чIалай бур цила балайрдаву. Вайннуву щала оьрму бивхъуну бакъашиврущал, цивппа-цивппа къеппул бугъарча, бувккунан, бавнан личIи-личIину бувчIин бюхъайсса, Щазал биографиялийн ва творчестволийн личIи-личIисса асар байссагу бур. Масала, цаппара махъру бур ца мяъналий бувчIин бюхъайсса, ягу бувчIин аьркинсса, ца махъ бур личIи-личIисса мяъналий бувчIин бюхъайсса, ягу бувчIин аьркинсса. Масалдаран, Щазал балайрдаву бур «лавмартшиву дунни», «хъяврин бунни» тIисса махъру. Щазайн бувцуну Халиллул цалагу ххи бувну бур я Щазал балайрдаву, я халкъуннаву бакъасса «зия бувсса», «хаиншиву дурсса» тIисса махъругу. «Лавмартшиву» дунни куну учин бюхъайссар цаннал гама авххунни, ссаву унугу балалухъхъун ириян унни, луркIан дурккунни, цаймигу дусшивруцIун къадаркъусса давуртту дунни, вихшалашиву къуркъунни тIисса мяъналийгу. «Зия» бувну бур тIисса махъ бувчIин бюхъайссар душний зуна бувну бур тIисса мяъналий. Вара мяъналий учин бюхъайссар «хъяврин» бувну бур кунугу. «Хъин» хъунни куну учай багъана бакъана личIи хъусса, дянивалу зия дурсса, цаманал чул бувгъусса, цала дянивусса къюлтIисса зад цаманыхъ бувсъсса вихшаласса инсаннайн.

Халил вай махъру укунсса мяъналий ласлай ур Щазайн. Ванал пикрилий вай мукъуртгий Щаза буслай бур Амираьлил лавмартшиву дурну, хъяврингу бувну экъиливчуву цуппа.

Вайва махъру цамур мягналийгу бувчІин бюхъайссар. Дуснал дусная мукъучІа, иширачІа цала дянивесса къюлтІмур бусарча, уртакъ къарязисса даву дарчу, къатІув ливчІманал ина ттун лавмартшиву дунни учин бюхъайссар, амма гайннал дусшиву къалаайссар. Хъяврин баву оърмулул багъу-бизулу-щал нанисса зад бур, ванил цаннайн ца ххаххан, дакІ дугъан къаай. Цаннал бусласимур гаманал къатІайлашиврий биширча, цаннал цанная къаучинссар тІмур учирча, ина на зия унна чин бюхъайссар. Гъалмахчу цаманал гъалмах-чу хъурча, цаманал чул бугъарча, кІинналагу дянивмур цаманакъ бусарча, ганахъ ина ттуйн хаин хъунна учин бюхъайссар. Вай бюкъулул мукъурттил инсантурал дянивун энад къабутайссар. Щазан бувчІуну бур Амирабли циява личІи хъушиву гъанчунал цищала оърму бутансса шартІру, сантру дитан най бакъашиву бувчІуну. Амирабли цийна хаин къавхъусса кІулну бунагу цала эшкъи-ччаврийн хаин хъуну чІалай, ванайн къаччан бивкІсса дакІнил гъис ялувн къаливчуну къабикІайссар.

Щазал балайлувусса кІира мягналий бувчІин бюхъайсса махъру цинма Амирабийн къаччан бивкІшиву кІул дуллалисса махъру бур. Вай укунсса бивкІшиву бувчІлай бур Щазал чІявусса Амирабийн хъар хъанакъисса балайрду ккалаккинй.

Щакливун бутлатисса балайлучІа вай балайрду бивхъуссания, Халиллун гивусса кІира мягналий учайсса махъру тІайлану бувчІинтІиссия.

**Жува личІи бувунну
Заннал личІи бувухъал,
Ва ттул дакІрив тачІавгу
Вия личІи дан къашай.**

**Вил ва ттул ччаврил дазу
Щища дуван бюхъайссар,
РатІув щаращал щинну
Щища личІи дан шайссар.**

**Хъхъувай утту бишаврил
На шанан бикІайххурав,
Ина чил хъуссара тІий,
КъуцІу хъанай бикІара.**

**Чиви найрал ницІнияр
НацІуну дуресса ччаву
Вин ва ттун къурчІи дурнан
Дуниял къурчІи хъуннав.**

**Вил иттату ттул итгав
Лавхъсса нурданул чирахъ**

**Лещан бан савав хъунал
БакІрав яру лещаннав.**

**Ссавнийх бивт ссурулккуртта
Лещан бан бюхъайссарив,
ДакІнивун чани бувма
ДакІния уккайссарив.**

**Бюхттул зунттай ав хъурдай,
Вил ттупангирал бутан,
Ардарав уртту хъурдай,
Вил оъручал хъап учин.**

**Щинзирнияр цІакъривав
ОърчІнийра хъусса эшкъи,
КъяцІрах дуцлай бунугу
ЛичІи дуван къархъунни.**

**Шярал хъаннин махъ хъунни,
Шярал оърчІан хІаз хъунни,
Ца вил ва ттул дянивун
ХІасратшиву дагъунни.**

Халил чичлай ур Щазан ккавккун бур къабуцинна тІий авцІусса ччиссаннал хаиншиву тІий. Ванил цуппагу, Амираблигу личІи хъуну махъсса балайрдал бу-слай бур цала эшкъи-ччаврийх ххитвагу къабавкъушиву, лама лагъ къавхъушиву. Ххишалдаран, вай балайрду цал увкусса бакъар. На вай личІи бав шиннардий

тИий бивкІсса балайрдава. Вайннул буслай бур Шаза ва Амираъли цаннин ца личИ хьуну махъгу ччайна бивкІшиву. Вава ва тасттикъ буллаи бур Амираълил шарссанил Загъидатлул тгухъ бувсмунил. Абакардул цала арснахъ ва Шазахъ дурсса ихтилатрал. Шярал хъаннил Шазаи бихълахъисса гъибатирттавагу баллай бакъай ва ччиссаннал зиягу бувну къабивтссар тИий.

Шаза цинявннал яла бивтсса куклу душ бивкІшиврул бардулт Халиллул цила нину-пугу бувну бур. ХъхъичІмукъуву ва чичлай ур: «Ганин ккавккун бур... ина ттул душ бакъара тІисса, дакІнийн къутІлатІисса, шяллил бюкъан булла- лисса махъру, шаппату къатІуппай экъиливчуну, нитти-буттал яла бутаву».

ХІакъинугу учин бюхъайссар буттал цала тІимунила буклакисса душнихъ, оърчІахъ букку (укку) ттул къатлува куну. Укун я чара бакъа буккан къау- чайссар, я буккун гъарча къатлул къатІув хъхъу дутан къабитайссар. Ва бур цала оърчІ-душнийн къаччан бивкІун ялувн ливчусса дакІнил асар. МахІам- мадаватугу душнийн къаччан бивкІсса дакІнил асарди ялувн ливчусса. Вагу ппур, ванангу кІулссар душ шаппату экъиличирча, ганийсса аьй халкъуннал дуссаннуяргу хъуннану чІалан дикІайшиву, шаппату буккан бануксса къа- бивкІссания къабуккан бантІиссия учайшиву. КІулссар жяматрачІа цала цагу чІири шайшиву. МахІаммадал халкъуннал учаймургу, чІумул аьдатругу кІулну тИийри гъан дурну шарсса шамулку къинива душ шаппайн зана бивтсса.

Ца цамур задгу бур кІицІ бан багълай чІалачІисса. Кулпатрал багъу-би- зулува хъанакъимуния тІиний, чІявуну нитти-буттал цІания учай. Ташулул зад буттал цІания бикІай, хаснува Шазал заманнайсса. Шазал шаппату экъи- личаву бутташал ниттилгу дурссар тИий ур Халил. Ва пикри къабувна тИий ухъурча «нитти-буттал» ца зад бур мунала нинугу диркІссар Шаза шаппату буккан буллаи бутташал тИий ухъурча, нинугума дуний душ шаппату буккан буллаи, ва лякълул оърчІайн укун тІутІи дануксса аьйлувун багъсса Шаза хъанакъиссар. Нину душ цуксса аьйлувун багъну бухъурчагу шаппату буккан бан рязи къашайссар.

Халил ур Шаза «нитти-буттал буккан байхту, га Гъумукун цанма кІулсса инсантураннийн, Жамаловхъал майор АьвдурахІиннучІан лавгун бур» тИий. АьвдурахІин я Шазал буттан МахІаммадан, я цина Шазан, я Халиллул чив- чусса куццуй «цанма кІулсса» адамина къаивкІшиву чІалачІисса зад бур. Аба- кархъал ва Магъилавхъал къини ца дакъа тИий Амираъли ва Шаза мурадирайн биян къабивтун бур. Абакардул цала даражалийсса дус АьвдурахІин хъиннува архссар МахІаммадая. Хишалдаран, АьвдурахІинхъаннийн вайннан щил, цукунсса душ буссарив къакІулсса Шаза цуппа лавгун бур тИий ур Халил. Халиллул кІулссар Шаза цийнува цуппа АьвдурахІинхъачІан къалагайшивугу, лавгун кІайннал къамул къабайшивугу. Шаза АьвдурахІиннучІан лавгшиву циняв Ккурккуллан ва Кумиян кІулну бивкІссар Халиллуца къашай Шаза ваначІан гъан къабитан, ванил оърмулул кІилчинмур бутІа Гъумучату бай- бихълай буний, Шаза Абакардул биян барча АьвдурахІиннучІан, Шазахсса Абакардул аякъа, баччи ялувн личлай бур. Халиллуца Абакардул Шаза экъи- ливчуссар, куклу-кутІа бувссар чин хъанай бакъар. Ва кІанттул чІарах уккан- шиврул, Халиллул Шаза цуппа гъан буллаи ур кІулсса АьвдурахІинхъачІан.

Цамургу, Халиллул Шаза шаппайн кІура баин бувссания, нитти-бут- талгу, цайминналгу хъхъичІ Шаза цамур хьуну бацІан най бия. Ванийнсса бюкъу-аьйрду чан хъун най дия. Баххана бан багъан най бия ганияр шихун- майсса оърмулул ххуллу. Цу бувксса Шаза цІана жухъва бивкІссар тІикунсса

къахъун най бия. Щазая чичлачиминнан ва цала тIикунсса ччай бия. Вайннал бацIан кIантту бакъасса, чIарав ацIанма акъасса саяхъ АвдурахIиннучIан гъан бувну, Щазая буттал къатлуца, шярваллицIа хъусса, бунагъирттал вайлул хъуну гъан бувсса душ бунни.

Щазал оърмулул ххуллийх лавгманан чIалай бур ванил оърмулул шанна хIин душиву. Цалчинмур – Ккуркливсса аскину бувтсса оърмулул дайдахъу, кIилчинмур – Гъумуксса, Ваччавсса оърмулул шинну, шамулчинмур – Совет хIукуматрал цила хъаттирдалун бавкъусса, оърчIал, оърчIал оърчIал ххари буллай чурххайсса щавурду ларкъусса, дакI паракъат хъусса шинну.

Халиллул шамилчинмур оърмулул бачIиннунун буккан бувссания Щаза, вания цамур Щаза хъун най бия.

Щаза цал бувккуну хъамабитайсса балайрдал заллу бакъар. Ва бур эбратран бишин аъркинсса биография бусса, захIматсса оърмулул ххуллурду бивтсса, хъаннил тархъаншиврул ттугълилу хъхъичIва-хъхъичIминнавух бавцIусса зунттал душ.

Халил тIайлану тIий ур Щаза алши-талихI къавхъусса, оърму оьнийн бувксса душ бивкIссар тIий. Ванал тIийкун, Щазал цила оърму бивхъуну бур балайрдаву. Амма, вайннуну шала оърму бивхъуну бур тIиний, хъинну аьйкълай ур. ВаницIун бавхIуну ванаща Щазал шала оърму аьч бан бювхъуну бакъар, бувмунивугу тIайла бакъа бувчIусса кIанттурдугу бур. Щазал тIимур цанничIа ца къабивхъуна, хъирив къалавна чивчуну ванил оърмулул сурат даххана хъуну дур.

Халиллул цала Щазаясса чичрулул гъанулу бишин аъркинссия ганил биография, гъан аъркинссия ччех бикIлай цанния цаннийн булкай, оърмулул шагъраххуллийн къабувкна ливчIсса Щазал оърмулул жегъил ххуллурдайх, ганил уссул никъурай цаламунил мицI бизлай.

Халиллухъхъун Щазал балайрду буллусса ккул-хъусрациян бавсса балай-рду кIулну бухъурчагу, ганил оърму кIулну бикIан къабюхъайссия. КIулсса Щазал гъанчунахъ, ккурккуллахъ, кумияхъ ва гъанну кIулминнахъ цIуххин царагу шяравун лавгун акъар, цаягу шиччасса инсаннахъ цIувххуну бакъар.

Щаза цихава лавхъхъуну чIаланшиврул, вания чичлачиминнан, буккул-тран, цаппара Халиллул чIурчIав къадуртсса, чIарах увксса ванил оърмулул лишанну, лахIзарду кIицI бан аъркинну чIалай бур. Масалдаран, нину дур оърчIал кIини. Щаллусса миллатралгу, Дагъусттанналгу цIа кIицI дуллалисса, Щазал ниттил Аьйшал цIа кIицIрагу дуллай бакъар вания чичлачими. Щазал агъулдания, насрулия ливчIмигу кIицI бан аъркинссар тIиссара на. Мачча-гъ-анная ттун кIулну шамма хъамитайпа ливчIун бур: Щазал арснал душ Наида, ссурахъулссийл душру цинна цIа дирзсса Щаза ва ванил ссу Раиса. Вайннал насругу буссар.

Щазал буттал къатта бур инсан ухханну. Шиву ялапар хъанай бур цайми ккурккул. Къатлувуминнангу, чIаххурангу бакъа ва Щазал, учарухха, къатта бушиву кIулну бакъар. Вайннангу тIарлий кIулну бур. Халкъуннавун цIа дагъсса инсаннал цIа дизай кучалун, цамур задрен. ЦIа къадишурча къатлул чIирай шиву ялапар хъанай ивкIссар тIий цIа чирчусса мемуриал ула цIакъ дай. Жуламиннал хIурмат бусса бакъару жува. БивкIссания, тамансса ккур-ккул бикIантIиссия къатлул чIиртгая жухва буруглагиминнал хъхъичI бакI къус дитлай.

Халиллул чивчусса жужрал хъхьичІмукъуву Абакархъул Ккурклиясса бивкІссар, Щаза вайначІа ичІувадушнил даву дуллаи бивкІссар тІий чивчуну бур. Амираблигу букъавсна бувчІлай бур Ккурклиясса ивкІшиву. Амирабли ва Щаза ца шяравасса бивкІссания, вайннаясса ай-ту Ккуркливва лещантІиссия.

Билжилийну кІул хъуну дакъар Щаза бивкІусса шингу.

Ялув кІицІ лавгсса «Щаза из Куркли. Ккурккуллал Щаза» тІисса луттираву Н. Къапиева чичлай бур Щаза 1931 шинал бивкІуссар тІий. ЦукунчІавсса барашинна дакъар. Вава луттираву Щазал арснал душ Наида бур 1937 шинал апрельданул 6-нний бивкІуссар тІий. Ванил тІимургу чІарав бардултгу бацІан бувну цамур шин ккаккан дуллагиминначІан букІлай бакъар. Цала жужрал хъхьичІмукъуву Халил ур Щаза 1932 шинал бивкІуссар тІий. Вагу гъавал-лавату ларсѐсса шин дур. МахІаммад-Загъид Аминов ур Щаза 1939 шинал бивкІуссар тІий. Шин тІайла дацІлай дур, ча ларсѐсарив, щил бувсѐсарив буслай акъар. Чирчумур тІайла дарцІуну чІалай бур.

Щазал бивкІулучІа бивкІсса чІявусса бия Ккурклив.

Шяравусса бувминнал, ливтІуминнал цІарду, шинну, хъусса иширттая чичайсса, Щазал бивкІулучІа ивкІсса гава Къадинахъал ХІажинал бувсунни ттухъ Щаза бивкІуссар 1939 ш. ноябрьданул 30-нний, Финляндиянашалсса дяъви байбивхъусса кьини куну.

Щазал ссурахъул Закахъал Аьвдуразакъул увкунни Щаза бивкІуссар 1939 шинал ссуттил. Барз число дакІний дакъар. Га кьини Финляндиянашал дяъви байбивхъуссар тІий баллай бия ХІажинал кунма, увма, ивкІума хъусса ишру чичайсса Магъдиев Набинал, Щазал гъалмахцарнил учительницал Сакинатлулгу тасттикъ бунни вара Щаза бивкІусса шин, барз, число. Сагъиратлул душнил душнил Мисидул увкуна Щаза бивкІунни ссуттил 1939 ш. Барз, число къадакІнийри. КІул хъун ччарча, га диркІссар жулагу, Финляндияналгу дяъви байбивхъусса кьини. Га кьини кІулсса чІявусса бикІантІиссар. Щазал ниттирсул Закахъал СалихІатлул увкуна ттухъ ссийл душ бивкІусса барз, кьини ттун ча кІулссар, бавал, бивкІулул лагъа-лахъу бан кару дяхлахъисса ссуттил чІун дия. КІурукъатлий бикІайва га кьини щичаллив дяъвигу хъуну бур тІий.

Вайксса бардултрал тасттикъ дуллалисса 1939 ш. ноябрьданул 30-нний аьпалухъхъун лавгун бур Щаза.

ЧалачІисса куццуй, оьрмулуву бивкІмур Ккурккуллал Щазагу, чичултрал жунма ккаккан буллалимур Щазагу ца бакъар. Шаэр ва балайчи хІисаврайгу, захІматсса оьрму бивтсса, цайминнан эьратну ккаккан бан лайкъсса хъамитайпашиврийну лакран оьрмулуву бивкІсса куццуйсса Ккурккуллал Щаза кІулну бикІан аьркинссар тІиссара.


На циняв бювкъу-аьйрду Халил Халиловлуй дуллалисса Щазал ялату аьрши ванал эькидирчуну тІийра, лакран, хаснува ккурккуллан, магъирсса шаэр ва балайчи ванал буллуну тІийра. Ванаяр хъхьичІ Щазая чивчуминнал ва ттуруллува буккан къабунни, ванаяр махъ чивчуми ванал тІимур тІий бур, ванал къачивчумур ххи къабунни, аьй хъуний тІайла ацІан къаунни, цала мукъуртгий Халиллул чивчумур тикрал буллаи бур.

На ттула чулуха хъунмасса барчаллагъ тІиссара Халиллухъ. Ванайн агъсса ва оькки ан акъарача, Щаза цила ххуттавул бутаншиврулла. Умуд бур Халиллул ттулва пикри бувчІинссар тІисса.

* * *

Сибирбаг Къасумовлул шеърирдаясса ца-кIива махъ

Дагъусттаннал халкъуннал шаэр Сибирбаг Къасумовлул творчестволуву хъунмур кIану бугълай бур Буттал кIантгухасса ччаврил темалул. Цува чув унугу, ганал дакI дур даин Лаккуй, Хъусрациял шяраву. Буттал шяраву бур шаэрнал патриотизмалул бакIшараши. Лирикийсса виричу дакIмяшну ур леххан хъаруций дусса лелуххуй (Агъ, дахIалай лелуххун), дакI дакъания бивзун, дакI дуний мина дайсса. Аслийсса зунттал мина къадиртун, ялавай шагърурдаин бизаву дур художникнал яла хъунмур дард-хажалат.



**...КъакIулли ттул миллатран
Цаннив гъурбат ххирасса,
Буттал улча къабивтун,**

Вайварттай мина дурсса? – тIий, чичлай ур автор.
Му бур къурчИсса, бюххансса зат. Шеъри бувккукун, жувагу Буттал кIану дакIнин багъну, къума лагару.
«Чассара учай» тIисса назмулуву Сибирбаг чичлай ур:

**Чявуну ттухъ цIуххай, чассара учай,
КъакIулли ттун нава часса уссарав,
Лявхъуссара Хъусрахъ, Хъун неххал чIарав,
Хъун хъуссара Лаккуй, барзунттал карав.**

Ванияр ххуйсса жуваб суалланун къадикIанссия. Гихунмай тIурча куну бур:

**Ттун пагъламан лахъан лавхъхъуссар ЦIувкIрав,
Уссуй ппа дизангу лавхъхъуссар ШавкIрав.
Гъумук заргалтурал ттун лахъхъин бувссар
Мусий накъич чичин, арцуйх къин бакъин.**

Укун усттарну ихтилат кѳура баен бувну, лакрал саняткартурая бувсун бур. Назму кѳуртал хъанай бур патриотизмалул ноталий:

**На атлай шищачѳав шайссарав атган,
Сурхай-ханнал авлад чѳарав буссаксса?
На ивкѳлай шищачѳав шайссарав ивчѳан,
Хан Муртазаабли уттавассаксса.**

Мяйжаннугу, жулва вирттал жунма дакѳний буссаксса, жува шищачѳав бух бан къашайссару. Гай вирттаварал чувшиврулли жунма гуж буллалисса, жувура чувшиву, яхѳ ва кѳирият духлаган кѳаритлатисса.

«Бивзрав ттул буттал улчай» тѳисса цамур шеѳрилуву шаэр чичлай ур:

**Бивзрав, ттигу бивзрав, ялагу бивзрав,
Ттул бусса-бакъасса ца буттал улчай,
Бивзрув, зугу бивзрув, барзунттал аврдув,
Ххяллайх зурчѳай тѳисса зунттал аьтарттув.**

Цува чув ухѳурчагу, зунттал аьтартту ххяллайх зурчѳай тѳисса буттал кѳану бусса-бакъасса цари, тѳий ур Сибирбаг. Цалва поэзиялул сурсатру: лащанбавуртту, метафорарду, эпитетру паргалну ишла дуллай ур Сибирбаг Къасумов. Хѳуруннал мачѳру хъат-хъат уксса куну бур. Щархъал эяллув дакѳнийн гѳис-гѳис тѳий дур, куну бур:

**... Бивзрув хъат-хъат уксса хѳуруннил мачѳрув,
Дакѳнийн гѳис-гѳис тѳисса щархъал эяллув...**

Шаэр дакѳнин бутлай ур Ялув кѳулардай махѳла. Ганал хъхъичѳ дацѳлай дур цува жагѳилсса чѳун:

**Хѳайп, дакѳния къабуккай
Ялув кѳулардай махѳла
Даим кѳюрххил-ахттакъун
Душварал бувцѳунмасса.**

Гихуннай паргалну дирхѳуну дур ялув кѳулардайсса жагѳилтурал тѳуркѳурдал сурат: кув лачѳун, кув - пѳянцѳлий, кув чѳиллай буклай бур, амма яруми лулттува душваврах бур. Цими жагѳилнан шикку душних эшкѳи кѳархѳухѳунссар, тѳий ур шаэр. Амма цакуну сурат даххана хъанай дур:

**Хѳайп, урхѳригу гъавгѳунни,
Щингу экъи ларгунни,
Щинав бучѳай душругу
Шагѳурдайнмай шар хѳунни.**

Тяхъашиву пашманшиврийн кІура даллай дур шяърилуву. Ахир мукъурттил тІурча шавуин цІу бичлай бур:

**МахІла ххуй бай кьуллагу,
Учин бусан махъ бакъа,
Бизар хъанай ливчІунни,
Щинав учІанма акъа.**

Гара буттал кІанттул темалун хас бувну бур Шагърулий чІалаьгу бав тІисса шеъри. Га бур шагърулий «тавтсса» лаккучуная, яни чІалаьгу бувну, кьуллугъгу машин лавсун, цана ччикун ялапар хъанахъисса чуная, абзиз буттал улчагу хъирив аьтІий къабивтун. Ца шпурттуву тІурча, га гъурбатрайн ивзсса, гъурбат нахІу лавчІисса инсан чантІ кусса куна хъанай ур, га буруккинттавун агълай ур:

**...Агъ, инай тти ци байссар
Гъурбатрай дяйкъу дакІнин,
Шайссарив тти ванища
Цищара цурда лякъин?**

Га ур кьуману утти ганища Ттухъа зунттуйн лахъан къахъунсархха тІий, ссавнийн хъяхъи шарашуйн аьтІий хъямала дагъан къахъунсархха тІий. Яла-яла абсивну ур утти цацава къабюхъансархха тІий:

**ХхунххутІал тІутІул арив
ДакІ-ттиликІ кІутІу дуван...**

Хизри ИЛИЯСОВ





**ГАРУН
САИДОВ**



Гарун Саидов

1894-1919



Индекс годовой 63334
Индекс полугодовой 73894



Ваччи

НОВОЛУНИЕ
На лакском языке